

Wël Jethu cï Luka göt

Wët nhom

Wël Jethu cï Luka göt, aa Jethu nyuwoth lön ë yen raan wäär cï Nhialic lueel ka bi tuöcc pinynhom, bi kóc Itharel ku kóc cie kóc Itharel bën luök. Acï Luka göt lön Jethu acï Wëi Nhialic cööl bi, “Wët Puoth Yam bën nyuöth kóc ñöñ nyin.” Ku wëlkä, aa la yiic käk wic raan ëbën. Käk miët puöu aa rëër wël cï Luka göt yiic aya, cïmën bën Jethu pinynhom, acï lueel thïn cök tuej yiic, ku tẽ thöök wël thïn aya, ku wäär ler Jethu nhial. Anyiköl la tuej ë wët kënë, ku juëñ bi gam kóc cï gam rot juak la nhial Jethu cök, aaci raan tönj kënë göt aya athör Luoi Atuuc Jethu yic.

Abaj 2 ku 6 (tiñ käk cï göt athöör yic bö ciëen) aatö käjuëc yeke yök athör kënë yic ë rot. Cïmën anyikööl diet atuuc nhial, ku këwäär cï abiök Jethu la neem wäär dhiëeth ye. Ku la Jethu luañ Nhialic wäär ë yen dhök. Ku wël waal raan path pan Thamaria ku manh cï mää. Ee wëlkä yiic, ee röök yen acï ber yic bi tset kóc puöth. Ku Wëi Nhialic, ku käk cï diäär looi ë luoi Jethu yic, ku pël bi Nhialic adumuööm päl piny.

Käk tó thïn

Wët Nhom	1:1-4
Dhiëth ku mæeth Joon raan kóc muöc nhïim ku jöl a Jethu.....	1:5-2:52
Luoi Joon raan kóc muöc nhïim	3:1-20
Miöc ë nhom ku thëm Jethu.....	3:21-4:13
Luoi Jethu ëbën pan Galilia.....	4:14-9:50
Jäl pan Galilia ku la Jeruthalem	9:51-19:27
Nin ciëen kadhorou thuunde nhom tuej	19:28-23:56
Jön rot ku nyooth rot ku la nhial ë Bëny.....	24:1-53

1 Tënë Thiöpiluth, cit tẽ ye piëñ ye, acï kóc juëc them bik käk cï röt looi kamkua göt. ²Aaci gët käk cï kóc cï ke tiñ, ku kóc lui wët Nhialic lëk yo tẽwäär jöök kakkä röt. ³Këya, Bánydië, wën cï yën käk cï röt looi muk cök tẽwäär jöök kek röt, aca tak ba ke göt apath tënë yi, ⁴rin bi yin käjuëc cï piöcc tënë yi jäl ñic lön cïi kek ye lueth.

Atuny Nhialic aci dhiënh Joon lueel

⁵Wäär ye Yërot bënyḡaknhom pan Judia, raan kāk Nhialic cɔl Dhākaria ë tō thīn, ku yeen ë ye raan akut kɔc kāk Nhialic cɔl Abija, ku yeen ë la tiḡden cɔl Elithabeth, nyen kuat Aron. ⁶Dhākaria ku Elithabeth aake ye kɔc path tēnē Nhialic, rin keek aake rēër ke cīn gup awuɔc ke thek lööḡ Nhialic. ⁷Ku keek aake cīn mīth rin Elithabeth ëcīi dhiëth, ku keek aake cī dhiɔp kedhie aya.

⁸Nayɔn akāl tōk, yen ke kuëër kɔc akut Dhākaria bīk luui luḡ Nhialic, ⁹ke kɔcken akut cuet ḡek, go lööny tēnē ye bī ya yen la adōḡ ḡīr took ariäk nhom luḡ Nhialic. Go la lueek. ¹⁰Ku tēwën took yen adök lueek, ke kɔc juëc awën cī guëër aake rōök ayeer.

¹¹Kaam wën, ka atuny Nhialic nyuth rot ye ke kääc löḡ cuëc ariäk nhom tēwën took yen adōḡ ḡīr thīn. ¹²Tēwën tiḡ Dhākaria ye, go riöc apei ku muum nhom. ¹³Go atuny Nhialic lëk ye, “Dhākaria! Duk riöc, rōökdu aci Nhialic piḡ, ku ëmën tiḡdu Elithabeth abī manh moc yök. Na la dhiëëth, ka bī cɔl Joon. ¹⁴Wek aabī puöth miet wedhie wek tiḡdu tē le ye dhiëëth. Ku kɔc juëc aabī puöth miet ke we aya, ¹⁵rin yeen abī ya raan tōḡ ril kam kɔc kāk Nhialic tiḡ. Ku yeen aci bī ya dek kuat muön la yic luɔu. Ku yeen abī Wëi Nhialic la yeguḡp ke cɔk ḡoot man yäc, ¹⁶ku yeen abī kɔc Itharel cɔl adhuk Nhialic Bányden. ¹⁷Abī kaḡ tuöl tēnē Bëny kek riel thōḡ cīmën riel Nhialic wäär tō tēnē Elija. Ku Joon abī wärken ë mīth cɔl anhiar miëthken. Ku kɔc ril nhiim ëmën cie wët Nhialic ye piḡ, aabī kenhīim waar. Ku këya, yen ë tē cī Joon kɔc cɔl aa guir röt thīn rin bën Bányda.”

¹⁸Go Dhākaria lueel tēnē atuny Nhialic ëlä, “Ba ḡic kädë lön bī kënë rot looi? Yen aci dhiɔp ku tiḡdië aci dhiɔp aya.”

¹⁹Go atuny Nhialic dhuök ye, “Ee yen Gabriel, rēër Nhialic lööm ku yen aci tooc ba yī bën lëk wët puöth kënë. ²⁰Rin këc yīn wët ca lueel gam, yīn abī rēër yī cie jam, yet tē bī kënë rot kaḡ looi akölden bī yen rot looi ke cīt tēde.”

²¹Tēn awën, kɔc aake tit Dhākaria ke cī gäi kë rēër yen luḡ Nhialic apei këlä. ²²Nawën le bën bei ke cīi jam, gokë ḡic lön le yen kë cī rot nyuöth ye, tēwën ye yen nyuuth yecin ku cīi jam.

²³Nawën la nīn luui Dhākaria luḡ Nhialic thök, ke dhuk paande. ²⁴Nawën ke tiḡde Elithabeth yök meth, ku jöl rēër baai pëi kadhiëc ke cie la ayeer. ²⁵Ku jöl ya lueel, “Nhialic aci kënë looi tēnē ya bī piathde nyuöth ya, ku aci kë ye ya dhöl guḡp rin cī yen rol jal nyaai!”

Atuny Nhialic aci dhiënh Jethu lueel

²⁶Tēwën ye pëi Elithabeth dätem, ke Nhialic tooc atuönyde Gabriel gen Nadharet tō pan Galilia, ²⁷tēnē nyan bīm cɔl Maria, ku ë thieek

*Go atuny Nhialic
bën tënë ye ku lueel
(1:28)*



mony cɔl Jothep, raan dhiënh Bënyɲaknhom Debit. ²⁸Go atuny Nhialic bën tënë ye ku lueel ëlä, “Madho, yïn athiäŋ dhëëŋ Nhialic. Bänyda atö ke yï!”

²⁹Go Maria riöc ku muum nhom wën piŋ yen wëlkä, ku thöön yepuöu käk tö ë wët kënë yic. ³⁰Go atuny Nhialic lueel tënë ye, “Duk riöc Maria, yïn anhiëer Nhialic. ³¹Yïn abï meth yök, manh moc. Ku na la dhiëëth ka ba cäk ke cɔl Jethu. ³²Abï ya raandit apëi Nhialic nhom. Ku abï cɔl Wën Nhialic Madhɔl. Ku Nhialic Bänyda abï bääny Debit wundit yiëk ye, ³³ku abï ya bëny pan yï Jakop akölriëëc ëbën, ku bäänyde aciï bi thök alanden!”

³⁴Go Maria lueel tënë atuny Nhialic, “Bi rot looi kädë. Yen ë nyen bim këc thiaak?”

³⁵Go atuny Nhialic bën lëk ye, “Wëi Nhialic abï lööny yïguöp ku rielde abï bën yïnhom. Manh thin dhëŋ ba dhiëëth abï cɔl Wën Nhialic. ³⁶Ku dët akïn aya, molën Elithabeth ci dhiöp aci meth jäl yök cök a wäär ye

ye tiŋ ke ciēt cī rol. Pāike aa dātem emēn. ³⁷Rin ŋic Nhialic kāŋ looi ebēn. Acīn kē gōk ye.”

³⁸Go Maria lueel, “Yen alony Bānyda, abī looi tēnē ɣa cimēn wētdu.”
Go atuny Nhialic jāl.

Maria acī Elithabeth la neem

³⁹Nawēn nin lik cōk, ke Maria lööny dhöl ke cīn gāäu bī la pan yī Dhākaria rēēr tēthōny pan Judia. ⁴⁰Ku ler pan Dhākaria ku muōth Elithabeth. ⁴¹Kaam wēn piŋ Elithabeth Maria ke muōth ye, ke manh liēc yen riāŋ yeyic. Ku go Wēi Nhialic guɔ lööny yeguōp. ⁴²Ku lueel röldīt tēnē Maria, “Yīn aye leec diāär yiic ebēn, ku lec manh yānydu. ⁴³Yeŋō thieek ɣayic abī man Bānydiē ɣa bēn neem? ⁴⁴Kaam wēn piŋ ɣen yīröl yī muōth ɣa, ke manh tō ɣayic mit puōu ku le nyooŋ-nyooŋ. ⁴⁵Yīn amit guōp rin cī yīn wēt Bānyda gam, lōn bī wēt cī lēk yī rot tiēŋ!”

Waak Maria

⁴⁶Go Maria lueel,

“Yīn Bānyda yīn apiaany ɣapuōu,

⁴⁷ku ɣen acī puōu miet

tēnē Nhialic pīr ɣen,

⁴⁸rin cī yen aluɔnyden cie kuēēc nom lieec.

Ku akölē le tueŋ,

riēēc ebēn abā leec rin cī Nhialic ɣen dōc,

⁴⁹rin cī Nhialic Madhəl

kādīt looi tēnē ɣen.

Yen aril ku adhēŋ.

⁵⁰Ku yeen alir puōu tēnē kuart raan ebēn,

kuat riōc ē yeen.

⁵¹Nhialic acī kōc bāŋ nhiam

thiāi pinynhom kōŋden ril.

⁵²Ku acī bāny ril piēk piny thōcken nhīim,

ku jōt kōc cīi nhiam cie kuēēc nhīim nhial.

⁵³Ku ee kōc ŋōŋ wīc kāŋ,

yiēk kājuēc ku nyiēŋ ajiēk.

⁵⁴Ku acī wētden cī thōn wārkuan dīt tiēŋ nom

ku kony aluɔnyke, kōc Itharel.

⁵⁵Cimēn wāär cī yen ye lēk wārkuan dīt,

Abaram ku mīth cī lōk dhiēeth!”

⁵⁶Ku jəl Maria rēēr kek Elithabeth tēcīt pēi kadiäk ku dhuk panden.

Joon aci dhiëeth

⁵⁷Nawën ke pei Elithabeth thök, ku dhiëeth manh moc. ⁵⁸Nawën piŋ kɔc akeu nhom ku kɔc ruääi ke ye lɔn ci Nhialic ye lieec, ke mit puõth apei.

⁵⁹Nawën aköl ye nin bët, ke kɔc bö bi meth bën ŋoot. Ku wickë bik cäk rin wun Dhäkaria. ⁶⁰Go man kuc ku lueel, “Acɔl Joon.” ⁶¹Gokë lueel tënë ye, “Acin raan ruääi ke we ci cäk ë rinkä.” ⁶²Ku nieukë wun nyin, ku thiëckë tē bi yen meth cäk thīn.

⁶³Go Dhäkaria agen gëtgët cɔl ku gët, “Acɔl Joon.” Gokë gai ebën. ⁶⁴Ku kaam thiin awën ke go ŋɛc jam ku leec Nhialic. ⁶⁵Go kɔc thiääk ke ke gai, ku thiëi wëlkä pan Judia yic, ku ye kɔc ebën jam ë ke. ⁶⁶Ku kuat raan ci wëlkä piŋ ë gai ku lueel, “Manhë, bi jäl yiëndë aköldä?” Rin ë yic, riel Bányda arëër kek ye.

Waak Dhäkaria

⁶⁷Go Wëi Nhialic lööny Dhäkaria guõp, ku lueel maany ci Nhialic nyuõth ye ëlä,

⁶⁸“Lecku Bëny, Nhialic Itharel! Rin ci yen bën bi kacke bën luök.

⁶⁹Ku cɔl raan pīr ʏo atul ʏon Debit aluɔnyde.

⁷⁰Wëtde aci kɔc kākke tiŋ lueel theer,

⁷¹lɔn bi yen ʏo kony aleikua ku kɔc man ʏo.

⁷²Acī Nhialic lueel lɔn bi yen wärkuan dīt lieec,
ku muk löŋ ë döör ci yen määth dɔm ke ke nhom.

⁷³⁻⁷⁴Cimën ci yen mël kuëŋ tënë Abaram wädītda,
ku thɔn lɔn bi yen ʏo kony aleikua,
ʏok aabi këde ya looi ke cin dieer,

⁷⁵të yer ʏok puõth ku lok cök yenhom akölaköl tē pīir ʏok.

⁷⁶Ku yīn manhdië, yīn abi ya raan kāk Nhialic tiŋ,
yīn abi la tueŋ yenhom ba dhöl la guiir tënë yeen.

⁷⁷Ba lëk kɔc tē bi kek pīr akölrīëc ebën ʏök thīn,
tē pël adumuõmken piny.

⁷⁸Nhialic alir puõu,
ku yen abi raan cit ruel cɔl abö pinynhom.

⁷⁹Ku yeen abi ruel tënë kɔc tō muõõth yic,
rëër thou yic, bik dhöl ye kɔc döör ke Nhialic jäl ʏök.”

⁸⁰Ku Joon aci jäl dīt ku yīk Wëi Nhialic riel dīt. Ku pīir roor tē cīi ceŋ ë rot yet aköl tul yen Itharel nhom.

Jethu aci dhiëeth*(Mk 1:18-25)*

2 Bënygaknhom cɔl Cithër ëci wët lueel bi kɔc bëëi mɛc ke kueen. ²Ku kën yen ë tē jɔk kuën ë kɔc rot tēwäär ye Kuirino bëny pan Thiria. ³Go raan ëbën la bi la gôt rin, ŋek pan wundit ku ŋek pan wundit.

⁴Go Jothep jâl Nadharet tō Galilia bi la gen Bënygaknhom Debit, tō pan Judia cɔl Bethalem, rin ye yen raan dhiënh Debit. ⁵Acì la bik rienken la gôt kek Maria wic kacken bik gäm ye, ku ë liac. ⁶Tëwën rëër kek Bethalem, ke nin bi Maria dhiëth thök. ⁷Ku dhiëeth wënde, ku der kōu alath ku tēëu diaany yic wën liiu tēnë anīin yōn jōl.

⁸Ku kɔc biōök aake rëër pan wën, ku aake ruu tiët ë thākken. ⁹Kaam wën ka atuny Nhialic tul kelōm ku ruel yer Nhialic kekōth bi ke riaal. Gokë riōc apëi. ¹⁰Go atuny Nhialic lëk ke, “Duōkkë riōc, ee wët path yen alëk we, wët bi thài ëbën puōth miet thīn. ¹¹Rin akölë, gen Debit tēn, Bëny Pīr kɔc aci dhiëeth, ku yen ë Raan cī Nhialic lɔc ku dɔc. ¹²Ku abäk ŋic kēlä, wek aabi meth yök, manh cī der kōu alath, ku aci tōōu gɔl cök.”

¹³Kaam awën ka atuuc juëc kōk met röt thīn ku leckë Nhialic ku luelkë,

¹⁴“Yeku Nhialic door, Aciëŋ tō nhial, ku dōr pinynhom tēnë kɔc nhiër.”

¹⁵Nawën cī atuuc juëkä dhuk nhial, go kɔc awën lueel kamken, “Lok Bethalem buk kāk cī lëk yo la tiŋ, ku kāk cī Bānyda nyuōth yo.” ¹⁶Gokë la ke ban kekōth, ku yökkë Jothep kek Maria ku Meth ke cī tāau gɔl cök. ¹⁷Nawën tiŋ abiök meth, ke lëk kɔc ëbën kāwën cī atuny Nhialic lueel ë rienke. ¹⁸Go kɔc cī wël kɔc abiök piŋ gāi apëi. ¹⁹Go Maria wëlkä ëbën piŋ apath, ku muk ke yepuō. ²⁰Go kɔc abiök awën dhuk ke lec Nhialic, rin kāk cīk piŋ ku tiŋkë ke, kecīt tēwäär cī atuny Nhialic lëk ke.

Jethu aci cāk

²¹Nawën aköl ye nin bët, aköl yen bi ye ŋoot, go cāk ke cɔl Jethu, rin wäär kek cī atuny Nhialic lueel wäär ŋot kēc Maria liëc ë ye.

Jethu aci yäth luaj Nhialic

²²Nawën cī nin thiärŋuan thök cit lõŋ Mothith, ke Jothep kek Maria la luaj Nhialic Jeruthalem bik meth la nyuōth, ²³cimën lõŋ cī Mothith nyooth theër ëlä, “Manh moc, ku ye kaai abi juër Nhialic.” ²⁴Ku keek aya aaci kuōr karou juaar cimën lõŋ Bëny.

²⁵Ku mony cɔl Thaimon ë ciëŋ Jeruthalem, ku ë raan path apeɪ ku ë riöc Nhialic. Ku ë tit Raan Pír kɔc Itharel, ku Wëi Nhialic ë tō yeguöp. ²⁶Ku ëci Wëi Nhialic lëk ye lɔn ciï yen bī kaŋ thou, tē këc yen Raan cī Nhialic lɔc ku dɔc kaŋ tiŋ. ²⁷Nawën yëth Maria ku Jothep Jethu luaŋ Nhialic, bīk kë ye löŋ Mothith lueel la looi, ke tēëu Wëi Nhialic Thaimon puöu bī la luaŋ Nhialic aya. ²⁸Go Thaimon Jethu jɔt ku leec Nhialic ku lueel,

²⁹“Ee yīn Bëny, yīn aci wëtdu tiëŋ nom,
jɔl aluɔnydu puöl bī jäl, ke cī la läŋ.

³⁰Tē bī yīn kacku kuɔny thīn aca tiŋ nyiënkië,

³¹ku aca guiir thëi nom

³²ku ee piny mer bī kɔc cie kɔc Itharel kãŋ tiŋ
ku bī Itharel thändu aleec thīn.”

³³Kaam wën këëc Jothep kek Maria ke cī gäi wël lueel Thaimon rin meth Jethu, ³⁴go Thaimon ke dɔc ku lueel tënë Maria, “Yen manh kënë aci Nhialic lɔc bī kɔc juëc Itharel muör ku pīr kɔc kök. Ku yeen abī ya raan bī wët Nhialic nyuɔth, ku abī kɔc juëc wël rɛc aa luëel yeguöp. ³⁵Ku yīn Maria, yīn abī reem puöu ciët yī cī gut pal, bī wët tō kɔc juëc puöth jäl ŋic thīn.”

³⁶Ku tiŋ kãk Nhialic tiŋ cɔl Ana ë tō thīn, ku ë ye nyan mony cɔl Panuel, raan dhiënh cɔl Acer kuat Itharel yic. Ana ëci dhiöp apeɪ, ku ëci thiaak ku rëer kek muɔnyde run kadhorou ku thou muɔnyde. ³⁷Ku jɔl Ana lök rëer ke ye lëer ruöŋn thiärbët ku ŋuan. Ëcie jäl luaŋ Nhialic, ë ye cool ku ruu ke loi kãk Nhialic, ku röök ku theek miëth. ³⁸Ku akölë guöp aci rot mät kɔc wën, ku leec Nhialic ku lueel wëtde rin meth, tënë kɔc ye tiit lɔn bī Nhialic thänden Itharel wëër bei.

Jethu aci dhuök Nadharet

³⁹Nawën cīk këriëc ëbën jäl looi cīmën löŋ Nhialic, ke Maria ku Jothep dhuk Galilia Nadharet panden. ⁴⁰Ku jɔl Jethu dīt ku ril apeɪ, ku ŋic kãŋ ku dɔc Nhialic.

Jethu ë tō luaŋ Nhialic

⁴¹Ruöŋn ëbën Jothep kek Maria aake ye la Jeruthalem rin Yandīt Ayum cīn yic luɔu. ⁴²Nayɔn cī run Jethu jäl aa thiäär ku rou, ke cath ke ke bik la yai yic Jeruthalem. ⁴³Nawën cī yai thök ke dhuk ciëen, ku kuckë lɔn cī Jethu döŋ geeu, ⁴⁴ë cīk tak lɔn cieth yen ke kɔc kök, ku ciethkë yet thëi. Nawën ke wickë kam kɔc ruääi ke ke ku kɔc ŋickë. ⁴⁵Nawën cīk yök, gokë dhuk Jeruthalem bīk ben la wic thīn. ⁴⁶Na aköl

ye nin diäk, ke jölkë yök luaŋ Nhialic Jeruthalem, ke cï nyuc kam kɔc piöoc lööŋ Nhialic ke piŋ wëlken, ku yeke thiëec. ⁴⁷Go kɔc ëbën gäi wën piŋ kek ye ke jam cïmën raan ŋic kãŋ apeï, ku tẽ bëer yen wëlken aya. ⁴⁸Nawën tiŋkë manhden ke gëi ku lueel man, “Yeŋö manhdië looi yin kënë tënë yo? Yin acuk wïc apeï yok wuur.”

⁴⁹Go lëk ke, “Yeŋö wiëckë ya? Kuöckë lɔn dhil yën kãk ë Wä looi?”
⁵⁰Ku aa këc wët cï lueel deet yic.

⁵¹Go Jethu jäl ke ke ku dhukkë Nadharet, ku jölkë ceŋ ke ye wëlken piŋ, ku jɔl man kãkkä muk yepuöu. ⁵²Ku jɔl Jethu dit ku ŋic kãŋ apeï. Ku Nhialic ë mit puöu tënë ye, ku yen lɔn kɔc aya.

Piöoc ë Joon raan kɔc muɔc nhïim

(Mt 3:1-12; Mk 1:1-8; Jn 1:19-28)

3 Yɔn yen ruöön thiäär ku dhiëc ke Tiberiöth ye bëny, ku Pilato ke ye bënydit mac Judia, Antipäth Yërot ë ye bëny Galilia ku Pilipo wämënh ë mac Ituria kek Trakonitith, ku Lithaniath ë ye bëny Abilene, ²ku Anath kek Kaipa aake ye bënydit kãk Nhialic. Tëënë, ke Nhialic lëk wët Joon wën Dhäkaria tö roor. ³Go Joon bëëi tö wär Jordan yɔu kueny yiic ke wëet kɔc, “Pãlkë luɔi kãrec, ku calkë röt aa muɔc nhïim, rin bi

*Pãlkë luɔi kãrec, ku calkë röt
aa muɔc nhïim (3:3)*



adumuömkun päl piny tēnē we.” ⁴Cīmēn cī ye gōt athōr Ithaya yic raan kāk Nhialic tiŋ ēlä,

“Raan kākkiē tiŋ abī kēcīt lōör gut yic bī yen kōc caal tēde ē rot,

ku lēk keek ēlä,

‘Guiērke dhēl ē Bēny, luōikē dhōlke bīk la cōk.

⁵Thōnykē yōn la tiām piny

ku dhuōkkē yōn thōny nhīim piny,

ku cōkkē dhēl cie yic neer,

ku thōōŋkē dhōl la yiic ŋōny nhīim.

⁶Ku raan ēbēn, abī tē ye Nhialic yook luāk thīn tiŋ!’”

⁷Ku lēk kōc juēc bō tēnē ye bī ke bēn muōc nhīim, “Awek dhiēnh kāpieny! Yeŋa lēk we bāk kat kēreec bō? ⁸Luōikē kāk ye nyooth lōn cī wek muōl kāreec yakē ke looi. Ku duōkkē wepuōth tōŋ ku luēlkē yōk aa mīth Abaram. Alēk we lōn alēu Nhialic bī aleelkā cōl aaye mīth Abaram. ⁹Ku ēmēn yēp aci ther bī ke tiim yep, rin na ye tim cie luōk, ka yep ku cuet ē meec.”

¹⁰Go thān awēn Joon thiēec ēlä, “Na ye kēya, buk ŋō looi?” ¹¹Go Joon bēēr, “Raan la alēth karou, adhīl tōk yiēk raan cīn alath, ku raan la miēth adhīl looi kēya.”

¹²Go kōc ajuēr kut bēn tēnē ye aya bī ke bēn muōc nhīim, ku thiēckē, “Raan piōoc buk ŋō looi?” ¹³Go lēk ke, “Duōkkē wēēu ye lōom ē ruēny tēnē kōc.” ¹⁴Go apuruuk bēn ku thiēckē ēlä, “Na yook, buk ŋō looi?” Go lēk ke, “Duōkkē kōc ye rum, ku duōkkē kōc ye gaany wēt ē lueth, ku yakē puōth la yum ariōpdun yic.”

¹⁵Go ŋāthden jāl dīt, ku yekē tak lōn nadē ke mony abī dhiel a Raan cī Nhialic lōc ku dōc. ¹⁶Go Joon lēk ke ēbēn ēlä, “Wek aa ya muōc nhīim piū ē path, ku raan dīt ku ril apei tēnē ya abō, raan na cōk aa warke ka cā lēu ba ke dōk. Ku ē yic yēn aciī path ba lēu, ba ya aluōnyde. Ku yēn abī kōc kōk weyiic muōc nhīim Wēi Nhialic, ku muōc kōc kōk nhīim ē mac. ¹⁷Yēn aciit raan muk lōk kām ye rap kōōm, bī rap tek thook kek miēl. Ku wīu rap ku tōu ke. Ku yōot miēl many cie thou.”

¹⁸Wēl kōk cīt kākka aaci Joon lēk kōc apei bī yen Wēt Puōth Yam piōoc thīn.

Joon raan kōc muōc nhīim aci mac

¹⁹Ku Joon ēcī Antipāth Yērot, bēny Galilia jāām guōp kāreec apei, rin cī yen Yērodia tiŋ wāmēnh rum bī ya tiēŋde, ku looi kājuēc rec kōk aya.

²⁰Go Antipäth Yërot Joon mac, ku kënë ë kërɛɛc dët cï mat kâracken cï looi yiic.

Jethu aci muɔɔc nhom

(Mt 3:13-17; Mk 1:9-11)

²¹Nawën cï thän awën muɔɔc nhom ëbën, ku Jethu ke cï muɔɔc nhom aya. Kaam wën röök yen ke nhial liep rot. ²²Ku bö Wëi Nhialic yenhom kecit kuur ë dit. Ku piŋ röl Nhialic nhial ke lueel, “Yin ë manhdiën nhiaar. Yen amit puɔu kek yi.”

Kuat Jethu

(Mt 1:1-17)

²³Wäär jɔɔk Jethu piɔɔcde cök, ke ruönke aake ye thiärdiäk.

Ku ë ye raan ëbën tak lɔn ë yen wën Jothep, wäär wën Yeli,

²⁴wën Mathat, wën Lebi, wën Melki, wën Janai, wën Jothep,

²⁵wën Matathia, wën Amoth, wën Nayum, wën Ethli, wën Nagai,

²⁶wën Manth, wën Matathia, wën Themein, wën Jothek, wën Joda,

²⁷wën Joanan, wën Retha, wën Dherubabel, wën Cealtiel, wën Neri,

²⁸wën Melki, wën Adi, wën Kotham, wën Elmadam, wën Er,

²⁹wën Jocua, wën Eliedher, wën Jorim, wën Mathat, wën Lebi,

³⁰wën Thaimon, wën Juda, wën Jothep, wën Jonam, wën Eliakim,

³¹wën Meliea, wën Mena, wën Matatha, wën Nathan, wën Debit,

³²wën Jethe, wën Obet, wën Boath, wën Thalmon, wën Nacon,

³³wën Aminadap, wën Admin, wën Arni, wën Yedhron, wën Peredh, wën Juda,

³⁴wën Jakop, wën Ithäk, wën Abaram, wën Tera, wën Nayör,

³⁵wën Theruk, wën Reu, wën Pelek, wën Eber, wën Cela,

³⁶wën Kainan, wën Arpakcat, wën Cem, wën Noa, wën Lamek,

³⁷wën Methuthela, wën Enok, wën Jaret, wën Malaleel, wën Kenan,

³⁸wën Enok, wën Theth, wën Adam wën Nhialic.

Jethu aci jɔŋrac them

(Mt 4:1-11)

4 Go Jethu jäl wär Jordan ke cï Wëi Nhialic la yeguöp, ku yëth roor të cïi ceŋ, ²të cï jɔŋrac ye bën la them thän nin thiärŋuan. Ku ëcie mith ë ninkä yiic ëbën, nawën cik thök ke jöl cök nök.

Na ye Wën Nhialic ke lëk alél kënë
bì ya ayup (4:3)



³Go jɔŋrac rot cuɔt ye ku lueel, “Na ye Wën Nhialic ke lëk alél kënë bì ya ayup.” ⁴Go Jethu bëër, “Acì gòt thëer ëlä, ‘Raan acie pìr ayup ë rot.’”

⁵Go jɔŋrac yàth téthöny, ku nyuth bëëi pinyhom ëbën nyin yic. ⁶Ku lueel tënë ye, “Käkkä ëbën aaci gäm ya, ku alëu ba ke gäm raan ca tak. ⁷Këya, na dor ya ka bì ya käkku ëbën.” ⁸Go Jethu bëër tënë ye, “Acì gòt ëlä, ‘Yin abì Nhialic Bänydu door ku loi wëtde yetök!’”

⁹Go jɔŋrac yàth Jeruthalem, ku tëëu luanj Nhialic nhom ku lueel, “Na ye Wën Nhialic ke yì cuet rot piny tëmec kënë, ¹⁰rin ëcì gòt ëlä Nhialic abä atuöccke lëk bik yì tiit, ¹¹ku mukkë yì kecin, ba yïcök cìi cök dëeny alél.”

¹²Go Jethu bëër, “Acì lueel thëer ëlä, ‘Duk Nhialic Bänydu them ë path.’”

¹³Nawën cì jɔŋrac Jethu jäl them ë dhölkä yiic ëbën, ke nyiëëj piny ku pël kaam koor.

Jethu acì luöide jɔɔk Galilia

(Mt 4:12-17; Mk 1:14-15)

¹⁴Go Jethu ke tö Wëi Nhialic yeguöp, dhuk Galilia. Go guo piŋ Galilia ëbën, ¹⁵rin piöcde të ye kɔc Itharel kenhïim mat thïn, ee ye leec raan ëbën.

Kɔc Nadharet aa këc Jethu gam

(Mt 13:53-58; Mk 6:1-6)

¹⁶Go Jethu jäl tēden awën ku ler genden Nadharet tēwäär muk ye thïn. Nawën aköl löŋ, ke la tēn amat kɔc Itharel cīt të ye luöi ye

akölaköl. Nawën jət rot bī wēt Nhialic kueen, ¹⁷ke gēm athör Ithaya, raan kāk Nhialic tiṅ. Go athöör pet yic ku yök tē cī ye göt thīn kēlä,

¹⁸“Wēi Nhialic atō ke ɣen rin acä lɔc,
ba Wēt Puōth Yam lək kɔc ṅōṅ. Bēny acä tooç
ba lək kɔc cī loony ku kɔc mac, ku kɔc rēēr wīn jəṅrac yic,
lɔn bī keek lony, ku lɔn bī kɔc cī cɔər ben daai,
ku ba lääu nhom tēnē kɔc gum, bēn lək keek.

¹⁹Ku ba ruōön bī Nhialic
kɔc bō tēnē yeen dɔc, bēn lək keek.”

²⁰Ku mat Jethu athör yic ku gem ku nyuuc. Go kɔc ke tō amat yic kenyīn wēl ye ēbēn. ²¹Go Jethu lək ke, “Wēt cāk piṅ ca kueen athör theēr wēl Nhialic yic acie nhom tiēṅ ya aköl.”

²²Go kɔc ke tō thīn gāi ēbēn ku leckē rin wēl puōth cī lueel. Ku yekē röt thiēc ēlä, “Kēnē, lēu bī rot looi kēdē, yeen cie wēn Jothep?”

²³Go Jethu bēēr, “Ee yic, wek aaba lək kääṅ ye lueel ēlä, ‘Akīim kəṅ rot cɔl apuɔl,’ Ku abäk lək ɣa ba kāk cāk piṅ ke ca looi Kapernaum, looi aya genda ē tēn. ²⁴Ku le tuēṅ ku lueel, ‘Acīn kɔc kāk Nhialic tiṅ ye wēl yekē lueel gam panden.’ ²⁵Ku cimēn ṅic wek ye lɔn cī Elija, raan kāk Nhialic tiṅ, tiṅ lēēr cɔl Dharepath kony. ²⁶Ku Dharepath ē ye tiṅ wundēt cɔl Thidon. Ku diäär lēr Itharel aake wīc kuɔcny wäär nək cɔk kɔc, rin kēc deṅ tueny run kadiäk ku abak bī cɔk dīt apei pan Itharel. Ku Elija akēc bēn tuōc ke. ²⁷Ku dēt aya, wäär ye Elica raan kāk Nhialic tiṅ, kɔc juēc cī tuet aake tō pan Itharel, ku acīn atuen tōṅ cī Elica bēn kony, acī bēn la kony Naman raan pan Thiria.”

²⁸Go kɔc ke tō tēn amat puōth riääk ēbēn wēn piṅ kek wēlkä, ²⁹ku jətkē röt ku gööm kē piny. Ku ɣēthkē ayeer geu ke yekē pik bik ɣeet gət nhom tē cī geu buth thīn, ku ɣēthkē agala nhom rin wīc kek ye bik la piěk wīir. ³⁰Go bak keciel yiic ku jiël.

Jethu ala riel ē yen jəṅrac cuəp wei

(Mk 1:21-28)

³¹Go Jethu la Kapernaum gen tō Galilia, tē ye yen kɔc piōc thīn aköl cīi kɔc Itharel ye luui. ³²Ku piōcde ēcī kɔc gōi ē tēn aya, rin kāk ye lueel aa wēl yith ye nyuɔcɔth lɔn le yen riel Nhialic. ³³Nayɔn akäl tők tēwēn piōc yen, ke raan tō kam kɔc tēn amat, ke la guöp jəṅrac jam ke cī yeröl jət apei ēlä, ³⁴“Yeṅö wīc tēnē ɣo Jethu raan gen Nadharet? Ca bēn ba ɣo bēn rac? Yīn anjēc, yīn ē raan puōth la cök bō tēnē Nhialic.” ³⁵Go Jethu jəṅrac duöm thok piny, “Bietē, ku bäär bei yeguöp.” Go

4:18-19 Ith 61:1-2 4:24 Jn 4:44 4:25 1Bṅ 17:1 4:26 1Bṅ 17:8-16 4:27 2Bṅ 5:1-14
4:32 Mt 7:28-29

joḡrac mony awën wiet piny kenhïim ku biï bei yeguöp ke cïn tëtök cï yiëk ye.

³⁶Go kɔc gäi apei ku thiëckë röt, “Yeḡö kënë? Ye piöoc yam kek riel Nhialic. Mony kënë ala riel ye yen jak yöök ku gamkë wëtde aya.” ³⁷Go lec ku piathde guo thiëi baai yic ëbën.

Jethu aci kɔc tuany kony

(Mt 8:14-17; Mk 1:29-34)

³⁸Kaam awën jiël yen tënë amat kɔc Itharel ke la pan yi Thaimon. Go man tiḡ Thaimon yök ke cï juäi göök, gokë lëk Jethu. ³⁹Go la ku këcc yelööm tēwën cï yen töc thïn ku yöök juäi bi jäl. Go juäi guo päl piny ku looi miëth tënë ke.

⁴⁰Ye thën kënë, wën cï aköl lööny piny, ke kɔc guëer kek kɔcken tuany tënë Jethu, ku tēu yecin kenhïim, gokë pial ëbën. ⁴¹Ku bö jakrac bei kɔc juëc gup ke dhiau ëlä, “Yin ë Wën Nhialic.” Go Jethu ke yöök bik cï jam, rin ḡic kek ye lon ye yen Raan cï lac ku döc.

Jethu ë kɔc Galilia lëk wët Nhialic

(Mk 1:35-39)

⁴²Nayɔn nhiäk riel, akëc piny bak ke Jethu jiël baai ku le tēde ë rot. Go kɔc juëc la wïc. Nawën lek yök, gokë löḡ bi rëer Kapernaum ku cïi ke nyiëḡ piny. ⁴³Go bëër, “Yen adhil Wët Puoth Yam rin bäany Nhialic la piöoc bëëi kök yiic aya, yen ë kën tuuc ya ba bën looi.” ⁴⁴Go pan Galilia kuany yic ke piöoc kɔc tën amat.

Kɔc cï Jethu kaḡ buɔth

(Mt 4:18-22; Mk 1:16-20)

5 Yɔn akäl tök tēwën piöoc Jethu wär cɔl Jenetharet yɔu, ke kɔc juëc apei wët bik wët Nhialic bën piḡ. ²Go riäth karou tiḡ agör yɔu ke cï amëi nyään piny ku jiëlkë bik biaiken la thuak. ³Go Jethu thuæt riän tök yic, ku ë ye riän mony cɔl Thaimon, ku lëk ye bi piëk wiir tēthin-nyɔt. Ku jɔl nyuc riäi yic ku piöoc kɔc.

⁴Nawën cï thök ë jam, ke lëk Thaimon, “Geerkë riäthkun tēthiän ku cuatkë biaikun bäk rec döm.”

⁵Go Thaimon bëër, “Bëny, yök aaci ruu mäi wën aköu ku acin kë cuk döm. Ku na ca lueel, ka buk cuat.” ⁶Ku cuatkë buci. Gokë rec juëc apei döm abi buci yiic duër ræt. ⁷Gokë amëiken kök tö riän dët yic cɔl bik ke bën kony. Gokë bën, ku tekkë rec riäth karou yiic ku thiëḡkë kedhie abik duër diir.



Ku nyiëñjë këriëëc ëbën piny ku buothkë Jethu (5:11)

⁸Nawën tiñ Thaimon kë cï rot looi, ke gut yenhiol piny Jethu nhom ku lueel, “Bëny, jäl tënë ya, yen ë raan la guöp adumuööm.” ⁹Rin yen Thaimon, ku kəc awën mëi kek ye aake cï gäi rec juëc cik döm. ¹⁰Ku kocken cath kek ye Jemith ku Joon, wëët Dhubedi, aake cï gäi aya. Go Jethu lëk Thaimon, “Duk riöc, ëmën le tueñ aa kəc kek aaba ya döm.” ¹¹Gokë riäth yöc wär thok ayeer, ku nyiëñjë këriëëc ëbën piny ku buothkë Jethu.

Jethu acä atuet cöl apuol

(Mt 8:1-4; Mk 1:40-45)

¹²Yon akäl tök Jethu ëci la keny gen dët, ku raan cï tuet ë tö thïn. Nawën tiñ Jethu ke gut yenhiol piny ku lëñ, “Bëny anjiec alëu ba ya kony ba pial, kony ya.”

¹³Go Jethu njäñ nyinde tiñ ku wïc bi kony. Ku jöt yecin ku goot ku lueel, “Awiëc, pialë!” Kaam thiin awën ke tuet jiël. ¹⁴Ku cöl Jethu ajiël ku thon apeï, “Duk kënë la lëk raan dët. Löör ku nyuöth rot raan käk Nhialic, ku bi caath, ku juar käj cüt tē ye löñ Mothith ye luæl thïn, bi raan ëbën ñic lon cï yin pial.”

¹⁵Ku tēwën cï Jethu ye cak thon këya, ke wët go thiëi piny abi kəc juëc aa guëer tënë Jethu bik piööcde bën piñ, ku kony ke bik pial. ¹⁶Ku ye la tēde ë rot tē cïn yic kəc ë rëer thïn bi la röök.

Jethu aci raan cï ruai kony

(Mt 9:1-8; Mk 2:1-12)

¹⁷Nayon akäl tök, ke kəc kök akut Parathi, ku kəc piöoc lööñ nyuc bik piñ tē piöoc Jethu kəc thïn. Ku aake bö bëëi yiic Galilia ku Judia ku

Jeruthalem. Ku Nhialic ëci Jethu yiëk riel bi kɔc tuany kony. ¹⁸Kaam wën ke kɔc bö ke ket raan aduany alom. Ku wïc kɔc awën ket ye bik yäth yöt tënë Jethu. ¹⁹Nawën cïn të yëth kek ye tënë Jethu rin ci yöt thiän kɔc, gokë la nhial ku nanykë yöt nhom lõj awën rëer Jethu thïn. Ku luëckë raan aduany piny kek biñjde yenhom.

²⁰Ku wën tiñ yen gamdit tō ke ke, ke lueel, “Mäthdië, adumuöömku aaci päl piny.”

²¹Go kɔc piöoc lööñ kɔc Itharel ku kɔc akut Parathï wën rëer thïn, jäl tak ku luelkë kepuöth, “Yeña kënë Nhialic jääm guöp këlä? Yeña adumuööm päl piny, ee Nhialic ë rot.”

²²Go Jethu kāk yekë tak guo ñic ku lueel, “Yeñö ye wek ye tak lõn lueel yen lueth? ²³Ye kënë puol yic kākä yiic ba lueel, ‘Adumuöömku aaci päl piny’ tädë ke luëel, ‘Jot rot ku cathë?’ ²⁴Ku aba nyuöth we ëmën lõn le Manh Raan riel pinynhom bä adumuööm päl piny.” Ku lëk raan aduany, “Alëk yi, jot rot ku kuany biñjdu ku lõr baai.”

²⁵Go rot jot nyin yic kenhïim ke dëei kek ëbën, ku kueny biñjden awën ci ye täac thïn, ku ler baai ke lec Nhialic. ²⁶Ku jol kuat raan tō thïn ëbën gäi ku riöckë. Ku leckë Nhialic ku luelkë, “Yok aaci këdiit jän göi tiñ ya aköl.”

Jethu aci Lebï cɔl

(Mt 9:9-13; Mk 2:13-17)

²⁷Nawën ke Jethu jiël geeu, ku tëwën cieth yen ke tiñ raan ajuër kut cɔl Lebï ke rëer täden ë luöoi. Go Jethu lëk ye, “Buöth ya.” ²⁸Go Lebï luöide puöl ku buöth.

²⁹Nawën ke Lebï loi miëth paande bi yen Jethu gɔñj. Go kɔc juëc bën, kɔc ajuër kut ku kɔc kök, ku nyuuckë ke ke bik mïth. ³⁰Go kɔc akut Parathï ku kɔcken piöoc lööñ la ñoomñoom ku luelkë tënë kɔc Jethu buöth, “Yeñö ye wek mïth ku dëkkë kek kɔc ajuër kut, ku kɔc la gup adumuööm?”

³¹Kaam wën piñ Jethu ë wët kënë, ke lëk ke, “Acie kɔc puol kek akïim wïc, aa kɔc tuany. ³²Yen akëc bën ba kɔc ye tak lõn puöth kek bën kony. Yen aci bën bi kɔc rec la gup adumuööm kepuöth dhuök ciëen.”

Wët lõj thëk ë miëth

(Mt 9:14-17; Mk 2:18-22)

³³Gokë bën lueel tënë ye, “Kɔc Joon buöth aa lac thek ë miëth ku röökkë. Ku aye kɔc akut Parathï buöth looi aya, ku kɔckun yi buöth aa mïth ku dëkkë.”

³⁴Go Jethu bëër ku lueel, “Yakë wïc bî kɔc cî bën ruääi yic rëer ke cîi mîth? Acie tède! Na rëër raan thiëk ke ke, ka cîk loi këya. ³⁵Aköl bî athiëk dɔm ku nyiëi keyiic, yen aköl bî kek thek.”

³⁶Ku ben Jethu kääñ dët ben thöõth aya tënë ke, “Acin raan bî abañ alath ret wei alanh yam kōu bî la buõp ë dhiäth alath kōu. ³⁷Ku acin raan bî muõn abiëc ë yam puõk tōny theer yic. Na looi këya, ke muõn abiëc yam abî tōny puõt yic, ku muõn abiëc abî luuñ wei ku tōny abî kuem. ³⁸Acie këya, muõn abiëc yam adhil puõk ë tōny yam yic. ³⁹Ku acin raan wïc bî muõn abiëc yam dek tē cî yen muõn abiëc cî ceñ kañ dek, abî lueel, ‘Muõn abiëc cî cieñ aṇuëñ.’”

Jethu aci kuc lōñ aköl lōñ kɔc Itharel

(Mt 12:1-8; Mk 2:23-28)

6 Nayɔn aköl cîi kɔc Itharel ye luui, Jethu kek kɔcken ye buɔth aake cath ke kuany dhël yic kam dum. Go kɔcken ye buɔth rap thoñ ku koikë ke kecin, ku camkë ke. ²Go kɔc akut Parathi kɔk lueel, “Yeñö ye wek luui aköl cî lōñdan Itharel pëen bî kɔc cîi ye luui thîn?”

³Go Jethu bëër, “Këckë kë cî Debit looi wäthëer kañ kuen? Wäär nëk cɔk ye kek kacke, ⁴go la luuñ Nhialic ku lööm ayum yaath cî tōõu tënë Nhialic ku ciem, ku gëm kacke aya bîk cam. Ku ayum kënë ëcî lōñda pëen bî kuat raan ë path cîi cam. Ee raan kāk Nhialic yen ë ye cam ë rot.” ⁵Ku wit Jethu wëtde ëlä, “Manh Raan ë bëny këriëc ëbën agut aköl lōñ.”

Jethu aci mony cî cin ruai kony

(Mt 12:9-14; Mk 3:1-6)

⁶Nayɔn aköl dët, aköl cîi kɔc ye luui ke Jethu la tën amat kɔc Itharel ku piöoc. Ku mony cî cin cuëc ruai ë tō thîn. ⁷Go kɔc kɔk piöoc lööñ Mothith, ku kɔc kɔk akut Parathi ke tō thîn wïc bîk tiñ, lɔn bî Jethu mony kënë kony bîk la luom, rin cî yen ye kony aköl cîi kɔc ye luui. ⁸Ku Jethu ë ñic kë tō kepuõth, go lëk mony awën cî cin ruai, “Jɔt rot ku bäär tueñ tën kɔc nhîim.” Go bën ku këëc. ⁹Go Jethu ke thiëc, “Yeñö ye lōñda päl yo buk looi aköl cîi kɔc ye luui? Ye këpath aye kërac, bî raan kony bî pîr, kua pël wei bî thou?” ¹⁰Ku döt ke ëbën ku lëk mony awën cî cin ruai, “Nyoth yicin.” Go yecin nyooth. Go ciënde piath. ¹¹Tëëñë, go kɔc ater Jethu puõth riääk apei, ku matkë kë bîk looi tënë ye.

Jethu acä atuuc kathiäär ku rou kuany

(Mt 10:1-4; Mk 3:13-19)

¹²Nayɔn akäl tōk ë nînkä yiic, ke Jethu la gɔt nhom tē cîi ceñ bî la rōök, ku jɔl ruu rōök tënë Nhialic. ¹³Nawën bak piny ke cɔl kɔcken ye

buōth, ku kuany raan thiäär ku rou keyiic ku ciäk ke ke cɔl atuuc. 14-16 Kɔc ke ci kuany ayi, Thaimon (ci Jethu bën cäk ke cɔl Piter), Andria (mënh koor ë Thaimon), Jemith, Joon, Pilipo, Bartholomeo, Lebï, Thomath, Jemith wën Alpawuth, ku Thaimon (raan la pūu ater), Juda wën Jemith ku jɔl a Juda Ithkariöt, raan wäär ci Jethu bën luom bi dɔm.

Kɔc juëc aa Jethu buōth

(Mt 4:23-25)

17-18 Go Jethu bën piny ku këëc tēthōj̄ nom gɔt cök kek kacken ye buōth, ku kɔc juëc kök ke bö Judia ku Jeruthalem. Ku kɔc bëëi kök tō wärköu cimën Tire ku Thidon, aake ci bën bik bën piñ piöoc Jethu, ku bi ke bën kony tueny tō kegup. Ku kɔc ke la gup jakrɛc aake ci bën aya go Jethu ke kony. 19 Ee wic kuat raan ëbën bi gɔt, rin riel yen kɔc kony bik pial ë ye yök yeguöp ë path tō ci ye gɔt.

Këñ miät ë pūu ku rëëc ë pūu

(Mt 5:1-12)

20 Go Jethu yenhom wël kacken ye buōth ku luel,

“Wek aa mit gup wek kɔc ñj̄j̄, rin ye bääny Nhialic këdun!

21 Wek aa mit gup wek kɔc nök cök ëmën, rin wek aabi kueth aköldä!

Wek aa mit gup wek kɔc dhiau ëmën, rin wek aabi dɔl.

22 Wek aa mit gup tō mæn week, ku cop week wei ku lat week, ku yekë kuc week ciët yakë jakrɛc rin ye wek kackië yen Manh Raan!

23 “Wäthëer wärken dit aake ci käk cit kakkä looi tënë kɔc käk Nhialic tiñ. Këya, tē looi kakkä röt tënë week, ke we mit pūth rin wek aabä ariöpdit yök tënë Nhialic.

24 Të rɛc yen thin tënë week, wek kɔc ci jak ëmën, rin ci wek pir path yök thin.

25 Të rɛc yen thin tënë week, wek kɔc ci kueth ëmën, rin wek aabi cök nök.

Ku tē rɛc yen thin tënë week, wek kɔc dal ëmën, wek aabi tōu tiop nom ku dhiaaukë!

26 Ku tē rɛc yen thin tënë we tē bi kɔc ëbën jam käpath ë riengkun, rin wärken dit aake ye jam këlä, wäthëer tënë kɔc aa lueth röt cɔl aye kɔc käk Nhialic tiñ.

Nhiar kɔc man yī*(Mt 5:38-48; 7:12)*

27“Ku wek alëk kënë wek kɔc piŋ wëlkië, Nhiarkë kɔc aterdun, ku yakë käpath looi tënë kɔc man we. 28Thiëc Nhialic bi kɔc ye wïc diët yī yök kërac dɔc, ku rɔök rin kɔc yī bui. 29Të maŋ raan yīgëm, ke wël gëm dët aya. Këya cīmën ë kënë, na wïc raan alath tënë yī ke duk pën alanh dët aya. 30Na wïc raan kädäj tënë yī ke gäm ye, ku duk raan cī këdu nyaai thiëc bi cool tënë yī. 31Loi këpath tënë kɔc kök cīmën nhieer yin këpath bi looi tënë yī aya.

32“Na ye ke nhiaar kɔc nhiaar yī kepëc, ke yī yök lec Nhialic? Ayī kɔc käreec looi aa nhiaar kɔc nhiaar ke aya. 33Ku na ye käpath looi tënë kɔc käpath looi tënë yī kepëc, ke yī yök lec Nhialic? Ayī kɔc käreec looi aa käpath looi tënë kɔc nhiaar ke. 34Ku na ye këdu gam tënë raan ye ŋöth ciët bi cuöt aköldä, ke Nhialic mit puöu tënë yī? Agut kɔc käreec looi aa käkken gäm kɔc rëc kök cīt ke, rin ye kek ye tak ciët käkken bi dhuök ke ëbën aköldä. 35Na ye këya, nhiaar kɔc aterdu, ku loi käpath tënë ke. Yakë käkken gam ë path ku duökkë ye ŋöth lɔn bi we cuöt. Wek abä acutdit apei yök. Ku wek aabi ya mīth Nhialic Madhəl, rin alir puöu tënë kɔc ëbën, agut kɔc na cök këpath looi tënë ke, ke cīi ke tiŋ puöth, ku kɔc rac aya. 36Lierkë puöth cīmën ye Wuurdun puöu lier.

Duökkë kɔc ye luök wei*(Mt 7:1-5)*

37“Duökkë kɔc ye luök wei bi Nhialic we cīi ye luök wei. Duökkë kɔc kök ye tēm awuöc bi Nhialic we cīi ye tēm awuöc. Pälkë wët piny tënë kɔc kök bi Nhialic wët päl piny tënë we. 38Na ye kɔc kök muöc ke Nhialic abi muöc aya. Abä athëmdit cīi cienku lëu bik muk yiëk yī, rin käk ye looi tënë kɔc kök, kek aabi Nhialic looi tënë yī.”

39Ku lëk Jethu ke kääŋ ëlä, “Lëu raan cī cɔr bi cɔr dët thel? Cik lëu bik lööny adhuöm yic kedhie? 40Acin manh piöoc dit tënë raanden piöoc. Ku manh piöoc na le piöocde thöl ka cīt raanden piöoc. 41Yeŋö ye yin këreec dit ye looi kuc, ku ye tiŋ këreec cī wämuuth looi? 42Acīi lëu ba wämuuth wëët bi këreec thiin ye looi puöl, tē cīi yin rot kɔŋ wëët ba käreec ye looi puöl. Awëŋkui! Kaŋkë käreec yakë ke looi puöl, ku abäk lëu bäk wämāthkun jäl wëët bik käreec thii yekë ke looi puöl.”

43Ku la Jethu tueŋ ku lueel ëlä, “Tim cī cil tēpath acie luök mīth rëc, ku tim cī cil tērac acie luök mīth path. 44Këya, tim aye ŋic ë miëthke. Acīi lëu ba mīth tim dët la kuany tim dët cök. 45Raan path ë luui

käpath, rin käpuoth tö yepuöu. Ku raan rac ë luui kärec, rin kärec tö yepuöu. Wël ye ke lueel, aa käk tö yipuöu nyuöoth.

Kääj rin kɔc karou cï bëïi keer

(Mt 7:24-27)

⁴⁶“Yeŋö ye wek ya cɔl, ‘Bëny, Bëny’ ku wek aa cie kë ca lueel ye looi? ⁴⁷Kuat raan ë bën ku piŋ wëtdië ku theek ya ku looi, ⁴⁸acit raan cï yönde ŋiec buth tëthöny. Nawën la aboor bën, ku cɔk piu yöt gööl piny, ku yöt cïi yic cɔk päk rin cï ye ŋiec buth. ⁴⁹Ku raan wëlkië piŋ ku cïi ya thek bi ke looi, acit raan yöt buth tö ye aboor tëek. Na la aboor bën ke wit yöt!”

Jethu aci raan lui pan bëny apuruuk kony

(Mt 8:5-13)

7 Tëwën cï Jethu kënë wic bi lëk kɔc thöl, ke la Kapernaum. ²Ee gen kënë raan lui pan bëny apuruuk ë tuany, ka tiit piny. Ku bëny ë nhia raanden luoi apeï. ³Nawën piŋ Jethu, ke toc kɔcdit Itharel bik Jethu la thiëc bi bën bä aluonyde bën kony. ⁴Gokë la tënë Jethu ku läŋkë ku luelkë ëlä, “Apath ba bëny apuruuk kënë kony. ⁵Anhia kackua, ku ë yen buth tëdan ye yok mat thïn.”

⁶Go Jethu la ke ke. Ku kaam wën bi yen baai dööt, ke bëny apuruuk toc mäthke bik la lëk ye ëlä, “Bëny, duk rot näk cäth rin yen acie raan path nadë ke yi bö atiëmdië yic. ⁷Ku yen akëc la tënë yi rin ŋic yen ye lon ye yen raan rac. Luel wët ë path ku aluonydië abi pial. ⁸Rin yen aya, yen arëer banydit cök, ku yen ala apuruuk rëer yacök. Aya lëk ŋek, ‘Lɔɔr!’ Ka la, ku lëk ŋek, ‘Bäär tën,’ Ka bö, ku aya lëk aluonydië, ‘Loi kënë!’ Ka looi.”

⁹Go Jethu gäi wën piŋ yen wëlkä, ku wël yenhom thän awën buoth ye ku lueel, “Acin raan ca kaŋ yök kam kɔc Itharel la gam cit gam ë mony kënë.” ¹⁰Nawën dhuk kɔc awën cï tooc baai, ke yök alony bëny ke cï pial.

Wën lëer gen Nain cï thou aci pïir

¹¹Nawën ke Jethu la gen Nain, ku ë cath kek kɔcken ye buöoth ku kɔc juëc kök. ¹²Nawën dötkë geu ke räm kek kɔc ket raan cï thou. Ku raan cï thou ë ye wän töŋ. Ku kɔc juëc aake cath kek tiŋ lëer kënë. ¹³Nawën tiŋ Jethu tiŋ kënë, ke ŋeër yic ku lëk ye ëlä, “Duk dhiau.” ¹⁴Ku lëk kɔc bik köc ku gɔɔt biöŋ awën cï raan kuöm piny, ku lueel, “Riënythii, jɔt rot.” ¹⁵Go riënythii awën cï thou rot jɔt ku jieem ku cɔl Jethu ajiël kek man.



Nawën tiŋ Jethu ë tiŋ këñë ke ɲɛɛɛ yic ku lëk ye, “Duk dhiau.” (7:13)

¹⁶Go raan ëbën riöc ku leckë Nhialic ku luelkë, “Raan käk Nhialic tiŋ ril apeï aci tuöl ë kamkua. Ku Nhialic aci bën bi kacke bën luök.”

¹⁷Ku jöl kë ci Jethu looi piŋ raan ëbën pan Judia, ku wuöt kök thiäak ke ye.

Joon aci kacke tuöc Jethu

(Mt 11:2-19)

¹⁸Go kóc Joon buoŋth kakkith ye luel rin Jethu lëk Joon. Go kóc karou kamken tuöc tënë Jethu bik la thiëc ëlä, ¹⁹“Ye yin raan bi bën aye raan dët yen buk tiit?”

²⁰Nawën yëetkë tënë Jethu ke luelkë, “Joon raan kóc muöc nhüim aci yo tooc buk yi bën thiëc, ee yin raan bi bën aye raan dët yen buk tiit?”

²¹Ku kaam awën thiëc kek, Jethu ë kony kóc juëc tuany apeï, ku kóc ci jakrëc döm. Ku kóc ci cöc. ²²Go wëtden bëër ku luel, “Lak ku lëkkë Joon käk cäk tiŋ ku käk cäk piŋ, cöc aci ben daai ëmën, ku aduany aci ya cath ku kóc ci tuet aci tuet jal kegup, ku miŋ aci ya piŋ, ku kóc ci thou aaci röt jöt. Ku Wët Puoŋth Yam alëk kóc ɲöŋ nyin. ²³Ku raan mit guöp ë raan cie puöu ë rou wëtdië yic.”

²⁴Nawën ci kóc Joon jäl, ke Jethu jam ku tët kóc Joon, “Ye raan yindë yen ci wek la ror ciï ceŋ bäk la tiŋ? Ye raan puöl yic ye wel nom ë path cimën ye yom aruöör wel nom? ²⁵Ye raan yindë yen cäk la tiŋ?

Ye raan ceŋ alëth path apei? Kɔc ciëŋ alëth dhëŋ ku yekë miih path cam akölaköl aa kɔc pan bënydit. ²⁶Lëkkë ya, yeŋö cäk la tiŋ? Ye raan käk Nhialic tiŋ. Ee yic. Ku alëk we, yeen adit tënë raan käk Nhialic tiŋ. ²⁷Rin Joon yen aye athör thëer wël Nhialic jam rienke ëlä,

‘Yen abi raan tök kam kɔc käkkië lueel,
cöl alëk kɔc bi dhël la guiir tënë yïin.’”

²⁸Ku ben Jethu lëk ke ëlä, “Acin raan kuat kɔc ci dhiëeth pinynhom dit tënë Joon. Ku yeen aŋot wër raan koor tö bääny Nhialic yic.”

²⁹Kuat kɔc ci wëtde piŋ, agut kɔc ajuër kut aaci këpuwth looi Nhialic ŋic, ku cölkë röt aa muɔɔc Joon nhïim. ³⁰Ku kɔc akut Parathï ku kɔc piöoc lööŋ Mothith, aaciï jai kë wic Nhialic bi guiir tënë ke, rin ci kek kuc bi Joon ke ciï muɔɔc nhïim.

³¹Ku ben Jethu thiëc, “Yeŋö ba thöŋ kek riëc akölë? Thöŋkë kek ŋö?”

³²Keek aa cit mïth ci kenhïim mat laar yic leŋ kegup, ye lueel ëlä,

‘Yok aaci waak peth ye keek ket të looi ruäai ket,
ku wek aa këc dier!

Yok aaci käk ye looi thuɔɔ yic thöŋŋ,
ku wek aakëc dhiau!’

³³“Rin Joon raan kɔc muɔɔc nhïim ëcie bëëi kuany yiic ke mïth ku dëk ë möu, ku ayakë lueel, ‘Lɔn le yen guöp jɔŋrac!’ ³⁴Ku Manh Raan aci bën ku ye mïth kek kɔc ku dëk ke ke, ku ayakë lueel, ‘Jethu akok, ku a dek määu. Ku amäath kek kɔc ajuër kut ku kɔc la gup adumuööm!’ ³⁵Ku luoi puwth Nhialic ë rot nyuɔɔth käk ye kɔc ke buɔɔth yiic looi.”

Tiŋ rac ci jäl piath

³⁶Nayɔn akäl tök ke raan tök kɔc akut Parathï cöl Jethu bik la mïth. Go Jethu la pan raan akut Parathï ku nyuuc bi mïth. ³⁷Nawën piŋ tiŋ adëjöök, ŋic geu yic ëbën, lɔn ci raan akut parathï Jethu caal paande, ke bö kek tony koor ci cuëc tiöm ril apei, la yic miök ŋir ye ɔɔc wëu juëc apei. ³⁸Ku le ɔt, ku nyuuc Jethu lööm, ku dhiëu ke cie nhom guöt Jethu cök. Go piü awën dhiëu yen Jethu luak cök. Goke weec nhimken nhom. Ku ciim cök ku tɔc cök miök ŋir awën muk. ³⁹Nawën tiŋ raan akut Parathï wën ci Jethu gɔɔŋ ë kënë, ke jam yetök ëlä, “Na mony kënë ye raan käk Nhialic tiŋ, ŋuöt aci tiŋ ye gɔɔt ŋic, ye tiŋ yindë, rin adëjöök.”

⁴⁰Go Jethu wët Thaimon guɔ ŋic ku lueel tënë ye, “Thaimon! Ala kë wiëc ba lëk yi. Päl yiyic piny.” Go bëër, “Ye kënë ŋö, Raan ë piöoc?”

⁴¹Go Jethu lëk anyiköl kënë, “Monytui ë këny kɔc karou. Raan tök kek wëu ye döm raan ruöön tök, ku raan dët kek wëu ë pen tök. ⁴²Ku

akëckë lëu kedhie bik wëëu cool. Go wëëu puöl, ku ciï ke ben kööny. Na ye yi, yeŋa kamken bi mony kënë nhiaar apeï?" ⁴³Go Thaimon bëër, "Aya tak ë raan ci wëëu juëc päl piny tënë ye." Go Jethu bëër, "Këdu ë yic!"

⁴⁴Ku wël yenhom tik ku lëk Thaimon, "Ca kë looi ë tiŋ tënë ya tiŋ? Yen aci bën paandu ku yin akëc ya yiëk piu ba cök lök. Ku yen tiŋë acä lök cök piuken nyin, ku wuuny ke nhimken nom. ⁴⁵Yin akëc ya ciim wën bi ŷen cit të ye miäth kəc ë ciëŋda yic. Ku yeen ë ya ciim cök ëmën ku ëmën, tëwën rëër ŷen ë tën. ⁴⁶Yin akëc ya cak lor apath ba təc nom, ku yeen acä təc cök miök nŋr. ⁴⁷Ku alëk yi lön nhiërdit ci nyuöth thïn aye nyooth aya lön ci adumuömkken juëc päl piny. Rin raan ci käklik päl piny tënë ye, ee nhiër koor nyuöth."

⁴⁸Ku lëk tik, "Adumuömkku aaci päl piny." ⁴⁹Go kəc awën mith kek ye aa jiem wei ku yekë luel ëlä, "Yeŋa kënë jam lön ë yen adumuömm päl piny?"

⁵⁰Ku ben Jethu lëk tik, "Gamdu aci kony. Löc ke döör Nhialic."

Diäär ke ye cath kek Jethu

8 Nawën ke jiël, ku kueny geeth yiic ku bëëi ke piöoc Wët Puoth Yam rin bäany Nhialic. Ku atuöccke kathiaär ku rou aake cath kek ye. ²Diäär juëc aake cath kek ye aya. Diäär kök kamken aake ci Jethu kony jakrec ku tuaany, Maria Magdalena ci jakrec kadhorou jäl yeguöp. ³Ku Joanan tiŋ mony cöl Kudha raan käk pan bëny Antipäth Yërot tiit, ku Thuthana ku diäär juëc kök ë Jethu kek kocken ye buöth kony wëëuken.

Kään dom path ku dom rac

(Mt 13:1-9; Mk 4:1-8)

⁴Go kəc juëc aa guëer tënë Jethu geeth yiic, go ke lëk käñ kënë, ⁵"Raan puör ëci la dom bi la pur. Ke wën ye yen rap wëer dom yic ke köth abëk lööny dhöl yic të ye kəc tëek thïn, ku tet diet ke aya. ⁶Ku lööny köth kök alël nom të koor tiöp thïn. Nawën ciilkë, ke ke go gu riau rin këc meiken yet piny



Raan puör ëci la dom bi la pur (8:5)

apath. ⁷Ku lööny köth abëk të ye tiim la kuwoth cil thïn, na la tiim juäk ke ke dec rap ku cïk lok apath. ⁸Ku lööny köth kök tiom path yic, ku ciilkë ku lökkë apath ke dit nhïim apei.”

Ku wit Jethu lönde ëlä, “Pieŋkë të le wek yïth.”

Wët thööth ë kääŋ

(Mt 13:10-17; Mk 4:10-12)

⁹Go kocken ye buwoth thiëc, “Kääŋ kënë wëtde yic yeŋö?” ¹⁰Go Jethu bëer, “Wek anyuth Nhialic bäanyden cäk ŋic thëer. Ku koc kök aabi kãŋ ŋic ë këŋ ya lëk ke yiic, rin na cök alon ye kek daai, ka cïi kãŋ bi tïŋ. Ku na cök alon ye kek wët piŋ, ka cïk bi deet yiic.”

Jethu aci kääŋ raan puör teet yic

(Mt 13:18-23; Mk 4:13-20)

¹¹Ku lëk Jethu ke, “Kääŋ kënë wëtde yic akïn. Köth cï com aa cït wëtdiën ya piöc tënë we. ¹²Koc kök aa cït köth cï lööny dhël yic, ye diet ke tet. Të piŋ kek löŋ Nhialic, ke jŋrac bö ku nyieei löŋ awën kepuöth bik wët Nhialic cïi piŋ, ku bi ke kony bik pïr. ¹³Koc kök aa cït köth cï com alël nom, aa löŋ Nhialic gam nyin yic ke mit puöth. Ku aacie kepuöth ë deet, aa löŋ Nhialic guo wai wei të nëk ke rin wët Nhialic. ¹⁴Koc kök aya aa cït köth cï lööny të ye tiim la kuwoth cil thïn, keek aa löŋ Nhialic piŋ. Ku kãjuëc ke diir rin pïr pinynhom ë tën, nhiër jieek ku kãpuöth yekë wïc kepuöth aa bën thïn, ku reckë löŋ Nhialic kepuöth. ¹⁵Ku koc kök aa cït köth cï puur tiom path yic. Keek aa löŋ Nhialic piŋ ku gamkë apei, ku kãjuëc path aaye yök tënë ke rin ye kek kepuöth deet.”

Kääŋ ë mermer

(Mk 4:21-25)


¹⁶Ku ben lëk ke, “Acïn raan cï mermer kaŋ yãth yöt ku kum nyin, tädë ke tëüu agen töc cök. Aye töüu yöt ciel yic rin bi yöt amer yic tënë koc bö yöt. ¹⁷Këriëc ëbën cï thiaan abi bëëi bei koc nhïim, ku këriëc ëbën cï kum nom, abi yëth ayeer ruël yic. ¹⁸Pieŋkë ku detkë apath të ye wek wël piŋ, rin raan la kädãŋ abi ben muoc, ku na ye raan cïn kädãŋ, ke këthiin ye tak lon tö yen tënë ye, abi nyaai aya.”

Man Jethu ku wãmãthakën aaci Jethu nyaai

(Mt 12:46-50; Mk 3:31-35)

¹⁹Go man Jethu kek wãmãthakën bën tënë ye, ku cïn të le kek tënë ye rin juëc koc yööt apei. ²⁰Go raan tök lëk Jethu, “Moor ku wãmãthakui aa

Go Jethu rot jɔt ku rɛl yom ku atiaktiak.
Gokɛ kɔɔc ku la wɛr dil (8:22-25)



kääc aʒeer, ku aa wic yi.” ²¹Go Jethu lueel tɛnɛ ke, “Ma ku wámáthkié aa kɔc wɛt Nhialic piŋ ku loiké.”

Jethu aci yom cɔl akääc

(Mt 8:23-27; Mk 4:35-41)

²²Nayɔn akäl tók, ke Jethu la riái yic kek kɔcken ye buɔɔth ku lɛk ke, “Lok teemku wɛr alɔɔtui.” Gokɛ riái gɛer wíir. ²³Tɛwɛn gɛr kek, ke Jethu go nin. Kaam awɛn niin yen ke yomdit apei jɔt rot, ku loi atiaktiak rot abí riái duér thiáj piú, ku duérké díir. ²⁴Gokɛ puɔɔc ku luelké, “Bányda, Bányda! Yok aa muɔu.” Go Jethu rot jɔt ku rɛl yom ku atiaktiak. Gokɛ kɔɔc ku la wɛr dil. ²⁵Ku thiéec ke, “Tɛ gamdun tɛnen?” Gokɛ nhíim la cɔt ku riɔɔcké rieldit cit kɛnɛ, ku jicɛmké kamken, “Ye raan yindé kɛnɛ, na cɔk a yom ku atiaktiak é ke piŋ wɛtde?”

Jethu aci raan la guɔp jakrec kony

(Mt 8:28-34; Mk 5:1-20)

²⁶Gokɛ wɛr Galilia teem ku lek tó cɔl Jeratha tó wɛr Galilia alɔɔtui.^a
²⁷Tɛwɛn keec Jethu piny riái yic, ke mony é gen kɛnɛ la guɔp jakrec

^a8:26 Jeratha acɔl Gadara aya, tiŋ Mt 8:28

bö tēnē ye. Mony kēnē ěcie ceŋ alēth ku ěcie rēer baai, ee ye rēer rēŋ nhīim.

²⁸Nawēn tiŋ Jethu ke lor nhom ke loi wuɔɔ, ku cuet rot piny yenhom ku looi kieɛu apei, “Jethu, wēn Nhialic Madhəl yeŋö wic ba looi tēnē ɣa? Yīn alāŋ duk ɣa tēm awuɔc.” ²⁹Ee jam kēlā rin cī Jethu jɔŋrac yōök bī jal yeguɔp. Ee ye jɔŋ kēnē dɔm arak juēc, na cɔk der piny bī rek cin ku cök ku tit, ke ɲot ke tueny ku dhoŋ luōŋ kōth yecök. Ku ɣēth jɔk roor tē cīi ceŋ.

³⁰Go Jethu jāl thiēc, “Cɔl yī ŋa?” Go bēer, “Yok aa kut.” Ee lueel kēya rin cī jak juēc la yeguɔp. ³¹Go jakrɛc jam ku lēŋkē Jethu bī ke cīi cop tēthuth dīt yic, ye kɔc rec ɣāth thīn.^b

³²Ku duut dīr baai ē nyuāth gɔt cök ē tēn awēn. Go jakrɛc Jethu lōŋ bī ke cɔl aa la dīr gup. Goke puɔl. ³³Go jakrɛc bēn bei yeguɔp ku lek dīr baai gup, ku riŋkē agör yic, ku thootkē wīir ku moukē ēbēn.

³⁴Nawēn tiŋ rōör ke biōök dīr kē cī rot looi, ke kat bīk wēt la lēk kɔc rēer geeu ku kɔc tō bēēi yiic. ³⁵Go kɔc ēbēn jal wet bīk kē cī rot looi la tiŋ. Nawēn lek ɣet tēnē Jethu, ke yök mony wāär la guɔp jakrɛc ke cī nyuc Jethu cök, ke ceŋ alēth, ke la nhom cök. Gokē riōc. ³⁶Ku kɔc ke cī kēnē tiŋ, aaci tē cī mony la guɔp jakrɛc kuɔny thīn la lēk kɔc kök. ³⁷Go kɔc Jeratha ēbēn riōc, ku lēkkē Jethu bī jāl panden. Go Jethu la riäi yic ku dhuk.

³⁸Go mony wēn cī Jethu jakrɛc cɔl ajiēl yeguɔp, Jethu thiēc bī cath kek ye. Go Jethu jai ku lēk ye, ³⁹“Lɔɔr baai tēnē kacku ku lēk ke kajuēc cī Nhialic looi tēnē yī.” Go mony kēnē jāl ke kuany geu yic, ke ye kɔc lēk kāk cī Jethu looi tēnē ye.

Jethu aci tik kony ku cɔl nya aben pīr

(Mt 9:18-26; Mk 5:21-43)

⁴⁰Wēn cī Jethu tem ku dhuk wār alɔŋtui, ke lor kɔc juēc apei, kɔc ke tit ye. ⁴¹Tēwēn ke mony cɔl Jariōth, bēny tēnē amat kɔc Itharel bö aya. Nawēn tiŋ Jethu, ke cuet rot piny yecök ku lēŋ bī la paande, ⁴²rin nyanden tōŋ ye ruōnke thiäär ku rou ěcī dhal apei. Go Jethu gam ku lööny dhöl. Ku buɔɔth kɔc juēc ke cīk kum apei.

⁴³Ku tiŋ tuany kēc thēkde kōu kaŋ tɛem ruōŋn thiäär ku rou ē tō kɔc yiic. Ku yeen ěcī wēu juēc gām akīm, ku acīn akīm tōŋ cī tuaanyde cɔl aŋuēn. ⁴⁴Go bēn Jethu kōu ku gɔɔt alanhde thok. Go riem kōc nyin yic. ⁴⁵Go Jethu thiēc, “Yeŋa cā gɔɔt?” Nawēn cīn raan gēm ye rot, go Pīter lueel, “Bēny aa kɔc juēc cī kum kek aa yī pīk.”

^b8:31 Eye tak lɔn jakrɛc aaye mac piiny tēthuth bī ke jal tēm awuɔc.

⁴⁶Go Jethu ben lueel, “Ala raan cä gɔɔt rin aca ɲic lɔn le yen raan ca kony?” ⁴⁷Nawën tɪŋ tɪŋ awën lɔn cɪ ye ɲic, go bën tënë Jethu ke cɪ riöc, ke lɛth ku cuet rot piny yecök. Ku lëk Jethu, kɔc nhïim ëbën yen kënë gɔɔt yen ye, ku tē cɪ tuaanyde guɔ ɲuëën thɪn ë kaam thiin awën. ⁴⁸Go Jethu lueel tënë ye, “Nyaandië gamdu aci kony. Lɔɔr, ke döör Nhialic.”

⁴⁹Kaam wën jïem Jethu, ke raan riŋ pan Jariöth ku lëk ye, “Nyaandu aci yet wei, duk raan piöc ben rääm nhom.” ⁵⁰Ku Jethu ëci wët ë mony piŋ, go lëk Jariöth, “Duk riöc, dɛt yipuɔu ku gam wët yic. Nyaandu abi pial.” ⁵¹Wën yeet yen baai, ee cɪn kɔc cɪi puɔl bik la yöt kek ye, ee Pïter ku Joon ku Jemith, ku jɔl aa wun ku man meth kepëc. ⁵²Tëwën le Jethu yöt, ke yök kɔc ke näk röt, ke dhiau. Go lëk ke, “Duökkë dhiau. Meth akëc thou, anin.”

⁵³Gokë dɔl guöp rin ɲic kek ye lɔn cɪ yen thou. ⁵⁴Go meth dɔm cin ku lëk ye, “Manhdië jɔt rot.”

⁵⁵Go wëike dhuk ku jɔt rot nyin yic. Ku lëk Jethu ke bik yiëk miëth. ⁵⁶Go kɔc ke dhiëth meth gäi apeɪ, ku thɔn Jethu ke bik kē cɪ rot looi cɪi lëk kɔc kök.

Jethu acä atuöccke kathiäär ku rou tooc

(Mt 10:5-15; Mk 6:7-13)

9 Ku cɔl Jethu kɔc ye buɔɔth kathiäär ku rou, ku yik ke riel bi kek jakrɛc aa la cuɔp wei, ku riel bi kek kɔc cɔl aaye pial aya, ²ku tooc ke bik aa la piöc wët bäany Nhialic ku konykë kɔc tuany. ³Ku lëk ke, “Duökkë muk käk la keny, cimën wai ku jɔkgɔɔ ku miith yakë cam dhöl yic, ku wëu ku duökkë muk alëth kök. ⁴Yakë rëer pan ye we lor thɪn yet tē bi wek jäl. ⁵Ku na ye pan cɪi we lor thɪn, ke we jïel ku taŋkë wecök, bi nyooth lɔn cɪ wek kuc ë ke.”

⁶Go atuuc jäl, ku kuenykë bëëi yiic ke piöc Wët Puɔth Yam ku konykë kɔc bik pial kuat pan cɪ kek la thɪn.

Antipäth Yërot aci diëer

(Mt 14:1-12; Mk 6:14-29)

⁷Antipäth Yërot, bënydit pan Galilia, ee cɪ käjuëc loi röt piŋ ëbën. Go diëer rin ë ye kɔc kök lueel lɔn Joon raan wäär kɔc muɔc nhïim aci ben pïr. ⁸Ku lueel kɔc kök ë Elija yen aci ben tuöl, ku kɔc kök ë yekë lueel, lɔn ë yen raan tök kam kɔc käk Nhialic tɪŋ yen aci ben pïr. ⁹Go Antipäth Yërot lueel, “Yen aci Joon cɔl atëem nhom bei! Yeŋa kënë ye yɛn wëlke piŋ ë bak?” Ku ë wic bi röm kek ye.

Jethu aci miëth koor juak bi kɔc juëc cam

(Mt 14:13-21; Mk 6:30-44; Jn 6:1-14)

¹⁰Go atuuc Jethu dhuk ku lëkkë kāk cik looi ëbën. Ku jiëlkë ë röt ku lek gen cɔl Bethaida. ¹¹Nawën piŋ kɔc juëc tɛ ci yen la thïn, ke buohtkë. Go Jethu ke lor ku jieem tënë ke rin wët bääny Nhialic, ku kony kɔc ci ye thiëc, bik pial.

¹²Nawën la piny cuɔl, ka atuöccke kathiäär ku rou bö tënë ye ku luelkë, “Cɔl kɔc aa jiël bik la bëëi yiic bik la wïc tɛ niin kek thïn, ku lek ɣɔc miëth camkë, rin tɛ rëer yok thïn ë ror cii ceŋ cïn kē kuany thïn.”

¹³Go Jethu bëër, “Miackë ke miëth.” Gokë lëk ye, “Kāk mukku aa yuöp kadhiëc ku rec karou. Wïc buk miëth ɣɔc tënë ë kɔc juëckä?” ¹⁴Kɔc ke tō thïn aake röör tiim kadhiëc. Go lëk kɔcken ye buoɔth, “Calkë kɔc aa nyuc, thiär dhiëc akuöt tök yic.” ¹⁵Go kɔc ye buoɔth kɔc cɔl anyuc piiny këya. ¹⁶Go ayuöp awën kadhiëc ku rec karou lööm ku döt nhial ku leec Nhialic. Ku beny ayuöp yiic, ku gëm ke kɔcken ye buoɔth bik ke tek agut rec tënë kɔc. ¹⁷Ku mihtkë abi miëth ke göök, ku jɔl kɔcken ye buoɔth awuthuei ayuöp ku rec ci döŋ kuany gäacdüt kathiäär ku rou.

Pïter aci Jethu ŋic

(Mt 16:13-19; Mk 8:27-29)

¹⁸Nayɔn akäl tök, tɛwën röök Jethu ë rot, ke kɔc ye buoɔth bö tënë ye. Go Jethu ke thiëc, “Lëkkë ɣa, ye jän tak, ye ɣen ë ŋa?”

¹⁹Gokë luel, “Ayekë luel lɔn ye yin Joon raan kɔc muɔc nhïim. Ku luel kuat dët lɔn ye yin Elija. Ku kɔc kök ayekë luel, lɔn ye yin raan kam kɔc kāk Nhialic tiŋ thɛer ci ben pïr.”

²⁰Goke thiëc, “Na week yakë luel lɔn ye ɣen ŋa?” Go Pïter bëër, “Yïin nhom guöp, yin ë raan ci Nhialic lɔc ku dɔc.” ²¹Kë ca luel ë yic Pïter. Ku thɔn ke apeï ëlä, “Duökkë lëk raan dët.”

Jethu ee jam Arɛemde ku Thuɔnde

(Mt 16:20-28; Mk 8:30-9:1)

²²Nawën ke lëk Jethu ke ëlä, “Manh Raan abi dhiel reem, ku abi kɔcdüt baai ku bäny kāk Nhialic, ku jɔl aa kɔc piöc löŋ kɔc Itharel jai, ku abik nök, ku yeen abi nin kadiäk nök piiny raŋ yic ku ben jɔt bi pïr.” ²³Ku luel tënë ke ëbën, “Na ye raan wïc bä buoɔth, ka dhil nhom määR kăpuoɔth bi yok piërde yic pinynhom ë tɛn. Ku dhil puöu riel ku buoɔth ɣa akölaköl, cɔk alɔn wïc kɔc kök ye bik nök ë rienkië. ²⁴Rin raan wïc ye bi wëike kony abi muör. Ku na ye raan mär wëike ë rienkië, ka bi wëike

9:19 Mt 14:1-2; Mk 6:14-15; Lk 9:7-8 9:20 Jn 6:68-69 9:23 Mt 10:38; Lk 14:27

9:24 Mt 10:39; Lk 17:33; Jn 12:25

muk akölrüëc ëbën. ²⁵Yeḡō bī raan kuany thīn bī jak apei pinynhom ku mër wëike? ²⁶Na ye raan guḡp yār ë ḡa ku piḡḡcdië, ke Manh Raan abī guḡp yār ye aya, aköl dhuk yen diekde yic ku diik Wun yic, ku diik atuuc Nhialic. ²⁷Ku le tueḡ ku lueel, wek alëk yic ala kōc kōk rëër ë tën, aaciī bī thou agut tē bī kek ḡa tiḡ, kek riel ye nyuḡḡth lōn ye ḡen bëny ci Nhialic lōc.”

Jethu aci guḡpde rot waḡ

(Mt 17:1-8; Mk 9:2-8)

²⁸Nawën nin kabët cök ci yen kakkä lueel, ke Jethu cōl Pīter ku Jemith ku jōl a Joon, ku lek ḡōt nhom bīk la rōök. ²⁹Tëwën rōök yen ke waḡ yenyin, ku ḡer aläthke apei bīk la diardiar. ³⁰Kaam thiin awën ke rōör tul ku jieemkë kek ye. Ku keek aake ye yī Mothith ku Elija. ³¹Keek aaci bën ke la gup dhëḡ Nhialic ku jieemkë tënë Jethu tē bī yen la thou thīn Jeruthalem, rin bī yen kë wīc Nhialic jāl thōl. ³²Ku Pīter kek kōc awën cath ke ye, aake ye nin muḡr puḡth. Nawën liepkë kenyin ke tiḡ lec Jethu, ku rōör karou ke kääc yelḡḡm. ³³Nawën jiël ë rōörkã, ke lueel Pīter tënë Jethu, “Bëny, apath buk rëër ë tën. Yok aabi duël kadiäk looi tōk tënë yī, ku tōk kek Mothith ku tōḡ dët kek Elija.”

(Kënë jieem yen këya, ee kuc këne bī lueel.)

³⁴Kaam wën ḡot jieem yen, go kecīt rur piny paat abī ciën tē yekë tiḡ. Gokë riḡḡc wën kum rur ke piny. ³⁵Ku piḡkë Nhialic ke jam luääḡ yic ëlä, “Kënë ë Wëndië, yen aca lōc, piḡkë wëtde.” ³⁶Nawën cik rōl ben piḡ, ke ye Jethu yen tiḡkë ë rot. Go kōc Jethu buḡḡth kakkä muk kepuḡth ku cik ke lëk raan dët.

Jethu aci dhōḡ la guḡp jōḡrac kony

(Mt 17:14-18; Mk 9:14-27)

³⁷Nawën dhukkë piny ḡōt nhom aköl dëëtë, ke lor kōc juëc apei. ³⁸Kaam awën ke raan tōk thān awën yic, cōt ke cie rōl jōt ku lueel, “Raan piḡḡc, yin alāḡ bā manhdië tiḡ, yen ë mänh tōḡ tō ḡanhom. ³⁹Të dōm ë jōḡ ye, ka dhiau nyin yic, ku wit piny ku leth ku yīk thok ayōk. Jōḡ këne aciī ye lac pāl piny, ku aye cōl anāk rot apei. ⁴⁰Yen aci kōckun yī buḡḡth lōḡ bīk cuḡp wei yeguḡp, ku akëckë lëu.”

⁴¹Go Jethu lëk ke, “Wek kōc cie lac gam, ba rëër ke we, ke ḡa ciī guḡp la cut wëlkun?” Ku lëk wun meth, “Bëëi manhdu tën.”

⁴²Kaam wën le dhōk tënë Jethu, ke wit jōk piny ku leth. Go Jethu jōk yōḡk bī jāl yeguḡp, ku kony dhōk bī pial. Ku lëk wun bī jāl kek ye. ⁴³Ku jōl raan ëbën ḡäi riel Nhialic.

Jethu aci ben jam ë Thuonde

(Mt 17:22-23; Mk 9:30-32)

Tëwën ñot rëer kɔc ke cī gāi kajuëc cī looi, ke lueel tënë atuöccke, ⁴⁴“Pieŋkë wëlkä apath ku calkë ke aa lööny wepuöth, rin Manh Raan abi thön kɔc bī ye nök.”

⁴⁵Ku kɔcken ye buöth aake këc wët kënë deet yic, wët ëcī moony tënë ke rin bik cīi det yic. Ku keek aake cī riöc bik thiëc kë cī lueel.

Kɔc Jethu buöth aaci wët teer

(Mt 18:1-3; Mk 9:33-37)

⁴⁶Nawën ke kɔc ye buöth teer wët lɔn yeŋa kamken yen dīt apeī. ⁴⁷Ku Jethu ë ñic kë tō kepuöth. Ku dɔm meth ku cɔl akääc yelööm. ⁴⁸Ku lëk ke, “Raan manh koor cīt manh kënë lor ë rienkië, acā lor. Ku raan ya lor, acie ŷen ye lor, ee Wä Aciëŋ ë toc ya. Rin raan koor kamkun ëbën, yen ë raandīt.”

Raan cīi yo man ë raanda

(Mk 9:38-40)

⁴⁹Nawën ka atuny cɔl Joon bö tënë Jethu ku lëk ye, “Bëny, yok aaci mony dët tiŋ keye jakrec cuɔp wei kɔc gup ë rienku, ku acuk pëen rin acie raanda.” ⁵⁰Go Jethu lëk ye kek atuuc kök aya, “Duökkë ye pëen, rin raan cīi we man ë raandun.”

Jethu akëc kɔc Thamaria lor

⁵¹Nawën cī nīn bī Jethu yäth nhial thiök, go tak bī dhiel la Jeruthalem. ⁵²Ku tooc kɔc yenhom tueŋ bik tē bī kek la nyuc thīn la guir pan tō wun Thamaria. ⁵³Go kɔc pan awën kuc rin ñic kek ye lɔn Jethu ala Jeruthalem.^c ⁵⁴Nawën le kɔc Jethu buöth, Jemith ku Joon, ñic lɔn cī kɔc baai kuc bik Jethu lor ke luelkë, “Bëny, cuk mac cɔl abö piny nhial bī pan kënë rac?” ⁵⁵Go Jethu ke duöm thook piny, ⁵⁶ku berkë pan dët tō tueŋ.

Raan buöth Jethu adhil puöu riel

(Mt 8:19-22)

⁵⁷Tëwën kueny kek dhël yic, ke räm kek mony dët cī ye bën lëk Jethu ëlä, “Yīn aba biaath kuat tē ler yīn thīn.” ⁵⁸Go Jethu bëër, “Luony aa la yöötken yekë ke wuut, ku diet pār aa la yöötken aya. Ku ŷen Manh Raan ŷen acīn baai pinyhom tēn.”

9:46 Lk 22:24 **9:48** Mt 10:40; Lk 10:16; Jn 13:20 **c****9:53** Kɔc Itharel la luaj Nhialic Jeruthalem, aake cīi kɔc Thamaria ye lor rin meen kek röt. **9:54** 2Bŋ 1:9-16

⁵⁹Ku lueel Jethu tënë mony dët, “Buoth ya.” Go bëër, “Bëny, cöl yən akəŋ wä la thiök.” ⁶⁰Go Jethu bëër, “Cöl kəc cīt kəc cī thou aa thiäk kacken, ku yīin bäär ba Wēt Puoth Yam bən la piöc.”

⁶¹Ku lueel mony dët, “Yīn aba buoth Bëny, ku cöl yən akəŋ kackië la töŋ.” ⁶²Go Jethu lək ye, “Yīn acīt raan dhie pur, na tiŋ raan dët cath, ke cuet pur piny ku keeŋ nhom ku ruec. Këya, raan ye kək kək nyaai luoi ca guiër ye yic, acīn kəpuoth lëu bī looi rin bääny Nhialic.”

Luoi kəc thiärdhorou ku rou

10 Nawën ë kënë cök, ke Jethu kuany kəc kək kathiärdhorou ku rou kam kəc ye buoth, ku tooc ke tueŋ bī kəc karou aa cath, bīk la gæth ku bëi ke bī yen la thīn yiic. ²Ku lək ke, “Käk tem ajuëc ku kəc luoi aa lik. Röökkë Bëny la nhom käk tem bī kəc luoi cöl aa juak röt. ³Lak! Ku ŋieckë, wek atuoc cīmën amël ë kam gal. ⁴Duökkë wëu ku jəgəw ku war kək muk. Ku duökkë ye köc dhöl yiic bäk kəc aa muöth. ⁵Të yeet wek baai ke kaŋkë lueel, ‘Kəc baai yakë döör.’ ⁶Ku na ye kəc rëër ë pan kəc nhīar döör, ke röökkun aabī ke dəc. Ku na yekë kəc man döör, ke röökkun aacī ke bī kony. ⁷Ku yakë rëër ë pan ku miëthkë ku dëkkë käk yekë yiëk we, rin apath bī raan lui ariöpde yök. Duökkë ye jäl pan ku lak pan. ⁸Na lor kəc gen cī wek la thīn we, ke we cam kuat miëth cīk gäm we. ⁹Ku kuonykë kəc tuany ku lëkkë ke, ‘Bääny Nhialic acī thiök ke we.’ ¹⁰Ku na lak gen cī we ye lor thīn, ke we jiël ku luelkë, ¹¹‘Yok aabī tər gendun teŋ wei yocök bī döŋ kek we.’ Ku dhielkë deet apath, bääny Nhialic acī thiök. ¹²Awuöc bī Nhialic tēm kəc Thidon aköl luŋdīt abī kuur tënë awuöc bī tēm kəc ë gen.

Gæth kəc luoi käreec puol thīn

(Mt 11:20-24)

¹³‘Wek kəc gen Koradhin ku Bethaida, wek aa tiit käreec apei, rin kajuëc jāŋ göi cäk tiŋ cī ke looi gæthkun yiic, ku ke cī looi Tire ku Thidon, gæth wäär ceŋ kəc rac, ŋuöt kəc ë gæthkă aacī kepuöth dhuök ciëen theer, ku pälkë luoi käreec. ¹⁴Ku Nhialic abī we tēm awuöcdīt Aköl luŋdīt, awuöc bī dīt apei tënë awuöc bī tēm kəc Tire ku Thidon. ¹⁵Ku wek kəc Kapernaum yakë tak lən bī we jat nhial? Wek aabī cuat pan mac.’”

¹⁶Ku lueel Jethu tënë kəc wën cī tooc, “Raan piŋ wëtdun ë wëtdië piŋ, ku raan we dhöl gup acä dhöl guöp, ku raan dhäl yaguöp ë raan toc ya dhöl guöp.”

9:61 1Bŋ 19:20 10:2 Mt 9:37-38 10:3 Mt 10:16 10:4-11 Ith 10:7-14; Mk 6:8-11; Lk 9:3-5
10:7 1Kor 9:14; 1Tim 5:18 10:10-11 Luoi 13:51 10:12 Cäk 19:24-28; Mt 11:24; 10:15
10:13 Ith 23:1-18; Edhe 26:1-28:26; Juel 3:4-8; Amo 1:9-10; Dhäk 9:2-4 10:15 Ith 14:13-15
10:16 Mt 10:40; Mk 9:37; Lk 9:48; Jn 13:20

Kɔc wɛn cɪ tooc aacɪ dhuk

¹⁷Go kɔc thiärdhorou ku rou wɛn dhuk ke cɪ puōth miet ku luelkë, “Bëny agut jakrɛc aya aacɪ wëtta piŋ ë rienku.” ¹⁸Go Jethu lëk ke, “Riel jɔŋrac acɪ riäk ku tiëŋ ke lööny piny cimën many nhial. ¹⁹Wek aca yiëk riel bi wek aa cath käpieny ku kith nhïim ë path. Ku wek aca yiëk riel wër wek aleikun ku kɔc man we. Ku acin kë kɔŋ we nõk. ²⁰Ku duökkë puōth jɔl miet rin cɪ jakrɛc wëtdun piŋ, mietkë puōth rin cɪ rienkun göt pan Nhialic.”

Jethu amit puöu

(Mt 11:25-27; 13:16-17)

²¹Nawën ke Wëi Nhialic cɔl Jethu amit puöu ku lueel, “Wä, Bëny nhial ku piny! Yïn alɛɛc rin cɪ yïn käk cɪ thiaan tënë kɔc ŋic kɔŋ cɪ piöc, nyuöth kɔc kor këc piöc. Ee tède, Wä, yen ë kën yi yuum puöu. ²²Këriëc ëbën aacɪ Wä gäm ya. Acin raan ŋic Wënde ë Wun ë rot, ku acin raan ŋic Wun ë Wënde ku kɔc cɪ Wënde lɔc bi nyuöth ke.”

²³Tëwën rëer Jethu kek kɔcken ye buōth ë röt, ke wël yenhom ke ku lueel, “Wek aala gup duaar bäk käk tiëŋkë tiŋ. ²⁴Ku alëk we, ëcɪ kɔc juëc käk Nhialic tiŋ ku bänydit wic bik käk yakë tiŋkã tiŋ, ku aa këckë ke tiŋ. Ku ë cik wic aya bik käk yakë piŋ, piŋ, ku aa këckë ke piŋ.”

Kääŋ raan path pan Thamaria

²⁵Raan piöoc ë löŋ kɔc Itharel, ëcɪ bën ku wic bi Jethu deep ë wët ku thiëc, “Raan piöoc, yeŋö ba looi ba pïr akölrïëc ëbën pan Nhialic?” ²⁶Go Jethu bëër, “Ye Löŋ Mothith lueel këdë ë wët kënë? Yeŋö ye deet yic thïn?”

²⁷Go bëër, “Yïn adhil Nhialic Bänydu nhiaar yipuöu ëbën, ku wëiku ëbën, ku yinhom ëbën, ku nhiaar raan dët cimën nhieer yïn rot.”

²⁸Go Jethu lueel, “Aca ŋiec bëër. Loi kakkã, ku pïr pan Nhialic akölrïëc ëbën aba yök.”

²⁹Go monytui wic bi wët deet apath rin wic yen ye bi rot kony, ku ben Jethu thiëc, “Raandiën ba nhiaar yeŋa?”

³⁰Go Jethu bëër ku lueel, “Monytui, ke ye raan Itharel, ëcɪ jäl Jeruthalem bi la Jeriko. Go röm ke cuër dhël yic ku rumkë aläthke ku wëëuke ëbën, ku näkkë ku jolkë nyääŋ piny ke duër thou. ³¹Nawën ke raan käk Nhialic, ke ye raan Itharel, bö ke kuany dhël kënë yic, go monytui tiŋ ku wëen thok piiny. ³²Nawën ke raan dhiënh Lebɪ ben bën,



Go rot cuŕt ye, ku muɔɔc ɣəntöök yiic miök ku muŕn abiéc (10:34)

go mony kënë tiŕ ku bër. ³³Go raan pan Thamaria bën ke kuany ë dhël kënë yic. Nawën tiŕ mony kënë piiny ke ŕeer yic. ³⁴Go rot cuŕt ye, ku muɔɔc ɣəntöök yiic miök ku muŕn abiéc ku der keyiic, ku jət akaja kōu ku ɣəth pan jōl, ku rëer yelōm ë wëer wën. ³⁵Nayon nhiäk, ke gem wëeu tënë raan lui pan jōl ku lëk ye, ‘Lök mony kën töök apath, na la dhuk ku le wëeu ca lök muor ë rienke tē lik wëūkië, ka ba bën cool.’”

³⁶Ku wit Jethu wëtde ku lueel ëlä, “Na ye yī, ke raan cī cuër baŕ, yeŕa kam kɔc awën kadiäk ë raande?” ³⁷Go lueel, “Raan cī ye kony yen ë raande.” Go Jethu lueel, “Lɔɔr, ku ye luui këya.”

Martha kek Maria

³⁸Tëwën cieth Jethu kek atuōccke ke la Jeruthalem, gokë nyuc gen thiin tō dhël yic. Go tiŕ cɔl Martha ke ɣəth baai. ³⁹Ku Martha a la nyankën cɔl Maria, cī bën nyuc Jethu lōm bī piōcde piŕ. ⁴⁰Go Martha puŕu riääk rin këc Maria ye kony luoi miëth tënë jōl. Go bën tënë Jethu ku lueel, “Bëny, ye këpath yen looi nyankäi cī yen ɣa päl luoi ë rot tēthæer awën? Lëk ye bā bën kony.”

⁴¹Go Bänyda bëer ku lueel, “Yīn Martha, yīn adieer rin awic ba käjuëc tō yīpuŕu looi ëbën, ⁴²ku ë tōk yen aril, Maria acā abaŕ ŕuëen kuëny bej, ku acīi bī nyaai tënë ye.”

Jethu anyuth yo tē bī yok aa rōök thīn

(Mt 6:9-13; 7:7-11)

11 Yɔn akäl tōk Jethu ē rōök, nawēn cī rōökde jal thōk, ke lueel raan tōk kam kōcken ye buoɔth tēnē ye, “Bēny, piōōc yo tē bī yok aa rōök thīn, cīmēn wāār cī Joon raan kōc muooc nhīim kōcken ye buoɔth piōōc.” ²Go Jethu lēk ke, “Yakē lueel kēlā tē rōök wek,

‘Wādan tō nhial, bī rienku aleec.

Bī bāānydu bēn yoyiic.

³Muooc yook miēth akōlakōl.

⁴Ku pāl adumuōōmkua piny tēnē yook,
rin ye yok wēt puōl tēnē kōc rēc yook.

Ku duk yook cōl athem kērac.’”

⁵⁻⁶Ku ben Jethu lēk kōcken ye buoɔth, “Tēdē, na yīn ala māthdu ku lōr tēnē ye wakōu wēēr ciel yic ku luel tēnē ye, ‘Māthdiē gām ya ayuōp kadiāk. Rin māthdiēn cī la keny aci bēn paandiē, ku yēn acīn miēth gām ye.’ ⁷Ku bēer yōōt alōɲ thīn ku lueel, ‘Duk ya rēēm nom. Yōt aci gur thok, ku yok aaci tōc yok miēthkiē. Yēn aciī rot ben jōt ba yī gām ayuōp.’ ⁸Ku la Jethu tuēɲ ku lueel, na cōk alōn cīī monyē rot jōt bī gām ayuōp rin yēn māthdu, ka ɲot bī rot jōt bī gām kuat kē wīc, rin yīn aciī guōp bī riōōc ē ye, ku lōr tuēɲ ke thiēc. ⁹Kēya alēk we, thiēc, ku abī Nhialic gām yī, na wīc kēdāɲ tēnē Nhialic ka yōk. Ku ē tēde aya, na gut yōt thok, ka ɲany thok tēnē yī. ¹⁰Raan thiēc aye gām ke wīc, ku raan la kē wīc aye yōk. Ku yōt aye ɲaany thok tēnē raan wīc ye. ¹¹Yeɲa kamkun na le meth, ku thiēc manhde miēth ke gēm kēpiiny tē wīc yēn rēc. ¹²Ku na wīc tuōɲ ajith, ke dōm kieth ku gēm ye. ¹³Na ɲieckē wek kōc ē luui kārec bāk miēthkun aa gām kāpath, ke cāk lēu bāk ɲic lōn bī Wuurdun tō nhial ye ɲic apeī bī Wēi Nhialic tuōc kōc thiēc ye.”

Jethu aye yōōk lōn le yēn guōp jōɲrac

(Mt 12:22-30; Mk 3:20-27)

¹⁴Nayɔn akäl tōk ke Jethu ē cop jōɲrac wei raan guōp, ku ēcie jam. Nawēn cī jōɲē jāl yeguōp ke mony awēn jam. Go thān awēn tō thīn gāi apeī, ¹⁵ku lueel kōc kōk, “Ee Beldhebul bēny jakrēc yēn ē ye yiēk riel bī ke aa cuōp wei.” ¹⁶Ku ē wīc kōc kōk bīk deep wēt, ku thiēc kē bī kēnē jāɲ gōi looi, bī nyuōth ke lōn ye Nhialic kākke gam. ¹⁷Ku Jethu ē ɲic kē yekē tak, go lēk ke, “Na tek kōc paan tōk keyiic ku thēr kē ē kamken, ke pan kēnē abī riāāk. Ku na tuum dhiēnh tōk yēnhom aya ku thēr kē kamken ē rōt, ke dhiēnh kēnē abī wēer aya. ¹⁸Kēya, na tek jakrēc keyiic ku thēr kē ē kamken ke cīī thōk? Ayakē lueel lōn ye yēn jakrēc cuōp wei riel ye

Beldhebul gām ya. ¹⁹Ku na ye riel Beldhebul yen ye ʔen jakrɛc cuɔp wei, ke ye riel ŋa yen ye kɔckun yakē buɔɔth ke cuɔp wei? Calkē ke aa lɛk we yic. ²⁰Ku na ye riel Nhialic yen ye ʔen jakrɛc cuɔp wei, ke ŋieckē lɔn cī bääny Nhialic bēn tēnē we.

²¹“Na tit raan ril paande thok ē tɔɔŋ ku kōt, ke kākke aacīi nyieei. ²²Ku na mēt raan dēt ril, ka wer ye. Ku jɔl kāk muk bī yen rot tiit nyaai ēbēn, ku tek kāk cī rum.

²³“Raan kēc rot māt ʔa acie raandiē, ku raan cīi ʔa kony bī kɔc lɛk wēt Nhialic, ee kɔc thiɔi.

²⁴“Tē cī jɔŋrac jāl raan guɔp, ee piny yɔɔp tēdēt bī yen lōŋ thīn. Na cīn tē yök, ka lueel, ‘ʔen abī dhuk tēnē raan wäär jiēl ʔen thīn.’ ²⁵Ku dhuk ku yök raan wäär, ke cīt ʔon cī guiir yic apath, ²⁶ku dhuk ku le bēn kek jakrɛc apei kōk kadhorou wār ye, ku lek yeguɔp. Ku pīr ē raan kēnē ē jāl rēēc apei tēnē pīrden tueŋ.”

²⁷Kaam wēn jiēm yen kēlā, ke tik jam röldīt kɔc yiic ku lɛk ye, “Tiŋ ē dhiēth yī ku muk yī amit guɔp apei.”

²⁸Go Jethu bēēr ku lueel, “Ee yic, ku kɔc mit gup alanden aa kɔc wēt Nhialic piŋ ku loikē.”

Jethu akuec bī kēnē jāŋ gōi looi

(Mt 12:38-42)

²⁹Tēwēn cī kɔc juēc kenhīim kut Jethu lööm, ke lueel, “Yeŋō be riēec akölē rēēc kēlā? Ee riēec ye wic bī kēnē jāŋ gōi tiŋ. Ku acin kē bī nyuɔth ke. Ee kēnē jāŋ gōi wäär cī rot looi tēnē Jona yen abīk tiŋ. ³⁰Cimēn wäär cī Jona raan kāk Nhialic tiŋ jāl a kit tēnē kɔc Ninibe, kēya Manh Raan abī jāl a kit tēnē kɔc akölē ēbēn. ³¹Tiŋ bēny wäär jiēl pan Athia abī rot jot aköl luŋdīt ku gēk riēec akölē, rin cī yen jāl tēmec apei bī wēl puɔth bēnyŋaknhom Tholomon la piŋ, ku ʔen jam kēn, ʔen adīt tēnē Tholomon. ³²Aköl luŋdīt kɔc gen Ninibe aabī we gōk rin cī kek kepuɔth waar, ku pälkē luɔi kārɛc wäär cī Jona ke lɛk. Ku alɛk we, ʔen jam kēnē, ʔen adīt tēnē Jona.

Kɔc cī gam aacīt awai ku mermer

(Mt 5:10; 6:22-28)

³³“Acin raan cī mermer kaŋ ʔāth ʔöt ku kum nyin. Aye tööu tēn ye yen ʔöt mer yic thīn, bī piny amer tēnē raan la ʔöt. ³⁴Puɔn path acīt nyin path. Raan path nyin ē daai apath, acīi thōŋ kek raan cī cɔɔr cie daai apath. ³⁵Kēya, luɔikē röt bāk puɔth la cök, ku duɔkkē puɔth cɔɔr.

11:23 Mk 9:40 11:29 Mt 16:4; Mk 8:12 11:30 Jona 3:4 11:31 1Bŋ 10:1-10; 2Lɛk 9:1-12
11:32 Jona 3:5 11:33 Mt 5:15; Mk 4:21; Lk 8:16

³⁶Na yin ayeer puṣu, ke yin acit raan kəc cɔɔr ɛ daai apath cimɛn dhie ye mac piny riaal.”

Jethu ɛ kɔc piöoc lööŋ ku Parathī lɛk lɔn nhiɛm kek

(Mt 23:1-36; Mk 12:38-40)

³⁷Nawɛn ci Jethu thök ɛ jam, ke cɔɔl raan tönj akut Parathī paande bik la mith, go la ku nyuuc ku mith ke kəc yecin ku yecök lɔk cimɛn ciɛɛŋ kɔc Itharel. ³⁸Kɛnɛ, aci raan akut Parathī wɛn la baai bɛn göi apei. ³⁹Go Jethu lueel tɛnɛ ye, “Wek kɔc akut Parathī, aa wegup ayeer kek yakɛ lɔk, ku piäthkun aaci thiäŋ käreɛ apei. ⁴⁰Kɔc cɪn kɛ njæckɛ! Kɛc Nhialic yen cak guṓp, puṣu alɔŋthɪn cak aya? ⁴¹Biökruɛɛl aye nyuɔɔth puṣn yer tɛ muɔɔc yin kɔc, ku acie miɔc ye yin biökruɛɛl nyuɔɔth ɛ path.

⁴²“Tɛ rɛɛc yen thɪn tɛnɛ we, kɔc akut Parathī. Wek aa Nhialic juɛr kälilik, käk cit tök ɛ thiäär yic kakkun yakɛ ke puur ɛ dum yiic, ku kuat wɛl kök ɛbɛn. Ku wɛt la cök ku nhiɛr Nhialic akuɔckɛ looi. Käkka aa dhielkɛ looi, ku luɔikɛ käkka aya.

⁴³“Tɛ rɛɛc yen thɪn tɛnɛ we, kɔc akut Parathī. Ayakɛ nhiaar bäk aa nyuc tuɛŋ thök kɔcdit nhiiim tɛn amat, ku ye we muɔɔth athɛɛk yɔn ɛ yɔɔc yiic. ⁴⁴Tɛ rɛɛc yen thɪn tɛnɛ we, wek aa thönj kek rɛŋ cɪn kɛ ye ke njic, ye kɔc cath kenhiiim ɛ path, ku käreɛ cik thiaan keyiic piiny aaciï njic.”

⁴⁵Nawɛn, ke raan tök kɔc piöoc ɛ lööŋ jɔt rot ku lueel tɛnɛ ye, “Bɛny, tɛ jiiɛm yin kɛlä, ke yin ɛ yɔ lat aya.”

⁴⁶Go Jethu bɛɛr, “Wek kɔc piöoc ɛ lööŋ, käreɛ aa tit we aya. Wek aa kɔc piöoc käril apei cie lɛu bi ke looi. Ku wek aacie kɔc kony aya ɛ luɔiden. ⁴⁷Tɛ rɛɛc yen thɪn tɛnɛ we. Awɛɛŋkui, wek aa rɛŋ path buth tɛnɛ kɔc käk Nhialic tiŋ, kɔc wäär nɛk wärkun dit. ⁴⁸Acäk gam lɔn kɛwäär ci wärkun dit looi apath, ku na we tɔ thɪn ŋuɔt wek ci näk aya. Rin aaci kɔc käk Nhialic tiŋ nök ku buɔthkɛ ränŋken. ⁴⁹Ku rin ɛ wɛt kɛnɛ yen aci Nhialic ye lɛk we ɛlä, ‘Wek aaba tuɔc kɔc kækkiɛ tiŋ ku atuuc. Ku wek aabi kɔc kök nök ku cuɔpkɛ kɔc kök wei.’ ⁵⁰Riɛɛc akölɛ abi tɛm awuɔc rin ci yen kɔc käk Nhialic tiŋ nök tɛwäär cek piny yɛɛt ɛmɛn, ⁵¹jɔk ɛ nääk Abel yet nääk Dhäkaria wäär näk luɔŋ Nhialic. Ku ben Jethu lɛk ke, riɛɛc akölɛ abi tɛm awuɔc rin ɛ kækka ɛbɛn!

⁵²“Tɛ rɛɛc yen thɪn tɛnɛ we, wek aa yic moony tɛnɛ kɔc ku acäk ye gam kek week ɛ röt. Ku wek aa kɔc kök wic yic bik gam gɛl!”

⁵³Nawɛn wic Jethu bi jäl, ke jiiɛm kɔc akut Parathī ku kɔc piöoc lööŋ guṓp apei, ku thiɛckɛ wɛl juɛc ku wickɛ bi ke dhiel dhuk nhiiim, ⁵⁴rin wic kek ye bik deep wɛt bik dɔm, tɛ le yen wɛt rɛɛc lueel.

Duk riöc luel yic*(Mt 10:26-27)*

12 Wën cī kākka röt looi, ke kɔc juëc apeidit aake cī kenhīim kut Jethu lööm abī ciën tē ye cök cak la piny. Tēwën ke Jethu kəŋ jam tēnē kɔcken ye buɔθh ku lək ke, “Tietkē röt, ku duökkē ye luui cimēn kɔc akut Parathī, kɔc ē kɔc ruēeny. ²Acin kē ye moony arək abī cīi tiēc. Tēdē ke lēu bī kēdāŋ thiaan abī cīi ŋic. ³Na cɔk a wēt luel waköu ka ŋot piŋ nhiäk aköl. Ku keriēec ēbēn cak ŋāai weyith yōöt alɔŋthin ke yōt cī thiōök thok aŋot ye kɔc kök piŋ.

⁴“Ku alək we wek mǎthkiē, duökkē riöc kɔc guäpkun nök ē path. Aa we nök ku na lä ka cīn kēdēt ben kē looi. ⁵Ee Nhialic yen adhil kɔc riöc, rin na cī nök ka la riel aya bī cuat pan mac. Alək we, ee Nhialic ē rot yen adhil kɔc riöc. ⁶Diet thii kor kadhiēc cīt amuör, cīi ke ye yɔɔc wēu lik? Ku acin tōk ē kamken cī Nhialic kaŋ muör nhom, ⁷agut nhimkun tō yīnhom aŋic Nhialic akuēnden. Duökkē riöc, wek aa awär amuör juēc.

⁸“Alək we, raan ye gam kɔc nhīim lɔn ye yen raan Manh Raan, aba gam aya lɔn ye yen raandiē atuuc Nhialic nhīim. ⁹Ku raan jei kɔc nhīim lɔn cīi yen ye raandiē, abī Manh Raan kuc aya atuuc Nhialic nhīim.”

¹⁰Ku ben Jethu lək ke, “Kuat raan wēt rac luel Manh Raan guöp abī päl piny tēnē ye, ku raan luel kērac Wēi Nhialic guöp, acīi bī kaŋ päl piny tēnē ye.

¹¹“Tē yēth yī tēn amat luk yic, bāny dīt ku bāny kor nhīim, duk diēr tē bī yīn rot kuony thin ku wēt ba luel, ¹²rin Wēi Nhialic abī cɔl aŋic kē ba luel.”

Raan ajak kuc kəŋ

¹³Go mony dēt rot jɔt kɔc yiic ku luel, “Bēny lək wāmāath bā yiək abākkiē kāk cī wā nyāŋ yō yiic.” ¹⁴Go Jethu bēēr, “Mǎthdiē, yeŋa cā kuany ba ya bēny, ba kəŋ tək we?” ¹⁵Ku lək kɔc awēn tō thin, “Tietkē röt, duökkē jiæk cɔl arum wepuθh. Acin raan rēer piērde yecin cɔk alɔn le yen kajuēc.”

¹⁶Ku lək ke kääŋ kēnē, “Thēr raan ajak ē tō thin, ku duɔmde ēci luok rap juēc apei. ¹⁷Go jal jam ku luel, ‘Yeŋö ba jal looi? Yen acin duël lääu yic bī yēn ke tōöu thin.’ ¹⁸Nawēn ke tek ku luel, ‘Kē ba looi akīn. Duël kēnē aba ŋaany, ku ben duældit apei looi bī yēn rap ku kāk kök baai tääu thin. ¹⁹Ku jal lək rot yatök. Mony mit guöp, yīn ala miith juēc apei bī run juēc nök, jɔl pīr apath, miēthē ku dēkkē, ku jɔl puöu miet?’

12:1 Mt 16:6; Mk 8:15 12:2 Mk 4:22; Lk 8:17 12:10 Mt 12:32; Mk 3:29
12:11-12 Mt 10:19-20; Mk 13:11; Lk 21:14-15

²⁰Go Nhialic lëk ye, ‘Raan kuc kəŋ! Ee wëër kënë, yin abī thou ku kajuëc ca tâu rot kē, bik lōk aa kāk ē ŋa?’”

²¹Ku wit Jethu wëtde ëlä, “Kënë, yen ë rot looi tënë kɔc kajuëc tōöu ë rienken, ku acin jieek Nhialic tō kepuöth.”

Raan adhil Nhialic ŋööth

(Mt 6:26-34)

²²Ku wël Jethu yenhom kɔcken ye buɔöth ku lueel, “Këya alëk we, bāk röt cīi cɔl anëk diëer kē bāk cam bāk pīr. Ku diëerkē aya kāk bāk ceŋ. ²³Wëi aŋuëën tënë miëth, ku guöp raan aŋuëën tënë alëth. ²⁴Daaike diet pār nhial, aacie pur rap ku temkē ke, ku tēëukē ke atuɔk yic, ku aa ŋot ke pīr rin ye Nhialic ke yiëk miëth. Ku wek aa ŋuëën apei tënë ke. ²⁵Yeŋa kamkun na diir ë wëike ke juak ruönke? ²⁶Na cāk kāk thiikā ye lëu, yeŋö ye wek diëer kāk kōk? ²⁷Tiëŋkē yōk cil tē dhëëŋ kek thīn, aacie luui ku aacie luui alëth. Ku alëk we na cɔk a bënyŋaknhom Tholomon cimënden wäär ë bäányde yic, ëcīi la alëth la kīt dhëŋ cimën yāŋ tōk ë yōkkē yiic. ²⁸Ku na ye Nhialic wël cil ë path cɔl adhëŋ këlā, wël tō thīn akölē ku na nhiäk nīn lik ke ril wei ku took ke mac, ke Nhialic cīi we bī kuëëc nhīim, wek aa kɔc la gam thin koor.

²⁹“Duökkē wenhīim ye yiëk kē bāk cam ku kē dekkē akölaköl. ³⁰Aa kɔc kuc wët Nhialic pinynhom ë tēn kek aa kepuöth yiëk kākka. Ku Nhialic Wuurdun aŋic lɔn wic wek kākka. ³¹Na ye këya, yakē ke wic kāk bäány Nhialic, ku aabi yiëk we aya.

Jieek cie rop atö pan Nhialic

(Mt 6:19-21)

³²“Duökkē riöc wek kɔc buöth ya rin Wuurdun amit puöu bī we yiëk ë bäányë. ³³Yaackē kākkuun ku gämke wëëu kɔc ŋöŋ. Kënë abī jaakduun juak yic pan Nhialic. Ku jieek pan Nhialic acie thök, ku acie riääk cimën jieek pinynhom, rin acin cuër tō thīn. Ku acīi aruɔp ye rac. ³⁴Ku piändu abī ya rëer akölaköl tē tōu jaakdu thīn.

Rëer yī cī rot guir

³⁵“Rëer yī cī rot guir akölaköl, ku rëer yī muk mermer rin kuat kē bī rot looi bī yōk waköu, ³⁶cimën alony lui baai tit bänyden cī la yan thiëek yic ke bī dhuk baai. Na bī ke go yöt guo ŋaany thok tënë ye. ³⁷Aloony mit gup aa loony ye bänyden yōk ke tit tē dhuk yen baai. Alëk we alanden, bëny abā alanhden luwi ruök, ku cɔl ke aa nyuc bik mīth ku luui tënë ke. ³⁸Tëdë, ke bëny abī dhuk baai wëer ciel yic, tädë ke dhuk

bëek ë piny. Ku aloony mit gup aa loony bi bëny yök ke tit. ³⁹Wek aa lëu kënë bæk deet yic ë röt. Na raan ye wëer alon bi cuär bën ñic, ka rëer ke yiën bi cuär kärke cii kual. ⁴⁰Ke week aya rëerkë we tit, rin wek aa kuc aköl bi Manh Raan bën.”

⁴¹Go Piter lueel, “Bëny, ye yok lëk ë kääñ kënë aye koc ëbën?” ⁴²Go Bëny dhuk nhom ku lueel, “Na ye këya, yeña alony path ku ñic kån apei? Yeen alony bi bëny nyääñ kärke yiic paande, bi kacke ya gäm miëth akölaköl. ⁴³Alony mit guöp alony bi bëny yök ke loi luide apath të dhuk yen. ⁴⁴Alëk we, abi alony kënë tääu kärke yiic ëbën. ⁴⁵Ku na ye alony ye tak lon cii bënyde bi lac dhuk. Ku ye rëer ke näk aloony kök, röör ku diäär. Ku ye cool ke mith ku dëk abi wiet. ⁴⁶Ke bënyde abi la luät yeguöp aköl cii ye tak lon yen aköl bi yen bën. Ku yeen abi bëny tëm awuöcdit ku met të rëer koc rec thin.

⁴⁷“Ku alon ñic kë wic bënyde bi looi, ku rëer ke cii rot guir bi kë wic bëny looi, ka bi tëm awuöcdit apei. ⁴⁸Ku alon kuc kë wic bënyde ku looi awuöc bi yen that thin, ka bi ya awuöc koor. Kājuéc aa wic tënë raan ci gäm kājuéc, ku raan ci gäm kājuéc apei awic kājuéc apei tënë ye. ⁴⁹Yen aci bën ba piny bën cuöny. Ku anhiaar diët ci dëp theer. ⁵⁰Yen atiit këracc apei, yen abi gum ku rem ya apei yet aköl bi kënë thök. ⁵¹Yakë tak lon ci yen bën ba döör bën looi pinynhom? Alëk we acie ye. Ee lon bi koc keyiic tek. ⁵²Many la yic koc kadiëc abi yeyic tek. Koc kadiäk aabä nhiaar ku man rou ya. Tëdë, koc karou aabä nhiaar ku man koc kadiäk ya. ⁵³Mith röör kek wärken aabi kenhiim tuööm ë rienkië. Ku yen ë lon nyiir kek märken. Ku man athiëek kek tiñ wënde aabi röt maan aya.”

⁵⁴Ku ben Jethu lëk thän awën tö thin, “Na tiënkë luät nhial, ka guökë lueel lon deñ abi tueny, ku tueny ayic. ⁵⁵Ku na döm bi la dil, ku ruel aköl apei, ka luelkë lon bi piny tuöc, ku tuc ayic. ⁵⁶Yeña wiëckë bæk ruëeny! Awëenjku? Wek aa kë bi rot looi ñic të tiñ wek kakkä nhial. Ku cäk kë loi rot ëmën ñic ayic?

⁵⁷“Yeñö cii wek yic bæk looi ye ñic? ⁵⁸Cimën na yëth raan yi luk yic, ke yi löc wët waar yic, ku döörkë ke këc yi guo yäth luk yic. Na cii löc looi këlä, ka yëth yi luk yic tënë bëny, ku bëny abi la thön apuruuk, ku mac yi. ⁵⁹Alëk yi, yin aci bi kañ lony, yet të bi yin këthiin këny tënë yi kañ cool.”

Na cii luoi käreec päl ke yin aci pür

13 Nawën ke koc bö tënë Jethu, ku lëkkë ye lon ci bënydit Pilato koc Galilia col anak, koc ke ci käk juërkë Nhialic la nöc luon Nhialic Jeruthalem. ²Go Jethu bëer. “Yakë tak lon koc Galilia ci nöc

ëmën aa käreç apei wër kek kəc Galilia kők looi? ³Acie yic! Ku cäk ñic lön wek aabi thou aya cımenden, tē cii wek käreç yakē looi päl, ku wëlkē wepuõth Nhialic? ⁴Ku na kəc wäär kathiäär ku bët wik yön bäär apei kenhiiim Thiloam bik thou ebën, ye kek kəc käreç looi Jeruthalem kepeç? ⁵Aacie ke! Ku alək we, na cäk luçi käreç päl, ke wek aabi thou ebën cımenden.”

Kääñ tim cie luçk

⁶Go Jethu ke lək kääñ kënë, “Monytui eci tim luçk com duçmde. Nawën thöõñ tē cı yen luçk, ke bö bi bën bet. Go ciën miñh yök yenhom. ⁷Go puõu riääk apei, ku lək raan lui dom yic bi yep wei, ku lək ye, ‘Aca tiit run kadiäk ku acin manh tön ca yök yenhom. Yeñö pël ye bi dom rooc ë path ke cie luçk?’ ⁸Go raan ë luçi bëër, ‘Bëny, päl ë ruõõn tön kënë ë path, aba guiir ku tääu dhiääp yecök. ⁹Na lok ruõõntui ka path, ku na cii lok, ka jöl cöl ayep.’”

Jethu aci tiñ tuany kony aköl cii kəc ye luui

¹⁰Tëwën aköl cii kəc ye luui ke Jethu piõõc tën amat kəc Itharel, ¹¹ke tik ë tō thiin ke la guõp jñrac cı ye dhoñ kōu, bi yekōu cii ye jət ruõõn thiäär ku bët. ¹²Nawën tiñ Jethu ke cöl ku lək ye, “Tik, yin aci kony.” ¹³Ku tēüu yecin yekōu. Ku kaam thiin awën ke la kōu cök. Go Nhialic leec.

¹⁴Ku raandit tën amat eci puõu dak apei rin cı Jethu ye kony aköl cii kəc ye luui. Ku lək kəc awën tō thiin, “Yok aa la nin kadätem ye kəc luui. Ke raan alëu bi bën akäl tøk kam ë ninkä yiic bi bën kony, ku acie aköl cii kəc ye luui.”

¹⁵Go Bëny bëër ke tçon guõp, “Aa wek kəc la gup ruëeny! Le raan tøk ë kamkun cie yäkke ye lony aköl cii kəc ye luui bi ke la wiëc wal ku piu? ¹⁶Ku tiñ kënë, nyan many Abaram cı bëny jak dhoñ kōu, bi ya rëër ke duçl ë runkä kathiäär ku bët, cii path bi kony aköl cii kəc ye luui bi la cök?” ¹⁷Tëwën lueel yen ye kälä, ke kəc awën man ye yär gup, ku mit thän diit awën tō thiin puõth käk kəc göi cı Jethu looi.

Kääñ käu koor nyin ye tiemde diit apei

(Mt 13:31-32; Mk 4:30-32)

¹⁸Ku la Jethu tueñ ke jam ku lueel, “Bääny Nhialic cüt ñö? Yeñö ba thöõñ ke ye? ¹⁹Aba thöñ manh tim koor nyin cı raan com duçmde. Go diit abi ya tim diitet ye diet yõõtken yik kërke kōth.”

²⁰Ku ben lueel, “Yeñö ba ben thöñ bääny Nhialic? ²¹Acit lon cı tik puçr ayumdit tet yic, na lä ke piäär ebën.”

Kuany dhël la pan Nhialic yic

(Mt 7:13-14, 21-23)

²²Ku bër Jethu ke kuany gæeth ku bëëi yiic ke la Jeruthalem. ²³Go raan tök thiëc, “Bëny! Le kɔc lik bi poth bik la pan Nhialic?”

Go Jethu bëër, ²⁴“Thamkë bāk bak dhël ye kɔc gum thīn yic, rin alëk we lɔn wīc kɔc juëc ye bik la alɔŋthīn, ku acik bi lëu. ²⁵Të jɔt wun baai rot ku riit yöt thok, wek aabi kōöc ayeer ku jälkë yöt tɔɔŋ thok ku luelkë, ‘Bëny, ŋany yöt thok tənë yo,’ ku abi bëër tənë we, ‘Akuöc tē bīi wek thīn.’ ²⁶Ku abāk lëk ye, ‘Yok aaci mīth ku dëkku kek yi, ku yīn aci piöoc ë gæethkua yiic!’ ²⁷Ku abi dhuk nhom ku lueel, ‘Alëk we bāk piŋ, wek aaci bö yöt rin wek aacä ŋic. Jälkë, kɔc luui ë kärecl’ ²⁸Ku tē cī yī cuɔp wei, ke yīn ariääk puöu ku dhiau aba yīthok a kac tē tiŋ yīn Abaram, ku Ithäk ku Jakop ku kɔc kāk Nhialic tiŋ, ke rëër bääny Nhialic yic pan Nhialic, ku gël yī wei thīn! ²⁹Ku kɔc aabi bën pinynhom ëbën ku camkë yan bääny Nhialic. ³⁰Ku kɔc tō ciëen ëmën aabi tō tueŋ. Ku kɔc tō tueŋ aabi dhuk ciëen.”

Jethu ku Antipäth Yërot

(Mt 23:37-39)

³¹Tëën, ke kɔc akut Parathī bö tənë Jethu ku lëkkë ye, “Jäl ë tən rin bëny Antipäth Yërot awic bi yi nök.”

³²Go Jethu lueel, “Lak ku lëkkë raan la guöp awandit lɔn yēn abi la tueŋ akölë ayī nhiäk ya cop jakrɛc wei kɔc gup, ku luoi kāk jāŋ göi ye yēn kɔc kony. Ku na ye nīn diäk ke yēn abi luoidië thöl pinynhom. ³³Ku akölë ku nhiäk ku aköl dëëtë, yēn ala tueŋ ya lui rin aci path bi raan kāk Nhialic tiŋ nök tädët cie Jeruthalem.

³⁴“Kɔc Jeruthalem! Kɔc Jeruthalem! Kɔc ë kɔc kāk Nhialic tiŋ nök, ku biöökkë kɔc cī tuöc we aleel. Ye arakdë cī yēn ye wīc ba we kuööt yiic, ku kuony we cimën adhie ye ajith miëthke kuöm piny yewuök, ku wek aaci kuc.

³⁵Nhialic abi we nyāŋ pandun. Ku athōn we bāk ŋic, wek aaci ya bi bën tiŋ yet aköl bi wek röt guiir, ku luorkë ya yai ke yakë lueel, ‘Lecku raan bö rin Bänyda.’”

Jethu aci raan tuany kony

14 Nawën ke Jethu la pan raan akut Parathī aköl cīi kɔc ye luui bi la mīth. Ku kɔc ke tō thīn aake döt Jethu apei.

²Go raan cī but yööm ku kök ëbën bën tənë ye. ³Go Jethu jam ku thiëc kɔc piöoc ë lööŋ ku kɔc akut Parathī, “Cī löŋ pëen bi raan tuany

kony aköl cii kɔc ye luui tädë ke kony?” ⁴Gokë cii bëër. Go Jethu mony awën cɔl ku kony ku cɔl ajiël. ⁵Ku jɔl lëk ke, “Yenja kamkun ë tën, na ci manhde, ayi wenje lööny yiith aköl cii kɔc ye luui, ke pël yiith ku cii bii bei nyin yic?” ⁶Ku wët kënë aci ke nyöŋ nhiim kë bëër kek ye.

⁷Wën ci yen ye tiŋ aya ke jööl awën ci cɔl aaye ŋek tēden nyuuc yen thīn lɔc, ke luel kääŋ kënë, ⁸“Të ci yi cɔl yai yic, duk la ku nyuc tēn kɔcdit, tädë ke raan ben dit tēnë yi aci cɔl aya. ⁹Na bii, ke raan awën cɔl we wedhie abi yök ba rot jɔt ba thöoc päl ye. Ku yin abi jäl dhuk thöc tō ciēn yiic ke yi ci guöp yär. ¹⁰Të ci yi cɔl, ke yi la ku nyuc thöc tō ciēn yiic rin na la raan la baai bēn, ka bō tēnë yi ku luel, ‘Jɔt rot, bäär tueŋ tēn mähdië.’ Kënë abi cɔl athiek yic jööl nhiim ëbën. ¹¹Këya, kuat raan dit puöu rot yäth tueŋ ë rot abi Nhialic dhuök ciēn, ku raan lir puöu ë rot dhuök ciēn abi Nhialic yäth tueŋ.”

¹²Ku luel Jethu tēnë mony awën ci ye gɔɔŋ, “Na loi miēth bi yin kɔc gɔɔŋ, ke duk ke cɔl mähku ku paan moor, ku kɔc ruääi kek yi ku kɔc ajiëk thiëk bäaikun, rin aabi ben cɔl. Ku na looi rot këya, ke këwäär ca luöi ke yen acolke tēnë yi. ¹³Na loi miēth cɔl yin kɔc, ke cɔl ke kɔc ŋöŋ, ku kɔc ci duany, ku kɔc ci ŋɔl ku cöör, ¹⁴rin na la kɔc röt jɔt thou yic aköldä, ke yin abi Nhialic cuööt rin wäär ci yin ke cɔl kɔc cii ye lëu bik miēthku cool.”

Jethu aci bäany Nhialic thöŋ yan thiëk

(Mt 22:1-10)

¹⁵Go mony dēt mith kek kɔc luel tēnë Jethu wën piŋ yen kënë, “Kɔc mit gup aa kɔc bi cɔl yai yic, bäany Nhialic yic.”

¹⁶Go Jethu lëk ye, “Monytui ëci yandit apei looi ku cɔl kɔc juëc. ¹⁷Nawën ci miith yai guir, ke toc aluonyde bi kɔc wic ke yai yic la cɔl, ‘Bäk, këriëc ëbën aci thök ë guier.’ ¹⁸Gokë wël juëc luel kedhie bi kek kenhiiim kɔl. Ku luel raan wën ci alony kaŋ yök ëlä, ‘Yen aci piny yɔcɔc, ku yen adhil la ba la tiŋ. Löör ku lëk bëny lɔn acin kë maan yen cii yen la yai yic.’ ¹⁹Ku luel raandët, ‘Yen aci miöör kathiäär ye kɔc pur yɔcɔc, yen ala ba ke la them, löör lëk bëny lɔn acin kë maan tēnë ye.’ ²⁰Ku luel raan ye kɔc diäk, ‘Yen aci piac döm nya, acä lëu ba la yai yic.’

²¹“Go alony dhuk baai ku le wëlkä lëk banyde. Go banyde puöu riääk ku lëk aluonyde, ‘Löör dhöl yiic ku kam bëëi geeu, ku cɔl kɔc lim dhöl yiic ku kɔc ci duany, ku kɔc ci ŋɔl ku cöör bik bēn.’ ²²Go alony luel, ‘Bëny, kë ca lëk ya aca looi ku piny aŋot lääu.’ ²³Go bëny ben lëk aluonyde, ‘Löör kuany baai yic ku dhöl yiic geeu, ku lëk kɔc ëbën bik dhiel bēn bi paandië thiäŋ. ²⁴Alëk yi, kɔc wäär ca kaŋ cɔl acin miēth yai bik ben yök paandië!’”

Kë dhil raan looi bï ya raan buoth Jethu*(Mt 10:37-38)*

25 Kɔc juëc aake cath kek Jethu. Nawën ke wël yenhom kɔc ku lueel, 26 “Na ye raan bö tënë ya, ku cïi wun ku man ku tienje ku miëthke, ku wämäthakën ku nyiërakën, ku wëike man, ka cie raan buoth ya. 27 Ku raan cie gum ku buoath ya, acïi lëu bï ya raan buoth ya. 28 Na wïc raan bï yöndit bäär apei buth, yejö bï kañ looi? Nadë ke cïi wëëu muk bï kañ kuëën nyin bï njic lɔn le yen wëëu juëc bï yen yöt buth bï thöl? 29 Na jɔk cök ku le ciën wëëu juëc bï yen ye thöl, ka bï kɔc yöt tinj ke këc thök aa bui, ku yekë lueel, 30 ‘Mony këné aci yöt jɔk bï buth ku akëc thääp.’

31 “Na jɔt bënyaknhom tɔñ ke la apuruk tim thiäär bï la thör kek bënyaknhom dët la apuruk tim thiär-rou, ke cïi bï kañ tak lɔn bï yen tɔñ lëu kek ë bëny këné? 32 Na yök ke cïi tɔñ bï lëu, ka toc kɔc ke bënyaknhom tui njot mec kek apuruöökke bik döör looi.” 33 Këlä aya, acin raan kamkun lëu ye bï ya raan buoth ya agut të bï yen kärke kañ puöl.

34 “Awai, apath. Ku na thöök köu alëi ke ben dhuök thïn këdë? 35 Awan cït këné acie ben piath. Aye puök wei. Piënkë të le wek yith.”

Kääñ amël cï mää*(Mt 18:12-14)*

15 1-2 Kɔc ajuër kut ku kɔc käreç looi aake cï bën tënë Jethu bik piöcde bën piñ. Ku këné, ee këc kɔc akut Parathï ku kɔc piöc lööñ nhiaar, rin ye Jethu kɔc rec meen jänj lor, ku mïth ke ke aya. 3 Goke lëk kääñ këné.

4 “Na la raan tök kamkun amäal buoat, ku mär amäl tök, ke cïi thiärdhoñuan ku dhoñuan nyiëñ piny roor, ku le amäl tɔñ cï mää kañ wïc yet të bï yen ye yök? 5 Ku na yök ka mit puöu apei ku jɔt yekët. 6 Ku na le yet baai ka cɔl mäthke ku kɔcken akeu nhom ku lëk ke, ‘Yen aci puöu miet rin cï yen amäldiën wäär cï mää yök. Loiku yai.’ 7 Këlä aya, miet puöu dït abï tɔ pan Nhialic, rin raan tɔñ këräc looi cï yepuöu dhuök ciëën rin adumuöömke. Ku miet puöu kɔc tɔ pan Nhialic, rin ë raan tɔñ, acïi bï thöñ kek miet puöu rin kɔc path kathiärdhoñuan ku dhoñuan cïn awuöc cïk looi, bï kek kepuöth dhuök ciëën.”

8 “Tëdë, tik ala wëëth thiäär milänj yer, ku mär wënh tök. Yejö bï looi? Abï mac dëep ku wïc apei arëk bï yöt a weec yic agut të bï yen ye yök. 9 Të cï yen ye yök ka cɔl mäthke ku kɔc akeu ëbën ku lëk ke, ‘Yen amit puöu apei, wëëukiën wäär cï mää aaca yök. Loiku yai.’ 10 Këlä aya, atuuc Nhialic aa puöth miet rin raan tɔñ käreç looi cï yepuöu waar ku dhuk Nhialic.”

Kääŋ manh cī mäǟr

¹¹Ku la Jethu tueŋ ku lueel, “Monytui ë tō thīn ku ë la wāt karou. ¹²Go wën koor lëk wun, ‘Gäm ya kāk ba tēk ya aköldä?’ Go wun kãŋ tek tēnë ke. ¹³Nawën nin lik cök ke wën koor ɣɔc kākke ëbën, ku jiël bī la wun dēt, wun cī yen wëëuke bën la thöl thīn dēŋ ë mäau ku wīcwīc adējök. ¹⁴Wën cī yen wëü thöl ke cɔŋdīt apei loi rot ye pan awën, ku jəl rëer ke nēk cök apei. ¹⁵Nawën le kākke dhal ke luɛek rot pan raan tōk ë kɔc pan awën. Go raan la baai cəl aye dir baai biöök. Ku gēm ke kē camkë. ¹⁶Ku ë ye wīc diēt cök yeyäc thiöŋ kē ye dir cam, ku acin raan cīi ye gäm ye. ¹⁷Nawën jəl kërɛɛc cī looi tak yic yepuü ke lueel, ‘Ye kɔc luoi kadë tō tēnë wä ë kueth abī miëth döŋ piny, ku yen akīn duër thou ë tēn rin cök! ¹⁸Yen abī dhuk tēnë wä ku lëk ye, wä yen acā awuöc looi tēnë Nhialic ku tēnë yī. ¹⁹Yen acīi ben a cöl yī, loi ya ke ya cīt alony ye riop.’ ²⁰Ku jəl jäl pan awën ku dhuk tēnë wun.

“Tëwën ŋoot yen tēmec ke baai, ke tīŋ wun ke bö. Go puü la yum ku riŋ tēnë ye ku pëet yic ku cim gēm. ²¹Go wëndë lueel, ‘Wä yen acī kërɛɛc looi tēnë Nhialic ku tēnë yī. Yen acīi ben piath nadë ke ya cöl ë yī.’



Ku ëye wīc diēt cök yeyäc thiöŋ kē ye dir cam (15:16)

²²Go wun aluɔnyke cɔl ku lueel, ‘Riɛŋkɛ! Bɛ̃ɛikɛ alanh path ku tääukɛ yekɔu. Ku cuɔthkɛ cin joth milāŋ tɔc ku tääukɛ war yecɔk. ²³Ku bɛ̃ɛikɛ muɔr thiin cuai apei ku näkkɛ bi yok yai looi, ²⁴rin manhdiɛn kɛnɛ ɛ cɪt mähñ cɪ thou ku aci bɛn pɪr. Yeen ɛci mää̃r ku aci yök.’ Ku jɔlkɛ yai cam.

²⁵“Tɛwɛn looi kääkã röt, wɛndit ɛci la luui dom yic. Nawɛn dhuk ku jɔl bi baai dööt, ke piŋ löör yic ku diɛr. ²⁶Go aluɔny tøk cɔl ku thiɛc kɛ diɛr kɔc baai. ²⁷Go alony awɛn lɛk ye, ‘Wämuuth aci bɛn, ku wuur aci muɔr wäär cuk muk apei bi cuai nök bi yai looi rin cɪ yen dhuk ke puɔl guɔp.’

²⁸“Go wɛndit puɔu riääk apei ku kueec bi cɪi la baai. Go wun bɛn tɛnɛ ye ku lɛŋ bi la baai. ²⁹Go lɛk wun, ‘Yɛn aci luui apei ɛ runkã ɛbɛn tɛnɛ yɪ, ku acin töŋ ca lɛk ya ba looi cɪ yɛn kaŋ kuec ba cɪi loi. Ku ɛ runkã ɛbɛn acin mɛn manh ɛ thök ca kaŋ yiɛk ya bi yɛn luui yai yok mäthkiɛ. ³⁰Ku wɛn dhuk wɛndu ke cɪ wɛ̃ɛuku la muɔr adɛjök kɔth, ke yɪ loi yai ku näk muɔr töŋ yen cuai apei yäkkua yiic.’ ³¹Go wun bɛ̃ɛr, ‘Manhdiɛ, yɪn arɛ̃ɛr kek ya akölaköl, ku käk muök ɛbɛn aa kääku. ³²Ku ɛ yic buk yai looi rin wämuuth ɛ cɪt manh cɪ thou, ku ɛmɛn aci pɪir, ee cɪ mää̃r ku ɛmɛn aci yök.’”

Kääŋ raan luɔi kony rot ruɛ̃ny

16 Ku ben Jethu lueel tɛnɛ kɔcken ye buɔth ɛlä, “Wäthɛɛr raan ajak ɛ tɔ thɪn, ku yeen ɛ la raan kääkɛ guiir baai, ku raan kɛnɛ ɛci luɔm tɛnɛ ye rin cɪ yen wɛ̃ɛuke muɔr. ²Go cɔl ku lueel, ‘Yɛjɔ kɛ ya piŋ keye lueel ɛ rienku? Nyoth wɛ̃ɛu ca dɔm ku wɛ̃ɛu cɪ mää̃r thook ɛbɛn, rin yɪn acɪi bi ben ɲot yɪ lui tɛnɛ ya.’ ³Go mony wɛn lueel yepuɔu ɛlä, ‘Ba ɲɔ looi tɛ cop bɛny ya luɔidiɛ yic? Yɛn akuc puɔr ɛ dom ku yɛn abɪ guɔp yär tɛ ye yɛn lim. ⁴ɛmɛn, kɛ ba looi aca jäl ɲic, kɛ bi yɛn cɔl ala kɔc juɛc määth ke ya, bik ya aa lor bää̃iken tɛ cop ya wei luɔidiɛ yic.’

⁵“Go kɔc la gup kány bányde cɔl ku lueel tɛnɛ raan cɪ kaŋ bɛn, ‘Käk bɛny kɔny tɛnɛ yɪ yekɛ dɛ?’ ⁶Go lueel, ‘Yɛn akɔny tɔnydit miök bian tøk.’ Go raan kãŋ guiir baai lɛk ye, ‘Kɛnɛ aci ya akuɛndu, nyuc ku gät thiärdhiɛc.’ ⁷Ku thiɛc raan dɛt, ‘Na yɪin, kɛny tɔ yiguɔp ye dɛ?’ Go lueel, ‘Ee gány rap tiem tøk.’ Go lɛk raan wɛn, ‘Gät buɔt kabɛt.’

⁸“Go wun baai raanden la guɔp awan leec wɛn cɪ yen rot kony. Rin tɛ ye riɛc akölɛ kääkɛn luɔci thɪn kamken aŋuɛ̃ɛn tɛnɛ mɪth bääny Nhialic.” ⁹Go Jethu la tuɛŋ ku jicɛm, “Kɛya alɛk we, luɔikɛ jicɛk pinynhom bi wek ke la mɛth, rin na la jaakdun thök ke wek aabi lor pɪr akölrɛ̃ɛc ɛbɛn yic. ¹⁰Raan ɲic kälík muk apath ɛ kajuɛc ɲicɛ muk aya,

ku raan kuc kälük muk, acie käjuëc ë ñiec muk. ¹¹Na yïn acie käk ciëñ pinyñhom ë tën ñiec muk, ke yï bï deet puöu kädë bï yï gäm jïëk tō pan Nhialic? ¹²Na yïn acie ñjōth puöu lön bï yïn kën raandä ñiec muk, ke yeña bï gäm kë cök a këdu?

¹³“Acïn alony lëu ye bï luui tënë bāny karou, ka man raan tueñ ku nhieer raan ye kōc rou. Tëdë ka thek raan tueñ ku dhël raan dët guöp. Acïi raan lëu bï Nhialic ku jïëk nhïar kedhie.”

¹⁴Go kōc akut Parathï, kōc nhïar wëëu, käckä piñ ëbën ku dōlkë Jethu guöp. ¹⁵Go Jethu lëk ke, “Wek aa röt nyuöñth kōc nhïim ciët wek kōc path ku Nhialic añic kë tō wepuöth. Rin käk ye kōc juëc yiëk kepuöth apeï ciët kek ril, aaye Nhialic tiñ ke kor.

¹⁶“Wätheer agut tēwäär tul Joon, kōc aake ye löñ Mothith ku wël cï kōc käk Nhialic tiñ göt, theek. Ku ëmën, Wët Puöth Yam rin bääny Nhialic alëk kōc, ku awic kuat raan ëbën bï rot riëny thïn. ¹⁷Ee këya, apuəl yic bï käk tō nhial ku pinyñhom riääk, tën tē bï wët thïn koor tō Löñ yic cuat wei.

¹⁸“Raan liöi tieñde ku thieek tiñ dët, ka cä akör looi. Ku mony thiak tiñ cï muönyde liöï, ka cï akör looi aya.”

Raan cï jak kok miëth ku Ladhäro

¹⁹Go Jethu kääñ bën thjōth ku lueel, “Raan tök ë tō thïn ku ëcï jak apeï, ku ë ceñ alëth dhëñ ku ë ye yai looi paande akōlaköl. ²⁰Ku raan laañ cöl Ladhäro la guöp tëtöök juëc apeï ë tō thïn aya. Ku ë ye nyuc yön raan ajak thok, ²¹bï lim awuthueei ë lööny piny. Ku jök aake ye bën aya ku nyankë tëtöök yiic.

²²“Nawën ke laañ kënë thou, go atuuc Nhialic wëike tääu Abaram ycu nhial pan kōc path cï thou. Nawën ke mony ajak lök thou aya ku thiäk, ²³ku tēëu wëike pan mac, ku rem thïn apeï. Nawën ñjëer yenyin nhial ke tiñ Abaram tēmec, ku Ladhäro ke tō yeycu. ²⁴Go dhïau ku lueel, ‘Wä Abaram liec ya, ku toc Ladhäro bï ciëñ tök luöt thok piü yiic, ku gōñt yalïep bï liemdië lier, rin yen arem apeï ë tën!’

²⁵“Go Abaram bëër, ‘Manhdië, tak lön cï yïn käpath yök wäär piïr yïn ku yök Ladhäro kärec. Ku yeen awac puöu ëmën ku yïn arem apeï. ²⁶Ku dët aya, tēthuth mec yic apeï atō kamkua bï ciën raandan la löñtui, ku cïn raandun bö tënë ya ë tën.’ ²⁷Go mony ajak wën lueel, ‘Wä Abaram yïn aläj ba Ladhäro tuöc panda, ²⁸tënë mith wä kadhiëc bï ke la wëët bïk cïi bö ë tën bï ke reem aya.’

²⁹“Go Abaram lëk ye, ‘Mothith ku kōc käk Nhialic tiñ aa tō thïn, cöl ke aa piñ wëlken.’ ³⁰Go mony ajak ben lueel, ‘Kënë acïi ye lëu, Wä

Abaram! Ku na jət raan rot kɔc cī thou yiic ku le tənē ke, ka pāl kərəc yekē ke looi.’ ³¹Go Abaram lueel, ‘Na cīk wəl Mothith ku wəl kɔc kāk Nhialic tiŋ piŋ, ka cīi wēt raan cī thou ku ben pīr piŋ aya.’”

Ba raandēt thöc kərəc yic

(Mt 18:6-7, 21-22; Mk 9:42)

17 Naɣon akäl tək ke lueel Jethu tənē kɔcken ye buɔɔth, “Kāk kɔc cɔl aloi adumuɔɔm aa röt dhiel looi akölaköl. Ku raan kākka cɔl aloi röt abi kərəc apei yök. ²Ee ŋuëñ tənē ye diët cī ruök yeth aleldit tet, ku pīk wīir bī mou, bī kɔc thiikā cīi cɔl aloi adumuɔɔm. ³Tietkē röt!

“Na loi menhkui adumuɔɔm, ke nyieny, ku na dhuk yepuɔu ciëen kərəc cī looi, ke yī pəl wēt piny tənē ye. ⁴Ku na looi kərəc tənē yī arak dhorou akäl tək, ku biī tənē yī arak dhorou aya, ku thiëc yī ba wēt pāl piny, ke yī pəl wēt piny tənē ye.”

⁵Naɣon aköl dēt ke lueel atuuc tənē Bëny Jethu, “Yok aa wic gamdīt, lək ɣo tē bī ɣok ye yök thīn.” ⁶Go Bëny bëër, “Na gamdun cɔk kuur bī ciët manh ŋaap, ka lëukē bāk tim diīt tui yöök ëlä, ‘Nyuën rot bei piiny agut mei, ku lɔr pith rot wīir!’ Ke wëtdun aloi rot.

⁷“Na thöönku lɔn raan tək kamkun ala alony cī la pur, tädē ke cī la biöök amël. Na le dhuk dom yic, ye lək ye, ‘Lɔc bën ba bën mīth?’ ⁸Acīi bī lək ye këya! Tädē aba lueel tənē ye, ‘Guir miëth tənē ɣa, ku tit ba kaŋ mīth ku dək, na lä ciëen ke yīn abi jäl mīth ku dək.’ ⁹Ku aloony aa cie leec tē looi kek luɔiden. ¹⁰Athöŋ kek we aya, na luɔikē kē ca lək we bāk looi, ka luëlkē, ‘Yok aa loony ë path, ee luɔida yen acuk looi ku acin dēt.’”

Atuet thiäär aci kony

¹¹Nawën la Jethu Jeruthalem, ke tək kam Thamaria ku Galilia. ¹²Nawën yeet gen thiin tō dhël yic ke räm kek atuet thiäär. Gokē kööc tēmec, ¹³ku luëlkē, “Jethu Bëny, liec ɣo.” ¹⁴Nawën tiŋ ke ke lueel, “Lak ku nyuöthkē röt kɔc kāk Nhialic.”^d

Tëwën ŋoot kek dhël yic, ke tuet jiël kegup. ¹⁵Go raan tək dhuk tənē Jethu wën cī yen ye tiŋ ke tuet cī jäl yeguöp, ku leec Nhialic apei röldīt, ¹⁶ku cuet rot piny Jethu nhom ku leec. Ku mony kënë ë raan Thamaria. ¹⁷Kënë aci Jethu cɔl athiëc ku lueel, “Cie raan thiäär yen cī kony bī tuet jäl kegup? Kɔc kök kadhoŋuan aako? ¹⁸Yenjö yen raan wun dēt yen dhuk bī Nhialic bën leec?” ¹⁹Ku lək ye, “Jət rot ku jäl. Gamdu aci pīr.”

17:3 Mt 18:5 ^d17:14 Rin bī kɔc kāk Nhialic ke tiŋ lɔn cī kek pial bīk aa rëer ke kɔc. (Leb 14:1-32)

Bääny Nhialic*(Mt 24:23-38, 37-41)*

²⁰Nayɔn akäl tök ke kɔc akut Parathī thiēc Jethu, “Bī bääny Nhialic yecök jɔc nɛn?” Go Jethu bëër ku lueel, “Bääny Nhialic acie kënë na bīi ke tiŋ kɔc nyin? ²¹Ku acin raan lëu ye bī lueel, ‘Daai tɛn, yen akın, tɛdɛ ke lueel, yen akan.’ Rin bääny Nhialic atō wɛpuŋth.”

²²Ku lueel Jethu tɛnɛ kɔcken ye buɔth, “Tɛ bī wek ɣa, ɣɛn Manh Raan nhiaar diēt ɣa cɔk rëer ke we akäl tök abö. Ku ɣɛn aciī bī rëer tɛn. ²³Abi kɔc kök lëk we lɔn cī ɣɛn dhuk ɣɛn atō tɛn, ke duɔkkɛ gam, ku duɔkkɛ ɣa cɔk wic. ²⁴Rin tɛ dhuk Manh Raan, ka guɔ kɛ ŋic. Abäk tiŋ cimɛn bir deŋ dhie yen nhial reet yic, ku tiŋ lɔŋ ku lɔŋɛ. ²⁵Ku ɣɛn abi kaŋ gum apei, ku riëc akölɛ aciī wɛtdiɛ bī gam. ²⁶Tɛ le Manh Raan bɛn, ke kɛ bī rot looi abi ciët kɛwäär loi rot wäär pīir Noa. ²⁷Ee ninkä kɔc aake rëer ke mit puŋth, keye mīth ku dëkkɛ ku loikɛ ruɛi ɣɛt aköl le Noa riäi yic, ku bō aboor ku moukɛ ëbɛn. ²⁸Ku bɛndiɛ abi thõŋ aya kek kɛwäär loi rot wäär pīir mony cɔl Lot. Ee ninkä kɔc aake ye mīth ku dëkkɛ, ku ɣɔckɛ kãŋ ku ɣɔckɛ ke wei, ku purkɛ ku loikɛ ɣööt. ²⁹Ku aköl wɛn jiël Lot Thodom, ke Nhialic cɔl deŋ atuɛny ë mac ku nɛk kɔc ëbɛn, ³⁰yen abi ciët aköl bī Manh Raan dhuk.

³¹“Tɛ le akölɛ bɛn, ke raan rëer ayeer aciī ben la ɣöt bī la guik kɛ muk. Ku raan tō dom yic aci dhuk baai aya. ³²Takkɛ kɛwäär cī rot looi tɛnɛ tiŋ Lot.^e ³³Raan wic ye bī wëike kony aabi muɔr, ku na ye raan mär wëike ë rienkiɛ ka bī wëike muk akölrïëc ëbɛn. ³⁴Wakõu ë ninkä kɔc karou aabi tō ɣööt ke nin. Raan tök kamken abi lɔc ku nyɛi ku dõŋ raan tök. ³⁵Kɛlä aya, diäär karou aabi luui ë tök luɔiden baai, tiɛŋ tök abi ɣãth nhial ku nyiëŋ tiɛŋ tök piny. ³⁶Ku abi rot looi kɛlä aya tɛnɛ kɔc lui dom yic. Raan dɛt abi ɣãth nhial ku nyiëŋ raan dɛt piny.”

³⁷Go kɔcken ye buɔth thiëc, “Bëny, bī ke ɣãth tɛnɛn?” Go Jethu bëër, “Tɛ rëer guɔp kɛ cī thou thīn, aye cor yɛnhom mat thīn.”

Lëer ku bëny luök

18 Nayɔn aköl dɛt ke Jethu lëk kɔcken ye buɔth kãŋ bī ke piöc bīk dhiel aa röök akölaköl ku cik dhör. ²Ku lueel, “Wãthɛr bëny luök ë tō thīn gen tök. Ku ëcie riöc Nhialic ku ë dhäl kɔc gup ëbɛn. ³Ku tiŋ lëer ë tō ë gen kënë aya. Ku ë ye lac bɛn tɛnɛ bëny, ku lɛŋ bī luök yic tɛnɛ mony luk kek. ⁴⁻⁵Go bëny wɛtde ciī kuëc nhom. Nawɛn le tak ke lueel, ‘Na cɔk alɔn ciī ɣɛn ye riöc ë Nhialic, ku cã kɔc thek, ke rin ë tiŋ

17:26 Cäk 6:5-8 **17:27** Cäk 7:6-24 **17:28-29** Cäk 18:20-19:25 **17:31** Mt 24:17-18; Mk 13:15-16

^e**17:32** Tiŋ Lot ɣɔn cī yɛnhom wel bī riãŋ Thodom tiŋ, nawɛn ke yuɔm abi ciët ŋɛnh awai. (Cäk 19:26)

17:33 Mt 10:39; 16:25; Mk 8:35; Lk 9:24; Jn 12:25

*Te rëer guöp kē cī thou thīn, aye
cor yenhom mat thīn (17:37)*



kënë ya rääm nhom ë bak, aba tiŋ ba dhiel luök yic, na cä loi kälä, ka bi ya cool ë bën ku cut yaŋuöp.’”

⁶Ku jəl Jethu lëk ke, “Pieŋkë tē ye bēny kuc luk jieem thīn. ⁷Ciī Nhialic lēu bi luk ŋiec looi tēnē kōcken cī lōc, kōc ye rōök akōl ku wēer? Bi ke cəl ke mec tēnē ye? ⁸Alëk we, abi luk ŋiec looi tēnē ke. Ku na la dhuk, ŋen Manh Raan, ye kōc kadē ba yök ke la gam pinyinhom?”

Kääŋ raan akut Parathī ku raan ajuer kut

⁹Ku lueel Jethu kääŋ kënë aya tēnē kōc röt yök ciēt kek path kepēc, ku dhälkē raan ëbēn guöp. ¹⁰“Kōc karou aake cī la luaj Nhialic bik la rōök, raan akut Parathī nhiam apei ku raan ë kut ajuer kōc tuōör nyin. ¹¹Go mony nhiam akut Parathī bën ku kēec ku rōök ë rot ëlä, ‘Yin aleec Nhialic, ŋen aciī thōŋ kek kōc kōk, kōc kāk kōc kōk tuōör nyin, kōc ë luui käreec ë diäär kōc kōk kōr. Yin aleec rin ŋen aciī thōŋ kek raan ajuer kut kënë. ¹²Ŋen ë thek ba ciī mīth, arak rou nin kadhorou yiic, ku yin aya juer tōk thiäär yic kākkiēn ya yök luoi yic ëbēn.’

¹³“Ku raan ajuer kut aci bën ku kēec tēmec ku ciī yenyin ŋēer nhial wēn rōök yen, ku gut yepuöu amäath bi nyuwoth lōn ë yen käreec looi ku lueel, ‘Nhialic liec ya, ŋen ë raan la guöp adumuööm.’” ¹⁴Ku jəl Jethu lëk ke, “Mony kënë, ku acie raan akut Parathī, aci dhuk baai ka adumuöömke cī päl piny tēnē ye. Rin raan nhiam rot yäth tueŋ abi dhuök ciēn, ku raan lir puöu rot tōöu ciēn abi yäth tueŋ.”

Jethu adɔc mīth*(Mt 19:13-15; Mk 10:13-16)*

¹⁵Kɔc kɔk aake mīth bēi tēnē Jethu bī ke bēn dɔc. Go kɔc Jethu buɔth ke läät. ¹⁶Go Jethu mīth caal yelööm ku lueel, “Calkē mīth aa bō tēnē ya, duɔkkē ke pēn. Rin raan wīc ye bī la bääny Nhialic yic adhil gam cimēn ē mīth thiikā. ¹⁷Alēk we, raan wīc ye bī bääny Nhialic yök adhil wēt Nhialic gam, cimēn ye manh koor wēt kɔc ke dhiēth ye gam.”

Raan ajak*(Mt 19:16-30; Mk 10:17-31)*

¹⁸Go raandit kɔc Itharel Jethu thiēc, “Raan piöoc path, yenjö ba looi ba pīr akölriēc ēbēn yök?” ¹⁹Go Jethu lēk ye, “Yenjö ye yīn ya cɔl raan path? Acīn raan path, ee Nhialic ē rot.

²⁰“Ku na bēer wētdu, ke yīn aŋic kāk ye lööŋ Nhialic lueel,
 ‘Duk tiŋ raandā kɔr, duk raan nāk,
 duk cuēr, duk kuērŋ wēt lueth.
 Thek wuur ku moor.’”

²¹Go mony wēn bēer, “Lööŋkā aaca muk nhīim ēbēn tēwäär koor yen agut emēn.” ²²Nawēn piŋ Jethu kēnē, ke lueel tēnē ye, “Ala löŋ ŋot kēc ē looi. Yaac kākku ēbēn ku gam wēu tēnē kɔc ŋōŋ, yīn abī jīeek la yök pan Nhialic ku bäär buɔth ya.” ²³Nawēn piŋ mony kēn ē wēlkā, ke mēen rin ē jak apei.

²⁴Go Jethu tiŋ ke cī puŋu dak ku lueel, “Abī yic riel tēnē kɔc ajiēek bīk la bääny Nhialic yic. ²⁵Alēk we alanden, apuɔl yic bī thöröl bak with cök, tēn tē bī raan ajak la bääny Nhialic yic.” ²⁶Go kɔc awēn piŋ ē wēlkā Jethu thiēc, “Na ye kēya, yeŋa bī la pan Nhialic?” ²⁷Go Jethu bēer, “Kāk cīi raan ke lēu aaye Nhialic looi.”

²⁸Go Pīter lueel, “Na yook, yök aaci kākku nyään wei ku buɔthku yi!” ²⁹Go Jethu lēk ke, “Wek alēk yic, raan nyiērŋ panden wei, ku tiēnde ku wämāthakēn ku kɔc ke dhiēth ye, ayī miēthke rin bääny Nhialic, ³⁰abī kajuēc yök ē riēc kēnē yic, ku pīr akölriēc ēbēn bī bēn aköldā yic.”

Jethu ajam ē Thuonde kēn yic diäk*(Mt 20:17-19; Mk 10:32-54)*

³¹Nawēn ke Jethu cɔl kɔcken ye buɔth kathiäär ku rou tēden röt ku lēk ke, “Emēn yök aa la Jeruthalem, tē bī kääwäär cī kɔc kāk Nhialic tiŋ göt rin Manh Raan kenhiim la tiēŋ thīn. ³²Abī la thōn kɔc cie kɔc

Itharel bik bui ku lëätkë, ku ŋuutkë nyin, ³³ku abik that ku näkkë, ku na ye aköl ye nin diäk, ke yeen abi piir ku jot rot ran yic.” ³⁴Ku koc ye buoath aake këc kakkä deet yic. Wëdde yic aci thiaan tënë ke, ku keek aaci kën jiem Jethu kuc.

Jethu aci cöör kony bi daai

³⁵Nawën dötkë Jeriko, ke mony ci cöör ë rëër dhël you ke lim. ³⁶Nawën piŋ koc cath röt, ke thiëc, “Yeŋö loi rot?” ³⁷Go lëk ye lon ë Jethu raan Nadharet yen atëk dhël yic. ³⁸Go cööt, “Jethu, wën Debit liec ya.”

³⁹Go koc ke tö tueŋ läät ku lëkkë ye bi biet. Go ŋot kiu apeï, “Wën Debit kony ya.”

⁴⁰Go Jethu kööc ku lëk koc bik mony kënë thël tënë ye. Nawën ci yëët tēthiök, ke thiëc Jethu, ⁴¹“Yeŋö wic ba looi tënë yi?” Go bëër, “Bëny awiëc ba ben daai.” ⁴²Go Jethu lëk ye, “Daaië! Gamdu aci kony.” ⁴³Go guo daai nyin yic, ku buoath Jethu ke lec Nhialic. Nawën tiŋ koc juëc ke tö thïn kë ci rot looi, ke lec Nhialic ëbën.

Jethu ku Dhäkeo

19 Nawën ci Jethu yet Jeriko ku ber yic. ²Ke raan ajak col Dhäkeo ë tö thïn ke ye raandit kam koc ajuër kut, ³ku yeen ë wic bi Jethu tiŋ ku ë ciek apeï. Go ciën tē tiŋ yen Jethu rin koc aake juëc. ⁴Go riŋ tueŋ ku ler ŋaap nom, ŋam biï Jethu tēek yecök. ⁵Nawën yëët Jethu ŋam awën cök ke tiŋ Dhäkeo nhial, go cööl ku lueel, “Dhäkeo, loc bën piny, yaköl yen abi cool paandu.”

⁶Go Dhäkeo bën piny ku lor Jethu ke ci puö miët apeï. ⁷Nawën tiŋ koc ke tö thïn ë kënë, ke la ŋoomŋoom ku luelkë, “Mony kënë aci la cool pan raan rac.” ⁸Go Dhäkeo wëlken ciï kuëc nhiim ku jot rot ku lëk Bänyda, “Bëny, ëmën thiin yen abä abëk ë wëëukië yiëk koc ŋöŋ, ku na ca kën raandä cam ruëeny, ka ba dhuk arak ŋuan.”

⁹Go Jethu lëk Dhäkeo, “Yaköl, yiin ku kacku wek aaci pir akölrüëc ëbën yök, rin yiin aya yin ë manh Abaram, ¹⁰rin Manh Raan aci bën bi koc ci mää wic, ku kony ke.”

Kääŋ aloony kathiäär

¹¹Tëwën piŋ koc ë wëlkä, ke Jethu thöth kääŋ rin ëci thiök ke Jeruthalem. Ku ë yekë tak lon bi bäany Nhialic rot guo la jöök thïn. ¹²Ku jöl lueel, “Monytui, ke ye raan göl bëny, ëci la wun dët mec apeï bi la ruök bi ya bënyŋaknom. Ku jöl dhuk wuönden. ¹³Ku wën këc

yen guɔ jäl, ke cɔl aluɔɔnyke kathiäär, ku ye ɲek gäm wëü ku lëk ke, 'Lökkë luui ë wëëkä yet aköl bi yen dhuk.' ¹⁴Ku yeen ë meen kɔcken mac, gokë kɔc tuɔɔc yecök bik la lueel, 'Mony kënë acuk wïc bi ya bënyɲaknhom.'

¹⁵"Cɔk awën cii kacke ye wïc ka ɲot ci ya bënyɲaknhom, ku dhuk ku cɔl aloonyken wäär ci gäm wëü, bi bën ɲic ye wëü kadë ci raan tök ya juak wëü wäär ci yiëk ye yiic. ¹⁶Go alony tueɲ bën ku lueel, 'Bëny, wëü wäär ca gäm ya, yen aci wëü juëc tënë ke arak thiäär yök thïn.' ¹⁷Go bëny lëk ye, 'Aca ɲiec looi, yin alony path, ku rin ci yin kälík ɲiec muk apath, yin abi ya bëny geeth kathiäär.' ¹⁸Go alony ye kek rou bën ku lueel, 'Bëny, yen aci wëü juëc arak dhiëc yök tën wëü wäär ca gäm ya.' ¹⁹Go bëny lëk alony kënë aya, 'Yin abi ya bëny geeth kadhiëc.'

²⁰"Ku ben alony dët bën ku lueel, 'Bëny, wëenkun wäär aa kik. Aake ca der yiic alanhthiin ye kɔc kenyin wuuny ku tääu ke. ²¹Yen ya ci riöcc yi, rin ye yin raan cie këdu puöl. Yin ë kë cie këdu lööm, ku yin ë tem rap këc ë puur.' ²²Go bëny lëk ye, 'Yin alony rac, dak rot. Wëlkun ca lueel kek aabi luök wei. Anjic lɔn ye yen kë cie këdië lööm, ku yen ë rap tem rap këc puur. ²³Yeɲö këc yin wëëukië gäm kɔc ɲic luui wëü rin na la dhuk aköldä ke yök ke ci keyiic juak?'"

²⁴"Ku yöök bëny kɔc wën kääc thïn, 'Nyaaike wëü tënë ye ku gamkë ke tënë raan la wëü juëc.' ²⁵Gokë lëk ye, 'Bëny yeen ala wëü juëc apeï.' ²⁶Go bëny lëk ke, 'Raan la kaɲ abi gäm kajuëc kök, ku raan cïn kaɲ, abi këthiin tö tënë ye nyaai aya. ²⁷Ku kɔc man yen kä, kɔc cii yen wïc ba ya bänyden, bëëikë ke ɲanhom tën ku näkkë ke ya daai ë ke.'

Jethu aci la Jeruthalem ke ciëm yai

(Mt 21:1-11; Mk 11:1-11; Jn 12:12-19)

²⁸Wën ci Jethu kääkä lueel, ke jiël bi la Jeruthalem ke wat atuöccke nhiiim. ²⁹Tëwën ci kek thiök ke Bethpeec ku Bethani, tëthiääk kek gɔn Olip, ke tooc kɔc ye buɔɔth karou tueɲ ³⁰ku lëk ke, "Lak bëïi tö tueɲ yiic. Të yeet wek, wek aabi manh akaja cïn raan ci kaɲ cath ye yök ke mac. Luɔnykë ku bëëikë tën. ³¹Na le raan thiëc we, yeɲö lony wek ye? Ke lëkkë ye, awïc Bänyda." ³²Gokë la ku yökkë manh akaja cit tëwën ci Jethu ke than thïn. ³³Tëwën lony kek manh akaja, ke lëk raan la akaja ke, "Yeɲö lony wek manh akaja?" ³⁴Gokë bëër, "Awïc Bänyda."

³⁵Gokë manh akaja ɲäth tënë Jethu ku kumkë köu aläthken, ku nyuc Jethu yeköu. ³⁶Tëwën lööny yen dhöl, ke kɔc juëc thieth aläthken dhël yic. ³⁷Ku wën lɔr yen piny gɔn Olip nhom, go kɔcken ye buɔɔth

puōth miēt ēbēn, ku leckē Nhialic rin kajuēcdit jān gōi cīk tiŋ ku wekkē apei ēlä,

³⁸“Bī Nhialic bēnyŋaknhom cī bēn rin Bānyda dɔɔc.

Dōōr pan nhial ku lec tēnē Nhialic.”

³⁹Go kɔc akut Parathī kōk ke tō kɔc yiic lueel tēnē Jethu, “Bēny cɔl kɔckun yī buōth aa bit.” ⁴⁰Go Jethu bēēr, “Alēk we, na cɔk kē biet, ka aleel ē rōt, aa loi wuɔɔu.”

⁴¹Nawēn lek Jeruthalem dōōt, ke dhiau wēn tiŋ yen geu nhom, ⁴²ku lueel, “Dōōr akōlriēec ēbēn ēcī we dōōt kɔc Jeruthalem, ku wek aacī jai ē ye. Ku ēmēn acāk bī bēn tiŋ. ⁴³Ala akōl bī kɔc aterdun bēn ku golkē we abī ciēn tēyōr bakkē. ⁴⁴Aabī we nōk ēbēn agut mīth rēēr ke we. Ku gen Jeruthalem abī thuōr piny ēbēn, abī ciēn alel kāac alel dēt nhom, rin kēc wek akōl cī Nhialic bēn bī we kony ŋic.”

Jethu acī la luaŋ Nhialic

(Mt 21:12-17; Mk 11:15-19; Jn 2:13-22)

⁴⁵Nawēn lek yet Jeruthalem ke Jethu la luaŋ Nhialic. Ku cop kɔc kāŋ yaac ayeer kal luaŋ Nhialic yic. ⁴⁶Ku lēk ke, “Acī gōt athōr thēer wēl Nhialic yic lɔn cī Nhialic ye lueel ēlä, ‘Luaŋdiē acī looi bī ya tēn ye kɔc ēbēn rōok thin.’ Ku yeen acāk wel bī ya luaŋ cuēr.”

⁴⁷Ku jɔl a piōoc luaŋ Nhialic akōlakōl. Go kɔc kāk Nhialic ku kɔc gēt lōōŋ ku kɔcdit baai wīc bīk nōk. ⁴⁸Ku acin dhēl cīk lēu bīk yōk bī kek ye looi, rin ye kɔc ēbēn rēēr yelōōm ke piŋ wēlke, ku wīckē bī ciēn tōŋ cīk piŋ.

Bāny Itharel aa riel Jethu yōōŋ yic

(Mt 23:27; Mk 4:27-33)

20 Nayɔn akāl tōk, tēwēn piōoc Jethu kɔc ē Wēt Puōth Yam luaŋ Nhialic, ke bēnydit kāk Nhialic, ku kɔc gāt lōōŋ ku kɔcdit baai bō tēnē ye. ²Ku thiēckē, “Ee yīn, lēk yo ye riel ŋō tō yīguōp ye yīn luui kēlä? Ku yeŋa yīk yī ē riel kēnē?”

³Go Jethu bēēr tēnē ke, “Wek aba thiēec aya, lēkkē ya, ⁴riel ye Joon kɔc gām lōkwēi yōk tēnē Nhialic aye rielde ē rot?” ⁵Gokē kaŋ guēek yic kamken ē rōt ku luelkē, “Na luelku ka yōk tēnē Nhialic, ka lueel ēlä, yeŋō kēc wek wētde gam? ⁶Ku na luelku ke rielde ē rot, ke yōk aa nāk, rin cī raan ēbēn ye gam lɔn Joon ē ye raan kāk Nhialic tiŋ.” ⁷Gokē dhuōk Jethu, “Yok aa kuc tē yōk yen rielde thin.”

⁸Go Jethu lēk ke, “Na ye kēya, ke wek aacā lēk riel ye yen kakkā looi.”

Jethu aĵam ë waal bĭ rëëc bãny nyuöwth

(Mt 21:33-46; Mk 12:1-12)

⁹Ku ben Jethu jam ë waal tënë kɔc ku lueel, “Monytui ëcĭ dom looi ku cum yic tiim ë luɔk, ku riöp yic kɔc kɔk. Ku keny wun dët, ku le pëi juëc nõk wei. ¹⁰Nawën le tē cĭ tiim luɔk thöñ, ke tooc aluɔnyde tënë kɔc wäär cĭ riöp dom yic bĭk la gãm abäkke. Gokë alony dɔm ku thatkë ku copkë ciëen yecin. ¹¹Go alony dët ben tooc, gokë ben dɔm ku thatkë ku banĵë apei. Ku toockë ciëen ke cĭn kē cĭk gãm ye. ¹²Go alony dët ye kek diäk ben tooc, gokë yiëk tëtök aya ku copkë wei. ¹³Go wun dom lueel, ‘Yeñö ba looi? Yen abĭ manhdiën nhiaar tooc, tädë ka bĭk la theek.’ ¹⁴Nawën tiñ kɔc cĭ riöp dom yic manhde, ke luelkë, ‘Kënë ë manh raan yen la dom, ku ë yen abĭ kãñ lõk thɔn aköldä. Bäk näkku ku kãkkä aabĭ dön ke yo.’ ¹⁵Ku thelkë ayeer dom yic ku näkkë.” Ku jɔl Jethu ke thiëc, “Yeñö bĭ raan la dom looi tënë ke?” ¹⁶“Abĭ bën ku nēk kɔc awën cĭ riöp dom yic, ku riöp dom yic kɔc kɔk.” Nawën piñkë ë wët kënë ke luelkë, “Diët cĭi rot loi!”

¹⁷Go Jethu ke döt apei ku thiëc ke, “Yeñö ye wët kënë cĭ gõt këlã theer teet yic,

‘Mën wäär yen cĭ atëet kuc, yen acĭ bën a mën ril.’”

¹⁸Ku lëk Jethu ke, “Na deeny raan yecök mën ka duɔny bĭ ruöth. Ku na wĭk raan nhom ka niɔɔn yic.”

Jethu awĭc bĭ wëëñ wët ajuër

(Mt 22:15-22; Mk 12:13-17)

¹⁹Go kɔc piöoc lööñ ku bãny kãk Nhialic wĭc bĭk Jethu dɔm nyin yic, rin cĭ kek ye ñic lõn aa kek ke jiëem Jethu gup ë waal. Ku keek aaci riöoc kɔc awën tō thĭn. ²⁰Gokë kɔc kɔk riöp thook bĭk röt looi ciët ke ye kɔc path tënë Jethu, bĭk aa la thiëc bĭk deep rin na le wët rëec lueel, ke dɔmkë ku yëthkë tënë bãnydit mac baai. ²¹Ku bĭk tënë Jethu ku thiëckë ëlä, “Raan piöoc, añicku lõn wët ye lueel ku kē ye piöoc ee yic. Yin acie dit raan ye kuëc nhom. Ku yin ë kɔc piöoc bĭk kē wĭc Nhialic looi dhël la cök. ²²Lëk yo, na ye tãktãkdu buk ajuër dhiel aa gam, yok kɔc Itharel tënë bënyaknhom Cithër kua cuk bĭ gãm ye.”

²³Ku Jethu ëcĭ ruënyden ñic, ku bëer, ²⁴“Nyuöthkë ya wëëu, ku thiëc ke, ye nhom ña ku ye rin ña kãkkä cĭ giëet ë wëëth kōu?” Gokë bëer, “Aa kãk Cithër bënyaknhom.”

²⁵Go Jethu lëk ke, “Na ñjëckë këya, gãm kē Cithër bënyaknhom këde ku gãm kē Nhialic këde.”

²⁶Ku acĭn wët rëec cĭ Jethu lueel kɔc nhĭim lëu bĭ ya awuöc bĭ kek ye dɔm. Ku wët cĭ lueel ëcĭ ke göi ku bitkë.

Nhialic abī kɔc cī thou cɔl aa ben pīr

(Mt 22:23-33; Mk 12:18-27)

²⁷Go kɔc kɔk akut Thaduthī. Akut cīi yeen ye gam lɔn bī Nhialic kɔc cī thou ben cɔl apīr, bēn tēnē Jethu ku thiēckē ēlā, ²⁸“Raan piöc, Mothith acī lōŋ gōt ēlā tēnē yo, ‘Na thou wāmēnh ē raan ku nyiēēŋ tik piny ke cīn mīth, ke wāmēnh koor ala yōt tik bī mīth dhiēēth yōn mēnhē.’ ²⁹Na thōōŋku lɔn tō mīth tik thīn kadhorou, ku thiēk wēn dīt, ku thou ke cīn mīth. ³⁰Go wāmēnh buōth ye la yōt tik, ku thou aya ke cīn mīth cī dhiēēth. ³¹Ku looi rot kēya tēnē mēnhē ye kek diāk. Ku kēya tēnē ke ēbēn kadhorou, aacī thou ke cīn mīth cīk nyāāŋ piny. ³²Nawēn ke tik thou aya. ³³Ku lek tueŋ ku thiēckē, tē le kɔc cī thou rōt jōt akōldā, bī ya tiŋ ŋa, rin cī yen rēēr ke ke ēbēn kadhorou?”

³⁴Go Jethu bēēr, “Thiēŋ ye kɔc rōt thiaak ē kēn pinyhom tēn. ³⁵Ku kɔc path bī rōt jōt thou yic, kɔc ye pan Nhialic kēden, aacie thiēēk ku aacie ē thiaak, ³⁶ku aacīi bī ben thou rin aa thōŋ kek atuuc Nhialic. Ku aa mīth Nhialic rin cī kek rōt jōt thou yic. ³⁷Ku Mothith guōp ē jam lɔn ye kɔc cī thou ben pīr, wāār gēt yen tē cī Nhialic rot nyuōth ye ē bun dēp yic, ku jīēm rin Bēny ēlā, ‘Ee Nhialic Abaram, ee Nhialic Ithāk ku ee Nhialic Jakop.’ ³⁸Wētde yic ē lɔn ye yen Nhialic ē kɔc pīr, ku acie Nhialic kɔc cī thou, rin kɔc ēbēn aa pīr tēnē ye.” ³⁹Go kɔc piöc lōōŋ ke kāac thīn jam ku luelkē, “Aca ŋiēc dhuk nhom raan piöc.” ⁴⁰Ku thōk jamden rin ē cīk wīc bīk ben thiēc.

Jethu acī kɔc piöc lɔn yen raan ē tooc Nhialic

(Mt 22:41-46; Mk 12:35-37)

⁴¹Ku lueel Jethu tēnē ke, “Yeŋō ē ye lueel lɔn raan cī lɔc ku dɔc ya raan dhiēnh Debit? ⁴²Rin aye Debit guōp luel athör waak yic ēlā,

‘Acī Nhialic lueel tēnē Bānydiē, “Nyuc ē tēn kōŋdiēn cuēc,

⁴³yēt tē bī yēn kɔc aterdu dhuōk ciēēn yīcök.”’

⁴⁴“Ye kēdē ye yen manh Debit, ku yeen aye Debit cɔl, ‘Bānydiē?’”

Jethu alēk kɔc bīk rōt tiit kɔc gāt lōōŋ Itharel

(Mt 23:1-36; Mk 12:38-40)

⁴⁵Tēwēn piŋ kɔc ēbēn wētde, ke Jethu wēl yēnhom kɔcken ye buōth ku lueel, ⁴⁶“Tietkē rōt ku duōkkē kɔc piöc lōōŋ Itharel ye kiēēt. Kɔc cath kek alēthken dīt bār, rōt teem yōn yɔc yīc bī ke aa muōth athēēk. Ayekē nhiaar bīk nyuc tueŋ thōc kɔcdīt tēn amat, ku yōn path akōl yai. ⁴⁷Ku keek aa kāk lēēr tuōōr nyīn, ku rōōkkē apēi bīk kɔc wēŋ lɔn puōth kek. Kɔcā aabī tēm awuōc ril apēi.”

Ajuër lëër
(Mk 12:41-44)

21 Kaam wën ke Jethu cī nyuc tē ye wëü juaar thīn luaŋ Nhialic, ku döt kɔc wëü cuat kën ajuër yic. Ke kɔc juëc ajieek aake cī wëü aa tääu thīn.

²Nawën ke tiŋ lëër aŋääŋ bö ku cuet wëü reen lik thīn aya. ³Go Jethu lueel, “Wek alëk yic, lëer kënë aci Nhialic kēden cī juaar nhiaar tēnē kɔc kōk ëbën. ⁴Rin aa cik juaar wëüken juëc yiic, ku yen aŋäjë, aci kën bī yen pīr dhuɔl thīn ëbën.”

Luaŋ Nhialic Jeruthalem abī thuör piny

(Mt 24:1-2; Mk 13:1-2)

⁵Tëwën jiël kek luaŋ Nhialic, ka atuuc kōk jam tē dhëëŋ luaŋ Nhialic thīn ku aleel peth cī ye buth, ku kädhëŋ cī gäm Nhialic bī ye door. Go Jethu bëër, ⁶“Käkkith yakë tiŋ ëmën, ala aköl bī ke thuör piny ëbën, ka cīn alel tōŋ bī kōc alel dēt nhom.”

Acī Jethu lëk atuöccke lɔn bī ke maan

(Mt 24:3-14; Mk 13:3-13)

⁷Go kë thiëc, “Raan piöc, ye nen bī kënë rot looi, ku yeŋö bī ye nyuɔth lɔn tē bī kënë rot looi aci thiök?”

⁸Go Jethu lëk ke, “Tiëerkë nhiim ku duökkë röt cɔl aduöŋ. Rin kɔc juëc aabi bën ë rienkië ku ye ŋek lueel, ‘Ke ŋen raan cī lɔc ku dɔc, aköl bī ŋen bën akīn.’ Duökkë ke buoth. ⁹Ku duökkë riöc aköldä tē tiŋ wek tɔɔŋ, ku aliäap baai ke loi röt. Käkkä abī röt kaŋ dhiel looi tueŋ, ku acie lɔn cīi thök piny guɔ thiök.”

¹⁰Ku ben Jethu lueel ëlä tēnē ke, “Wuöt aabi kenhīim tuööm ku thërkë, ku bëëi mec bānydīt abī thör kamken. ¹¹Ayiëkyiëëk piny dīt juëc aabi röt looi, ku tuaany ku cɔŋdīt apei aabi röt looi yōn juëc yiic. Ku kärɛc kōk aabi röt looi, ku kädīt kɔc cɔl ariöc aabi tiŋ nhial. ¹²Ku tueŋ bī käkkä röt looi, wek aabi gum apei, ku wek aabi yäth tēn amat ku mec we. Ku wek aabi yäth luk yic bāny nhiim ë rienkië. ¹³Ku ë yen tēn bī wek kɔc ëbën lëk Wët Puoth Yam thīn. ¹⁴Ku duökkë diëer tē bī wek röt kuɔny thīn, ¹⁵rin wek aba kony ba we cɔl aŋic wël puoth bāk lueel, kāk cīi kɔc aterdun we bī jöŋny, tēdë ke dhäl käkkun yakë lueel. ¹⁶Wek aabi kɔc ke dhiëth we, ku wämäthakun, ku kɔc ruäai ke we ku mäthkun gaany. Ku kɔc kōk kamkun aabi nöc. ¹⁷Ku raan ëbën abī we maan ë rienkië, ¹⁸Ku wek aabi kony na cɔk a nhiëm tōŋ nhom ka cīi bī mää. ¹⁹Deet bī wek wepuöth dɛet abī we cɔl apīr.

Jethu ajam wēt riñ Jeruthalem

(Mt 24:15-21; Mk 13:14-19)

²⁰“Aköl tiñ wek Jeruthalem ke cī apuruuk wuöt kōk gool, ke ñieckē lōn tē bī ye rac acī bēn. ²¹Ke kōc rēēr Judia aa dhil riñ gat nhīim, ku kōc rēēr geeu Jeruthalem aa dhil jāl, ku kōc tō bēēi yiic ayeer aaciī la geeu. ²²Rin tēnē, kek aa nīn bī kōc tēm awuōc bī kē cī gōt athōr theer wēl Nhialic yic yenhom tiēñ. ²³Diäär liec ku diäär muk mīth kor aabi gum apeidit ē nīnkā. Kōc ē wunē, aabi gum apei ku aabi Nhialic tēm awuōc. ²⁴Kōc kōk aabi nōk tōñ yic, ku kōc kōk aabi dōm ku la ke mac wuöt kōk yiic. Ku Jeruthalem abi wuöt kōk dōm ku rēckē apei, ku mackē yet akōl bī bāanyden thōk.

Aköl bī Manh Raan bēn

(Mt 24:29-31; Mk 13:24-27)

²⁵“Kāk kēc kañ tiñ aabi rōt looi tēnē akōl ku pēei ku kuēl. Ku kōc wuöt pinynhom ēbēn aabi puōth jieth, ku riōōckē atiaktiak dīt loi rot wēr yiic. ²⁶Ku kōc aabi riōōc apei rin kāk loi rōt pinynhom. Kāk tō nhial ēbēn, akōl ku pēei ku kuēl aabi rōt yāāk. ²⁷Ku Manh Raan abi tiñ ke bō nhial pial yiic kek diik ku riēdīt apei. ²⁸Tē looi kākā rōt, ke we deet wepuōth ku rēērēē ē cōk rin tē bī we luōk kārec yiic acī yēēt.”

²⁹⁻³⁰Ku ben Jethu ke lēk kāñ kēnē, “Tē tiñ wek tim cīt ñaap ayī tiim kōk ke loi yīth yam, ka ñieckē lōn cī kēr thiōk. ³¹Kēya, na tiēñkē kākā ke loi rōt, ke ñieckē lōn cī bāany Nhialic thiōk. ³²Alēk we, wek aaciī bī mār tē cōk kākā rōt looi. ³³Nhial ku piny aabi liu, ku wētdiē aciī bī kañ mār.

Rēērēē we cī rōt guiir

³⁴“Guiērēē rōt, ku rēērēē we tīr nhīim. Duōkkē akōl bī yēn bēn cōl ayōk we ke we kēc rōt guiir. Duōkkē rōt cōl ayōk we pīr pīr rac, bāk aa rēēr we cī wiēt ē mōu akōlakōl, ku yakē rēēr we tēk kāk pīr pinynhom. Akōl kēnē abi la ciel wegup ke cāk ñic, ³⁵cimēn lān adhie wēi adēp. Ku kēnē abi bēn tēnē kuat raan pīr pinynhom ēbēn. ³⁶Rēērēē we tīt ku rōōkkē akōlakōl bāk la riel bī wek kē bī rot looi gōōk, bāk kōōc yanhom yēn Manh Raan we cīi diēer.”

³⁷Ku jōl Jethu ē nīnkā nōk ke ye piōōc luāñ Nhialic, na bō thēi ke jiēl bī la nīn gōn Olip nhom. ³⁸Ku kōc aake ye guēer luāñ Nhialic rial bīk piōōcde bēn piñ.

Amat nĕk Jethu*(Mt 26:1-5; Mk 14:1-2; Jn 11:45-53)*

22 Nawĕn la tĕ bĭ Yan Ayum cĭn yic luɔu looi thiɔk. ²Ke kɔcdit kāk Nhialic ku kɔc piöc lööŋ wĭc dhĕl path bĭ kek Jethu nɔk, rin riöc kek ciĕt la aliām bĭ rot looi.

³Ku raan tɔk kam kɔc ye buɔth kathiäär ku rou cɔl Juda Ithkariöt, ĕci bĕny jɔŋrac la yepuɔu. ⁴Go la tĕnĕ kɔcdit kāk Nhialic ku bāny apuruuk luaŋ Nhialic tiit, bĭ tĕ bĭ yen ke kuɔny thĭn, bik Jethu dɔm la guĕek yic. ⁵Gokĕ puɔth mĭet wĕn piŋ kek ye lɔn bĭ yen ke kony, ku thɔnkĕ lɔn bĭ kek ye riɔp. ⁶Go gam, ku wĭc tĕpĕth bĭ yen Jethu dɔm thĭn ke cĭn kɔc ŋic ye.

Jethu acĭ miĕth thĕi cĭ guir rin yai cam*(Mt 26:17-25; Mk 12:21; Jn 13:21-30)*

⁷Aköl bĭ Yan Ayum cĭn yic luɔu looi ĕci bĕn, aköl ye amĕl nɔk rin yai. ⁸Go Jethu Pĭter ku Joon tooc ku lĕk ke, “Lak bāk miĕth yai la guir tĕnĕ ɔo.”

⁹Gokĕ thiĕc, “Ye tĕnen wĭc yĭn ɔo buk miĕth yai la guir thĭn?”

¹⁰Go Jethu bĕär, “Tĕ le wek geeu Jeruthalem, ke wek aabi rɔm kek mony ɔĕc tɔny ĕ piu. Biaathkĕ pan le yen thĭn. ¹¹Ku lĕkkĕ raan la baai, aye Raan piöc lueel, ‘Ye ɔon nen bĭ ɔen miĕth yai cam thĭn ɔok kɔckiĕn ɔa buɔth?’ ¹²Ku abi we nyuɔth ɔon nhial lääu yic cĭ guir yic. Guierkĕ miĕth ĕ tĕĕn.”

¹³Gokĕ la ku ɔökkĕ kĕriĕc ĕbĕn cĭt tĕwĕn cĭ Jethu ye lĕk ke thĭn. Ku jɔlkĕ miĕth yai guir.

Guirku röt apath buk guɔp Bĕny rɔm*(Mt 26:26-30; Mk 14:22-26; 1Kor 11:23-25)*

¹⁴Tĕwĕn bĭ kek jāl mĭth ke Jethu nyuc tĕde ku nyuc atuöcĕke aya, ¹⁵ku lĕk ke, “Aca wĭc apei ba miĕth Yan Ayum cĭn yic luɔu kĕnĕ cam kek we ku ba jāl gum. ¹⁶Alĕk we lɔn acā bĭ ben cam ɔet tĕ bĭ wĕt tɔ yeyic ɔok bāny Nhialic yic.”

¹⁷Ku lööm aduŋ cĭ thiāŋ muɔn abiĕc, ku leec Nhialic ku lueel, “Lömkĕ kĕnĕ ku tĕkkĕ ĕ kamkun. ¹⁸Alĕk we lɔn ɔen acĭn muɔn abiĕc dĕt ba ben dek ɔet aköl bĭ bāny Nhialic bĕn.”

¹⁹Nawĕn ke lɔm ayup ku leec Nhialic, ku bĕny yic ku gĕm ke ku lueel, “Kĕnĕ ĕ guäpdĭĕ cĭ juaar riĕnkun. Yakĕ looi kĕlä bāk ɔa ya tak.” ²⁰Nawĕn miĕth cök ke ben aduŋ la yic muɔn abiĕc lööm aya ku lueel, “Kĕnĕ ĕ dɔör yam ke Nhialic cĭ thany ĕ riemdiĕ bĭ kuĕr ĕ riĕnkun.”

21“Ku yen kın, raan bā luom arëër tën, ku amith kek ya! 22Ku ë tēde, Manh Raan adhil thou cīt tē cī Nhialic guiēr ye. Ku raan bā luom abi gum apeil!”

23Gokë röt thiëec tōk, tōk, yeṅa kamkua lëu bī ya yen loi kënë.

Atuuc aaci wēt teer raan dīt kamken

24Kaam wën aya ke kōc ye buoṅth teer wēt lōn nadë, “Yeṅa kamken yen bī ya raan dīt apeil.” 25Go Jethu lëk ke, “Pinyinhom tën bāny kōc cie kōc Itharel aa la riel tēnë kōcken mæckë, ku kōc mac baai aa röt cōl, ‘Kōc määth ke kōc baai.’ 26Ku acie tēde tēnë we, rin raandīt kamkun adhil rot dhuōk piny bī ciēt raan koor. Ku raan tō tueṅ adhil rot dhuōk ciēen bī luui tēnë kōc kōk.” 27Ku thiëec ke, “Yeṅa yen dīt, ye raan ye luōōi aye raan ë luui? Cie raan ye luōōi? Ku yen kamkun yen acīt raan ë luui.

28“Wek aaci kōōc ke ya kārīl cā yōk yiic, 29ku cīt mēnë cī Wā ya looi ba ya bēny, wek aba yiëk ë bāāny kënë aya. 30Wek aabi mīth ku dëkkë kek ya bāānydië yic, ku nyuōōckë thōc nhīim bāk luṅ thān Itharel yic thiāār ku rou looi.”

Jethu aci kē bī Pīter ye jai lueel

(Mt 26:31-35; Mk 14:27-31; Jn 13:36-38)

31Ku ben Jethu lueel, “Thaimon, Thaimon piṅ wētdiēnë, bēny jakrec aci thiëc bī gām riel bī we them ëbën, bī kōc path tek thook tēnë kōc rec, cīmën dhie ye rap kōōm bī miël tek thok rap yiic. 32Ku yen aci rōök rienku yīn Thaimon bī gamdu dhiel riel. Ku na ca jal dhuk tēnë ya, ke yī kony wāmāthakui kōk.”

33Go Pīter bēër, “Bēny acin kē bā gël bī ya cīi mæc kek yī, ku thuōu kek yī aya.”

34Go Jethu lueel tēnë ye, “Alëk yī Pīter, nhiäk bēëk piny ke thōn ajīth kēc kiu, yīn abā jai arak diäk lōn kuc yīn ya.”

35Nawën ke Jethu thiëc kōcken ye buoṅth, “Të tooc yen we bāk Wēt Puoṅth Yam la lëk kōc, ku wek aacin wēëu ku jōkgo la keny ayī war, yakë yōk lōn le yen kē liu tēnë we?” Gokë bēër, “Acin kēdāṅ.” 36Go Jethu lueel, “Ēmën, na la raan wēëu ke muk ke, ku muk jōkgo aya. Ku na yīn acin pal, ke yī ṅōc alëth abëk wei ku ṅōc. 37Luōikë ë kënë rin aye wël cī göt theer ë rienkië lueel, lōn ye yen raan tōk kam kōc kārëc looi. Ku wēt kënë abi yenhom tiëṅj ëmën.”

38Go kōc ye buoṅth lueel, “Bēny, paal karou aa kīk.” Go bēër, “Aa juëc.”

22:21 Wk 41:9 22:24 Mt 18:1; Mk 9:34; Lk 9:46 22:25-26 Mt 20:25-27; 10:42-44

22:26 Mt 23:11; Mk 9:35 22:27 Jn 13:12-15 22:30 Mt 19:28

22:35 Mt 10:9-10; Mk 6:8-9; Lk 9:3; 10:4 22:37 Ith 53:12

Jethu aröök ke njic lon bi ye nök

(Mt 26:36-46; Mk 14:32-42)

³⁹Nawën ke Jethu jiël ku ruεc kœcken ye buœth, ku ler gœn Olip nhom cimenden yen ye looi akœlakœl. ⁴⁰Nawën lek yet tœden adhie, ke lœk ke, "Rœœkkœ Nhialic bi we ciï them jakrœc."

⁴¹Ku nyiœœnke piny ku le tueŋ tœthin-nyœœt, ku gut yenhiœl piny ku rœœk, ⁴²ku lueel, "Wœ, na lœu rot ke kœrœœc tit ya aciï bœ. Ku acie wœtdiœ œ wœtdu." ⁴³Go atuny nhial rot nyuœth ye ku deet puœu, ⁴⁴rin œ dhiau apeï yepuœu. Ku ben rœœk apeï abi tuc kuœr yeguœp cimœn riœm.

⁴⁵Ku jœt rot tœwœn rœœk yen thin ku dhuk tœnœ kœc ye buœth, ku yœk ke ke nin rin ci riœœk œ puœu ke cœl agœk. ⁴⁶Go lueel tœnœ ke, "Yœœjœ niin wek? Jatkœ rœt ku rœœkkœ bi we ciï them jakrœc."

Jethu aci dœm

(Mt 26:47-56; Mk 14:43-50; Jn 18:3-11)

⁴⁷Jethu œ ŋœt jam tœwœn biï kœc juœc ke wet Juda nhiïm, raan tœk kam kœc ye buœth kathiœœr ku rou. Ku ler tœnœ Jethu ku muœœth ke ciim. ⁴⁸Go Jethu lueel, "Juda ca ya ciim ba Manh Raan nyuœth kœc dœm ye?"

⁴⁹Nawën tiŋ kœc ye buœth ke rœœr kek ye kœ bi rot looi, ke luelkœ, "Bœny, cuk thœr? Yok aa muk paalkua." ⁵⁰Go raan tœk kamken palde miœœt bei, ku tœk alony lui pan raandit kœk Nhialic ku teem yinyden cuœc wei. ⁵¹Go Jethu lueel, "Acie kœya." Ku gœœt mony awœn yiœ tœwœn ci tœk pal, ku kony bi dem.

⁵²Ku jœl Jethu jam tœnœ raandit kœk Nhialic ku bœny apuruuk luaŋ Nhialic tiit, ku kœœdit baai ci bœn bik ye dœm, ku lueel, "Cœk bœn we muk paal ku atuel ciœt ya ye raan kœc rum? ⁵³Yœn œ rœœr kek we luaŋ Nhialic akœlakœl, ku akœckœ kaŋ them bœk ya dœm. Ku œmœn wek aaci puœl bœk kœ tœ wepuœth looi. Ku tœnœ jœŋrac abi la riel bi kœrœœc wiœ looi."

Piœter ajei Jethu

(Mt 26:57-58, 69-75; Mk 14:53-54, 66-72; Jn 18:12-18, 25-27)

⁵⁴Gokœ Jethu dœm ku yœthkœ pan raandit kœk Nhialic. Ku Piœter œ biœth ke mec kœc cœk ciœœn. ⁵⁵Ku apuruuk aake ci many yœœckœ took kal yic. Go Piœter rot mœt ke ku nyuuc bi yœc. ⁵⁶Nawën tiŋ nyan lui pan bœny Piœter ke nyuc mac lœœm, ke dœt apeï ku lueel, "Mony kœnœ œ ye rœœr kek Jethu aya."

⁵⁷Go Piœter jai ku lueel, "Mony kœnœ acœ cœk njic yin nyœnœ!" ⁵⁸Ku kaam thiin awœn ke mony dœt tiŋ Piœter ku lueel, "Yin œ raanden aya." Go Piœter bœœr, "Acie yœn mœthdiœ."

⁵⁹Ku kaam awën, ke wët yen raan Jethu, ben mony dët muşk yeguöp apei ku lueel, “Acin diu lön ye mony kënë rëer kek Jethu, rin ë raan Galilia.”

⁶⁰Go Pïter bëër! “Mäthdië, kè ye lueel acä cak deet yic.” Ku kaam wën jot jieem yen ke thön ajith kiu. ⁶¹Go Jethu yenhom wel ku döt Pïter. Go Pïter këwäär cï Bëny Jethu lëk ye ëlä, “Tueŋ ke thön ajith këc kiu ya aköl, aba lueel arak diäk lön kuc yin ya.” ⁶²Ku ler ayeer ke cï guöp yär ku dhieeu apei.

Jethu aci bui ku that

(Mt 26:67-68; Mk 14:65)

⁶³Tën awën ke kəc ke tit Jethu, ee yekë bui ku thatkë, ⁶⁴ku derkë nyin ku guutkë kecin ku yöökkë, “Mëekë! Yeŋa yï gut?” ⁶⁵Ku lueelkë käreec apei yeguöp.

Jethu aci yäth luŋ bäny Itharel yic

(Mt 26:59-66; Mk 14:55-64; Jn 18:19-24)

⁶⁶Nawën bak piny, ke kəcđit Itharel ku kəcđit käk Nhialic, ku kəc piöoc lööŋ mat kenhiim. Ku biï Jethu luöŋden yic. ⁶⁷Ku lëkkë ye, “Na ye Raan cï lóc ku đoc, ke lëk yo.” Go Jethu bëër, “Na lëk we ke wek aaciï wëtdië bi gam, ⁶⁸ku na thiëec we, ka cäk bi bëër. ⁶⁹Ku ëmën ler tueŋ, Manh Raan abi nyuc lön cuëc Nhialic Madhöl.”

⁷⁰Gokë rek yic ëbën, “Na ye këya, ye Wën Nhialic?” Go Jethu bëër, “Ee yen, cit tē cäk luël ye.” ⁷¹Gokë lueel, “Acin dët wicku kəc kök bi bën jam käk cï looi. Yok aaci wël cï lueel ë thuöŋde piŋ.”

Kəc Itharel aaci Jethu gaany tënë Pilato

(Mt 27:1-2, 11-14; Mk 15:1-5; Jn 18:28-58)

23 Go kəc luk röt jot ëbën ku yëthkë Jethu Pilato nhom raan Roma. ²Ku gəonykë ku luelkë, “Yok aaci mony kënë yök ke rəc kackua nhiim, ke ye lëk ke bik ajuër ciï ye tääu piny tënë bënyŋaknhom Roma. Ku aye lueel aya lön ye yen Raan cï lóc ku đoc, bënyŋaknhom.”

³Go Pilato thiëec, “Ye yin bënyŋaknhom kəc Itharel?” Go Jethu bëër, “Ee ya, cit tē ca luël ye.”

⁴Go Pilato yenhom wël kəcđit käk Nhialic ku thän awën ku lueel, “Acin awuöc ca yök ee raan kënë guöp.” ⁵Gokë jot ke jam apei ku luelkë, “Tëden yen kəc piöoc thün ajök aliäap Judia yic ëbën. Acï jöck Galilia ku yen kin cï bën Jeruthalem ëmën.”

Jethu aci yäth Antipäth Yërot nhom

⁶Nawën piŋ Pilato ë wëlkä ke thiëec lön yen raan Galilia. ⁷Nawën le njic lön ye Jethu raan wun məc Antipäth Yërot, ku yeen ë rëër

Jeruthalem ë nĩnkä, ke cɔl Jethu ayëth yenhom. ⁸Go Antipäth Yërot puü miet wën tiŋ yen Jethu, rin ëci kãjuëc piŋ ë rienke. Ku ëci Yërot wic apeï bi Jethu tiŋ, ku ŋöõth aya bi kãk ye Jethu ke looi tiŋ. ⁹Go Jethu jal thiëc wël juëc, go Jethu biët kecĩn wët tön dhuk nhom. ¹⁰Go kãcdit kãk Nhialic ku kãc piöc lööŋ röt cuot tueŋ, ku lueelkë wël rec apeï Jethu guõp. ¹¹Go Antipäth Yërot kek apuruöõkke Jethu bui ku lëëtke. Ku rukkë alanh dhëŋ apeï cit alanh bëny yekõu, ku toockë ciëen tënë Pilato. ¹²Ku jɔl Antipäth Yërot kek Pilato, wäär man röt jal mäãth akölë.

Jethu aci tēm thou

(Mt 27:15-26; Mk 15-6-15; Jn 18:39-19:16)

¹³Go Pilato kãcdit kãk Nhialic ku kãcdit baai, ku kãc kãk cɔl ëbën, ¹⁴ku lëk ke, “Wek aaci mony kënë bëëi ŋanhom, ku luelkë lɔn ë yen raan rec kãc nhĩim bik aliããp looi. Ku ëmën ŋen aci wët wic yic wenhĩim, ku akëc yök ke la guõp awuõc cãk alɔn ci wek ye gaany kãjuëc apeï. ¹⁵Na cãk a Antipäth Yërot ka këc yök ke la guõp awuõc, yen ale yen ye cɔl adhuk ŋanhom. Acin awuõc ci mony kënë looi lëu bi ye nõk. ¹⁶Aba cɔl athat ku luõny.” ¹⁷Ruõõn ëbën aköl Yan Ayum cin yic luõu, Pilato ë raan tøk kam kãc ci mac lony tẽ wic kãc baai ye bi lony. ¹⁸Go thãn awën tõ thĩn wuõu looi, “Nãk! Ku lony Barabath tënë ŋo.” ¹⁹Barabath ëci mac rin aliããm ci rot looi geeu, ku rin ci yen raan nõk.

²⁰Ë wic Pilato bi Jethu lony, ku ben jam tënë ke. ²¹Gokë ben kiu apeï, “Apiëët tim ci rĩiu kõu.”


²²Go Pilato ben jam tënë ke, kënë yen yic diãk ku lueel, “Yeŋö? Ye awãc ŋö ci looi? Acin awuõc ca yök ke ci looi lëu bi ye nõk! Aba cɔl athat ku cal ajiël.” ²³Gokë ŋot ke kiu apeï röldit, lɔn dhil Jethu piããt tim ci rĩiu kõu. Ku këden wën yekë lueel aci yenhom bën guõt.

²⁴Go Pilato wëtten gam ku tēm Jethu awuõc wën wickë. ²⁵Ku lony Barabath, raan wäär ci mac rin aliããp, ku rin ci yen raan nõk. Ku yik ke Jethu bik la luõi tēden wickë kepuõth.

Jethu aci piããt tim ci rĩiu kõu

(Mt 22:32-44; Mk 15:21-32; Jn 19:17-27)

²⁶Gokë Jethu kuaath aŋeer. Ku wën kuëth kek ye, ke mony cɔl Thaimon raan pan Thirene bö baai, nawën ci tim ci rĩiu Jethu göök, gokë dɔm ku cɔlkë aket tim ke buõõth Jethu cök. ²⁷Ku buõõth kãc juëc apeï ku diããr dhiau rienke aya. ²⁸Go Jethu yenhom wël ke ku lueel, “Diããr Jeruthalem, duõkkë dhiau ë rienkië, dhiaaukë ë rienkun ku rin miëthkun. ²⁹Rin nin bi ye lueel ëlä aaci thiõk, ‘Diããr mit gup aa diããr



Nawën lek të cöl Ithkal dööt, ke piëët Jethu tim cï rïü kôu ku kôc awën karou (23:33)

këc mïth kaŋ thuëët!’ ³⁰Ku ë yen tën bï ye aa luëel thïn aya ëlä, ‘Aŋuëën buk ciët kôc cï thou, kôc cï wiëk nhïim, kôc cï kë cï wiik kenhiim kuöm piny.’ ³¹Na ye këcït kënä rot looi ke tim tôc, ke yeŋö yakë tak ke bï rot looi të le yen riel.”⁸

³²Ku kuath apuruuk kôc karou aya, kôc la gup awuöcdit tet bïk ke la nök kek Jethu. ³³Nawën lek të cöl Ithkal dööt, ke piëët Jethu tim cï rïü kôu ku kôc awën karou, raan tók lŋ cuëc ku raan dët lŋ cam.ⁱ ³⁴Go Jethu lueel, “Wä, päl piny tënë ke, keek aa kuc kë loikë.”

Ku cuët apuruuk gek bïk alëth Jethu tek kamken. ³⁵Ku jöl kôc juëc kööc ë tēn ke daai ye. Ku tën awën ë ye kôcdit Itharel bui ku luelkë, “Ee kôc kök kony, cöl akony rot të ye yen Raan cï Nhialic lôc ku döc.”

³⁶Ku bui apuruuk aya. Ku bïk tënë ye ku gëmkë muön abiëc cï wac, ³⁷ku luelkë, “Na ye bëny kôc Itharel ke yï kony rot.” ³⁸Ku piëtkë tim cï ye göt thïn këlä nhial tim Jethu nom, “KËNË Ë BËNYŲAKNHOM ITHAREL.”

23:30 Yoth 10:8; Ny 6:16 **23:31** Wëtdë yic ee duër a këlä, “Na ye kë cït kënä rot looi tënë raan cïn awuöc cï looi, ke ye tak yeŋö bï rot looi tënë raan la guöp awuöc.” **23:33** Tën kënä ee ye cöl këlä rin thiëk yen kek göndit la guëŋ-ŋeŋ cït apen nom raan. **23:34** Wk 22:18 **23:35** Wk 22:7
23:36 Wk 69:21

³⁹Go raan tök kam kɔc awën cï piäät kek ye lat ku lueel, “Cïi ye Raan cï Nhialic lɔc ku dɔc? Kony rot ku kony ɣo aya.” ⁴⁰Go raan dëëtë puðu riääk ku nyieeny, “Cïi ye cak riöc Nhialic agut tē thou yin aya? Yok aaci tēm thou cimēnde. ⁴¹Ku awäcda adhilku jɔt rin yok aa col kē cuk looi, ku mony kēnē acin kēreec cï looi.” ⁴²Ku lueel tēnē Jethu, “Tak ɣa tē yeet yin Bäanydu yic.” ⁴³Go Jethu lēk ye, “Yin alēk yic, yaköl yin abi rēer kek ɣa pan Nhialic.”

Jethu aci thou ayic

(Mt 27:45-56; Mk 15:33-41; Jn 19:28-30)

⁴⁴Nawën tēcīt aköl ciel yic ke muöth loi rot pan awën, ku cïi aköl ruel yet tään aköl. ⁴⁵Ku tēwën ka alanh ye gēēɲ bï luaɲ Nhialic tek yic alɔɲ thīn rēet yic rou. ⁴⁶Ku cöt Jethu röldīt ku lueel, “Wä, wēikiē aaca than yicin.” Aci wēlkä lueel ku thou.

⁴⁷Nawën tiɲ bāny apuruuk kē cï rot looi, ke lec Nhialic ku lueel, “Mony kēnē ē ye raan path alanden.” ⁴⁸Nawën tiɲ kɔc ke cï kenhīim kut tēn bīk daai kē cï rot looi, gokē dhuk baai ke gut kepuöth. ⁴⁹Kɔc ke ɲiēc kek Jethu ēbēn, agut diäär ke buoth ye wäär jiël yen Galilia, aake daai ē kakkä ēbēn.

Jethu aci thiök

(Mt 27:57-61; Mk 15:42-47; Jn 19:38-42)

⁵⁰⁻⁵¹Mony cɔl Jothep ē tō thīn. Ku yeen ē raan gen Arimatheo, pan Judia. Jothep ē ye raan path la cök, ku yeen ē ɲöth bēn bāany Nhialic. Ku yeen ē ye raan akut luk kɔc Itharel.

⁵²Nawën le tiɲ lɔn cï Jethu thou, ke la tēnē Pilato ku thiēc guöp Jethu. ⁵³Ku bīi piny tim kōu ku der alath, ku tēu raɲ cï wec kuur yic, raɲ cīn raan cï kaɲ thiök thīn. ⁵⁴Ee ya aköl nīn dhiēc, aköl ye kɔc röt guiir rin aköl cīi kɔc ye luui, ee bī guɔ bēn.

⁵⁵Nawën cï guöp Jethu bēēi piny tim kōu, ke diäär wäär bö kek Jethu Galilia, buoth Jothep ku tiɲkē tē cï guöp Jethu tääu thīn raɲ yic, ⁵⁶ku dhukkē baai ku lek miök ɲir guiir bī kek guöp Jethu bēn tɔc. Nawën aköl cīi kɔc ye luui, ke ke lōɲ cīt tē ye lōɲ Mothith luël ye.

Jethu aci rot jɔt raɲ yic

(Mt 28:1-10; Mk 16:1-8; Jn 20:1-10)

24 Nayɔn nhiäk rial aköl Nhialic, ke diäär la raɲ nom kek miök ɲir cīk guiir. ²Ku yökkē alēl cï raɲ kum nom ke cï laar wei. ³Nawën lek raɲ yic ke cīi guöp Jethu yök thīn. ⁴Tēwën kēēc kek ke cï

gäi, ke röȫr karou ceŋ alēth yer apēi cī la toptop bö, ku kēēckē kelōm. ⁵Go diäär riöc ku gutkē kenhīim piny. Go röȫr wēn lueel tēnē ke, “Yeŋö ye wek raan pīr bēn wic tēn kōc cī thou? ⁶Acīi tō tēnē, aci rot jōt. Takkē kēwäär cī lēk we elä wäär ŋoot yen Galilia, ⁷lōn Manh Raan abī thōn kōc rēc bīk piäat tim cī rīiū kōu, ku abī ben pīr akōl ye nīn diäk.” ⁸Go diäär wēl wäär cī Jethu lēk ke tak.

⁹⁻¹⁰Maria Magdalena, ku Joanan, ku Maria man Jemith ku diäär kōk, kek aake cī la raŋ nhom. Nawēn dhukkē ke la kōc Jethu buōth kathiäär ku tōk ku atuuc kōk, lēk kē cī rot looi. ¹¹Go atuuc tak lōn ē yen wēt lueth, ku cīk gam. ¹²Go Pīter rot jōt ku riŋ raŋ nhom bī la tīŋ. Nawēn guŋ yekōu piny ku tīŋ raŋ yic, ke tīŋ alēth wäär cī guōp Jethu der kepēc. Go dhuk baai ke cī gāi aya kē cī rot looi.

Jethu aci rot nyuōth kōcken ye buōth karou

(Mk 16:12-13)

¹³Ya akōl tōŋ awēn, ke kōc Jethu buōth karou jōt rōt bīk la pan cōl Emauth, ku ē mec kek Jeruthalem tē cīt kilomīter thiäär ku tōk. ¹⁴Tēwēn cieth kek ke jam ku takkē kāk cī rōt looi, ¹⁵ke Jethu bö ku cieth ke kuany keyōth. ¹⁶Ku mār kēdāŋ kepuōth bik cīi ŋic. ¹⁷Go Jethu ke thiēc, “Yeŋö bakē lueel tēthēer awēn cieth wek?” Gokē kōc ku dōtkē piny ke cī kenyīn wel. ¹⁸Go raan tōk kamken cōl Kliōpath wētde bēer, “Adhil a yīn raan tōŋ rēer Jeruthalem kuc kāk cī rōt looi thīn ye nīnkā yiic.”

¹⁹Go Jethu thiēc, “Ye kāŋö?” Gokē bēer, “Aa kāk cī rōt looi tēnē mony cōl Jethu, raan Nadharet. Kāk cī looi ku wēl cī lueel aye nyuōth lōn ye yen raan ril kāk Nhialic tīŋ. Ku aci Nhialic ku kōc ēbēn gam lōn ril yen kēriēc ēbēn yic ye lueel ku looi. ²⁰Acī kōckuan dīt kāk Nhialic ku kōc piōoc lōōŋ dōm ku gēmke bāny mac baai bī tēm thou, ku piētkē tim cī rīiū kōu. ²¹Ku ē yeku ŋōōth lōn ye yen raan bī kōc Itharel waar kārēc yiic. Ku ē nīn kadiäk emēn tēn looi kākā rōt. ²²⁻²³Diäär kōk akuōtda yic, aake cī riēel raŋ nhom wēn anhiäk, ku lek dhuk ke wēt cī yook bēn cōl agēi lōn liiu guāpde raŋ yic. Ku lōn cī kek atuuc Nhialic cie lēk ke lōn pīir Jethu tīŋ. ²⁴Go kōc kōk kamkua riŋ bīk la tīŋ. Ku yōkkē ayic lōn liiu guōp Jethu raŋ yic, cīt tē cī diäär ye lueel thīn.”

²⁵Go Jethu lēk ke, “Wek aa kōc cīn kē ŋiēcckē! Wek aacie kāk cī kōc kāk Nhialic tīŋ lēk we ye lac gam! ²⁶Kēc kōc kāk Nhialic lueel wäär, lōn bī Raan cī lōc ku dōc kājuēcckā kaŋ guum bī jal la Bānyde yic.” ²⁷Ku tēt Jethu ke kāk cī lueel rienke wēl thēer Nhialic yiic, jōck athör Mothith agut kāk cī kōc kāk Nhialic tīŋ gōt.

²⁸Nawën cïk thiök kek pan awën le kek thïn, ke Jethu loi rot ke cït raan ber tuej. ²⁹Gokë pëen ku luelkë, “Rëër ke yo, aköl aci cuol.” Go la baai ke ke. ³⁰Tëwën cï kek nyuc bik mïth, ke Jethu löm ayup ku dɔc ku beny yic, ku gëm ke. ³¹Nyin yic tëwën ke ɲickë ku mër bik cïi ben tiɲ. ³²Gokë röt thiëc ë röt, “Yo këc puõth ayum tëwën jïem yen kek yo, ku teet wël cï göt theer tënë yo.”

³³Ku jɔtkë röt nyin yic ku dhukkë Jeruthalem. Ku yökkë kɔc Jethu buɔth kathiäär ku tök ku kɔc kök ke cï kenhïim mat, ku lëkkë ke, ³⁴“Bëny aci rot jɔt ayic, ka cï rot nyuõth Pïter.” ³⁵Ku jɔl kɔc wën bö Emauth karou kë cï rot looi dhël yic teet, tã cï kek bëny ɲiec thïn wën beny yen ayup yic.

Jethu aci rot nyuõth atuõcke

(Mt 28:16-20; Mk 16:14-18; Jn 20:19-20; Luci 1:6-8)

³⁶Wën ɲot jïem kek, ke Bëny bö ku këc kamken ku lueel, “Bï döör arëer ke we.”

³⁷Gokë pëk wei ku riõckë ëbën ku takkë lɔn yen atiëp yen yekë tiɲ. ³⁸Goke thiëc, “Yejö riõc wek? Yejö ye wek diu lɔn cïi yen ye ya? ³⁹Tiëɲkë yacin! Ku tiëɲkë yacök, ee yën ayic. Gatkë ya, ku abäk tiɲ rin atiëp acie la adiõɲ ku yom cimën ye wek ke tiɲ kek ya.” ⁴⁰Ku wën lueel yen kënë, ke nyuth yecin ku yecök ke. ⁴¹Ku ɲot cïk gam, rin miet diit cï kek puõth miet ku gäi diit cï kek gäi. Go Jethu ke thiëc, “Le miëth camkë tã thïn?” ⁴²Gokë gäm rëc cï tuak ⁴³ku cuet ke dëei kek ëbën.

⁴⁴Ku jɔl lëk ke, “Käkkä gup aa käk ca lëk we wäär ɲot rëer yën ke we, lɔn bi këriëc ëbën cï göt Lõɲ Mothith yic, ku athör kɔc käk Nhialic tiɲ ku diet Nhialic yic aya ë rienkië, aa dhil röt tiëɲ tëden.” ⁴⁵Ku kony ke bik wël theer Nhialic deet yiic, ⁴⁶ku lëk ke, “Ayakë tiɲ tã cï ye gät thïn lɔn Raan cï lɔc ku dɔc, ë bi gum ku jɔt rot raɲ yic aköl ye nin diäk. ⁴⁷Ku aci wël cï göt lueel aya lɔn dhil kɔc pinynhom ëbën, jɔc Jeruthalem lëk bik kepuõth wël Nhialic, bi kåracken päl piny. ⁴⁸Wek aaci kääkã tiɲ ke cï kenhïim tiëɲ. ⁴⁹Ku wek abi tuõc Wëi Nhialic wäär cï Wä lueel. Rëërkë geu yet aköl bi riel nhial kënë bën tënë we.”

Jethu aci yäth pan Nhialic

(Mt 16:19-20; Luci 1:9-11)

⁵⁰Nawën ke Jethu jiël ke ke ku lek Bethani. Ku jɔt yecin nhial ku dɔc ke. ⁵¹Tëwën dɔc yen ke, ke jiël tënë ke ku jɔt ë nhial. ⁵²Gokë door ku dhukkë Jeruthalem ke cï puõth miet. ⁵³Ku keek aake ye lac rëer Luaj Nhialic ke lec Nhialic.



Tewën dɔɔc yen ke, ke jiël tënë ke ku jɔt ë nhial (24:51)